


AVGVSTINI
MASCARDI
ETHICÆ
PROLVSIONES.



PARISIIS,
Apud SEBASTIANVM CRAMOISY, Typographum
Regis ordinarium, viâ Iacobæâ, sub Ciconijs.

M. DC. XXXIX.,
CVM PRIVILEGIO REGIS.

THE

MAGAZINE

ETHICS

PROCESSES

THE

ETHICAL

THE


ETHICAL







ANTONIO
BARBERINO
CARDINALI
EMINENTISSIMO,
S. R. E.
CAMERARIO.



AUGUSTINVS MASCARDVS F.



*Isi omnibus explora-
ta vnū me tua fallit
humanitas, ANTO-
NI Cardinalis Emi-
nentiſſime, hominem*



*inter cultores admittes, à multis annis
aſſuetum te potius admirari, quàm*

tua. Nam utcumque familiae felicitatem, splendorem infularum, Regias necessitudines, opes, clientelas, & quod caput est, Sanctissimi Patruī diuinæ proximam maiestatem aulicorum vulgus enumeret; ego in te uno totus hareo, atque istius magnitudinem animi, hac omnia tanquam de superiore loco despectantem, exosculor. Onerasti fortunam virtutibus tuis, ANTONI; quæ ubi in te ornando vires omnes exhausit, ad immensam animi tui capacitatem erubuit; sensitque in te aliquid esse tam grande, ut eo conniti suo fastigio non possit. exemplo autem tuo docuisti, exaggeratam mentis celsitudinem in eum aptissime cadere, qui diuino præiudicio meritus est, ut Princeps aut nasceretur, aut fieret. Vtrum

*verò meis rationibus te magnanimum
esse conducat, leuissimum hoc Ethica-
rum Prolusionum munusculum pa-
lam faciet, quod ideo tibi iucundissi-
mum fore ominari audeo, quia in-
telligis eiusdem Alexandri fuisse, &
Ciuitates amicis donare, & à Corin-
thijs ciuitate donari. Vale.*

I N D E X

P R O L V S I O N V M.

- PROL. I.  *Erturbationum Idololatria.* 1
- PROL. II.  *Perturbationum Idola ope virtutis
euerſa.* 18
- PROL. III. *Charidemus, ſive de literarum ſtudijs ad animi
culum traducendis.* 33
- PROL. IV. *Verum in Virum ſapientem cadat animi per-
turbatio. Stoici à calumnijs vindicati, &
de Chriſto Domino quaſum.* 51
- PROL. V. *De nimio in valetudine cūranda ſtudio.* 67
- PROL. VI. *Præpoſteram Valetudinis curam plurimum ani-
mo, ac virtutibus obeſſe.* 88
- PROL. VII. *De concordia animi ſimul & corporis tuenda
Valetudine diligentia.* 104
- PROL. VIII. *Triplici timoris gladio triplex conſtantiæ cly-
peus, imminentiſſimis iam ferijs aſtutus, ob-
iectus.* 121
- PROL. IX. *Fruſtra mortaliū vitij excuſationes obtendi.* 137
- PROL. X. *Omni reducto excuſationū velo, quanta quanta
eſt hominū improbitas in aperto collocatur.* 159
- PROL. XI. *De eruditione per ſōnia ad ſomniū Scipionis.* 176
- PROL. XII. *Quomodo Rhetorica Dialectica altera ex par-
te reſpondeat. Ad primum caput Rhetori-
corum Ariſtotelis.* 187
- PROL. XIII. *De Memoria præſtantia ſimul ac fragilita-
te.* 208

AVGVSTINI



AVGVSTINI
MASCARDI
PROLVSIONES
ETHICÆ.

Perturbationum Idololatria.

PROLVSIO PRIMA.

HESICHIAE sacris, in quibus otio
litatum est, rite, ritūque maio-
rum persolutis, ad institutum sa-
tis auspicatò redirem, AA. nisi
ab erudita adhuc altercatione
commotior, obnoxium me ijs animi perturba-
tionibus declararem, quas tamen ex hoc iam-
pridem loco, sapientiæ documentis exagito. Ve-
rū quid agerem, quando ita res tulit, vt si con-
tra sentientis argumenta declinare, per dissimu-
lationem vellem, non tam ingenio modestè ce-

A

dere , quàm causam prodere , atque adeò calumniæ præuicari viderer? In hominem videlicet incidi , eruditum illum quidem , & (quæ rara admodum , hac facie temporum , societas est) religionis amantem ; verùm qui inter semirutæ vrbis rudera doctrinam penitus lapidosam effoderet ; vt collabentibus antiquitatis parietinis , ingenium obrueret potius , quàm expoliret ; pietatem verò nullius beneficio institutionis excultam , velut securibus intactum diuinitatis luccum , eminus veneraretur , nè cominus exploraret. Atque vt est ea hominum natio vel lapidibus suis durior , vel sua superstitione timidior , parum abfuit , quin familiaris inter nos confabulandi consuetudo , in apertam conuiciandi licentiam degeneraret. Quod vnum ergo in ipso contentionis calore impetrare ab animo meo potui , negotium vobis integrum , in hodiernam dissertationem referuavi : vos de re tota , prout libuerit , pro vestra sapientia decernetis.

In eam Ianiculi partem secesseramus , vnde in subiectam latè planiciem prospectus apertior , atque indulgentia cæli clementior , vrbis defatigatum curis animum solueret. Regnam vrbium Romam in tantam olim magnitudinem excreuisse mirabamur , vt cùm Occidentis , Orientisque solis ambitu imperium definiret ,

sinu tamen suo nescio quid maius, augustiusque concluderet. Quàm parum enim à vero abesse disertissimi scriptoris oraculum, quo humani generis, non populi vnus facta disci, ab sola Romanæ historiæ lectione testatur? Cæteras quidem regiones vnum, aut alterum singulis ætatibus numerasse, qui vel bellica virtute, vel sapientiæ opinione, vel rerum gerendarum laude claruerit: at Romæ difficile admodum fuisse, ex vniuerso ciuium ordine vnum, aut alterum exemptum velle, quem maximis domi forisque Reipublicæ negotijs imparem iudicares. Illustraria verò virtutum exempla, quæ diuisa è multarum gentium monumentis ægrè repetuntur, in annalibus Romanorum & numero infinita, & magnitudine singularia, & varietate multiformia, & genere ipso diuina reperiri; vt meritò Romanum nomen posteritatis disciplina sit. Nam immensum ipsius vrbis ambitum, incolarum frequentia in angustias penè coactum, citra fidei discrimen commemorare quis audeat? cùm Polemonis apud Galenum, Aristidis, Athenæi, Senecæ testimonio intelligamus, capacem generis humani ciuitatem, confertæ incolarum multitudini ægerrimè suffecisse? At nunc, proherum vicissitudines! vbi Roma illa fuerit quæritur. Vbi enim theatra, amphitheatra, circi,

Luc Flor.
prolog. l. i.
histor.

Galen. in
Hypocr.
de fract.
com. i.
Aristid. in
Encomio
Romæ
Athen. l. i.
Deipnos c.
16.
Sen. conso-
lat. ad Hel-
uiam c. 6.

lauacra, fora; & quod caput est, vbi Deorum
 templa, siue Iouis in Capitolio, siue Apollinis
 in Palatino, siue Veneris ad Portam Collinam,
 & sacra via, siue Pacis prope forum, siue deni-
 que Urbis ipsius ad Palatini radices in Comitio?
 Vbi numinum simulachra ex auro, argento,
 ebore fabrefacta? Hic nimirum sodalis ille meus
 intemperanter exarsit; & veluti Phœbas conce-
 pto paulatim numine augustior, sacro ictus en-
 thusiasmo, plura me dicere meditantem inter-
 fatus, O te, ait, stultissimæ temeritatis virum,
 qui nostræ foelicitatis argumenta, ad deploran-
 da superstitionis nescio cuius detrimenta detor-
 ques. mox quasi superfundentibus se furijs im-
 par, primos ingruentis numinis motus incerta
 ægritudine eluctatus, ardentibus oculis yatici-
 nantis in morem, Salue, ait, mea Roma salue;
 non à lateribus, vt olim, ad marmora, sed à mar-
 moribus ad aurum sanctiori ædificatione tradu-
 cta; salue inquam è combustæ superstitionis ci-
 neribus rediuiuus Phoenix. Illæ, illæ iacentes pas-
 sim templorum reliquæ, conuulsa illa delubra
 numinibus cōsecrata, illa euerfis aris simulachra
 disiecta, victorias in puluere describunt tuas;
 quæ stantia tuum dedecus longè latèque nun-
 ciabant. Tanti est insanas marmorum substru-
 ctiones, quibus in cœlum monstra hominum

Lucan. i.
 lib. Pharsal.

inuehebantur, veræ pietatis ariete profligasse; tanti est immanes Gigantum moles, quibus nefandum diuinitati bellum inferebatur, veritatis fulmine deiecisse. Atque hîc omnia veterum fana, simulachra omnia, sacris etiam vniuscuiusque numinis ambitiosè commemoratis, non numeravit modò, sed intento etiam digito interprostratæ vrbs sepulchreta designauit. Mox autem, vt se collegit, linguamque diutiùs peregrinatam, & quod mirum est, nusquam inter errandum offendentem, reuocauit, me in ipso dicendi ardore subintuens, & reperiuntur tamen, inquit, qui ruinas illas Christianæ religioni salutare auersentur, atque deplorent; quod illis oppressa scilicet impia deorum simulachra delitescunt? Ego verò, qui ad intempestiuam eruditæ loquacitatis tempestatem nescius quorsum eruptura esset, horrueram; vbi tandem illa detonuit, licet imperitæ, rusticæque pietatis epiphonemate veluti fulmine tactus essem, nec risum tenui; cuius tamen suauitatem efferuescentis subinde amaritudo bilis inficeret. Tumentem nihilominus animum, & in iurgia gestientem, vtcumque compressi; mox ad illum, Bona verba, mi homo, Christianus sum, & ciuitas veterum religiones execror, si quis alius, constantissimè. Verum dum tu de illis, vt potè opi-

nione tua iam profligatis, confidentissimè gloriaris, ac penè triumphas; ego regnantem adhuc superstitionem, & simulachrorum cultum, in ipsa Romanæ, hoc est veræ religionis arce, non iustè minùs, quàm acerbissimè queror. Vide quàm male de tua pietate tibi placeas amice, & quàm iniustè me carpas. Iterum dico, ne lubricæ me linguæ vitio lapsus calumnieris. Aio te, multosque mortalium, qui Christiano nomine, ac iure censentur, prophanis falsæ diuinitatis sacris operari. quòd ego dum paucissimis probo, oratos vos peruelim AA. vt disputatoris argumentationibus intercisis, continenti oratione mihi liceat perorare.

Lib. de
Idololatr.
c. 3.

Atque illud in primis, cum Tertulliano Aphro-
rum doctissimo, censeo statuendum, citra vlla
Deorum simulachra, vel ære fusa, vel auro re-
cocta, vel luto ficta, vel ligno dolata, vel scul-
pta lapidibus, impiorum nihilominus seruitu-
tem numinum, quam latrariam Græci dicunt, in
Christianorum pectoribus consecrari. Nullus
hîc manubias, quas quondam timuit, intor-
quet Iuppiter: nullus maria, terrasque Neptu-
nus tridente concutit; Mercurius nullus auras
talaribus secat; nec Ægyptus Anubim, nec Eleu-
sinij Cererem, nec Phryges Matrem, nec Eu-
sculapium Epidaurij, nec Caldæi Belum, nec

Vide My-
thologos &
Isidorum
lib. 8. Ori-
gin. c. 11.
sed præci-
pue M. Mi-
nutij Feli-
cis Octa-
uium, à
quo hæc
desumpta.

Astartem Syri, nec Dianam Taurij, nec denique Deorum centurias nobis obtrudit Romanorum cynicus Varro. Solæ animorum perturbationes, quas recepto vocabulo affectus appellamus, omnia sibi vindicant iura diuinitatis; illas colimus non specie vilissimi nidoris, at nostro; nec anima pecudis impensa, sed nostra; illis immolamus ingenium, illis sudorem libamus, prudentiam illis accendimus; illis denique, ut loquitur Tertullianus, saginatiorem, & auriatorem hostiam cedimus salutem nostram. Nec tamen ego, dum perturbationes aio à nobis diuinitate donari, cogitationem meam in priscas earum apotheoses conieci. Coluerint olim ut libet, Lacedæmonij Timorem, Spem Romani, Misericordiam Athenienses, Inuidiam cum Romanis plerique Græcorum, Pudorem atque Impetum rursus Athenienses, auerruncos Deos: de illis ego non disputo, & doctrinæ famam ambitiosa vetustatis nouitate non colligo. Lararium vniuscuiusque nostrum diligenter excutio; idola in ara cordis impiè consecrata ideo hodiernæ luci redono, ut perpetuis in posterum tenebris mancipientur.

Et prima quidem Idololatriæ origo si altius repetatur, illam in perturbationes referendam esse tum sacra, tum prophana literarum monumen-

Tertull. de
Idololatr.
c. 6.

Plutarch. in
Cleom. Li-
uius l. 1. &
4. Decad 3.
Pausan. in
Atticis seu
l. 1. Gytald.
syntrag. 1. de
Dijs gen-
tium Geg.
37. edit Ba-
sil. Pausan.
in Atticis,
& in Laco-
nicis seu l.
1. & 3.

Vide Dan-
dinum de
corp. ani-
mato l. 2. c.
8. ad Aristo-
telis textum
86. cōment.
118. in fine.

ta testantur. Timor siquidem sæuissimus ille tortor animorum, perculsa semel mortalium pectora stultissima præsentis numinis opinione ita delusit, nullam ut sibi præsidij spem relictam à diuinitate, quam oculis non viderent, manúque non tangerent, arbitrarentur. hinc peruulgatum illud à Petronio simul, & Statio,

Primus in orbe Deos fecit timor.

nec ineleganter alius, siue is Dares Phrygius à Cornelio Nepote transcriptus in Latium, siue scriptor, ut reor, ab extrema Britannia non ignobilis.

*Quippe Deum genitore metu mens caca creauit
Ditem umbris, cælo superos, & numina ponto.*

Quòd si stolidos simulachrorum cultores tam degeneris pudet originis, alióque stirpis incunabula transferre malunt, illis quidem libentissimè obtemperabo, in aliam tamen perturbati animi ægritudinem rursus impingam. Dolorem illis generis auctorem dabo: nec publicis modò sapientum tabulis Eusebij, Cyrilli, Hieronymi, Cypriani, Augustini, verùm testimonijs ex ipso sapientiæ tabulario religiosè petitis. Disertè siquidem Salomon: *Acerbo luctu dolens pater, cito sibi rapti filij fecit imaginem, & illum, qui tunc quasi homo mortuus fuerat, nunc tanquam Deum colere cepit*: quod ab Ægyptio

Syrophane

In fragm.
Satyr. l. 2.
Theb. in
quem lo-
cum vide
Lactan si-
ue Luctat.
Placid.
Lib. 1. de
Bello
Troiano.

In Chron.
l. 3. con.
Isolan. in c.
1. epist. ad
Rom de
Idol. vanit.
cõtra faust.
q. 22. c. 17.
His adde
Chrysostr.
hom. 86. in
Matt. Ege-
sip. apud
Hieron. de
Vir illustr.
Ambr. in c.
1. epist. ad
Rom. Ifid.
l. 8. Ethio-
mol. c. 11.
inait.

Syrophane factum fuisse tradit Fulgentius ; à Marco Tullio satis dolenter vsurpatum in filiæ obitu, auctior est luculentissimus Christianæ religionis Tullius Lactantius. At nihil adhuc agimus AA. & ægritudines animi non adoramus vt. numina, sed vt numinum artifices veneramur. bene est ; admonitus in orbitam , vnde exerraueram , redeo.

Lib. i. Mythol. c. i. vbi de Idolis.

Lib. i. Instit. c. 17. quem vide.

Fortissimus ille apud Virgilium Nisus, virtutis suæ calamitate nobilitatus, cum magnum aliquid animo moliretur, amicum intuens ait,

Æneid. lib. 9. in quem locum vide N. oratio. Ludouici Gerdes.

— *Dij ne hunc ardorem mentibus addunt Euriale, an sua cuiq; Deus fit dira cupido?*
ita ne vèro miserrime adolescens, in vitæ limine philosopharis, vt impotentis animi cupiditatibus iura diuinitatis adiudices ; & furias consecres, quas è vicinæ mortis afflatu, luctuosè generosus imbiberas ? ita est AA. humanus ipse animus tanquam Deus à veteribus, & quidem sapientissimis Socrate, Platone, Aristotele, Theophrasto, Euripide celebratur ; cum autem quicquid in Deo est, ab ipsa Dei natura alienum esse non possit, vt Augustinus hoc in argumento doctissimè disputat, manifestè inde conficitur, animi perturbationes non posse à notione diuinitatis excludi. Quod vt liquidius adhuc pateat, animū, quæso vos, diligenter aduertite. Elegantissimus

Apud M. Tull. 2. de diuinatione & 1. Tuscul. Arnob. 1. 2.

Philol. 1.
Allegor. in
fin.

Horatius
in epist. ad
Pisonem de
Arte Poët.

Epitēt. in
Enchirid.
passim. sed
præcipuè c.
10. & 34.
vide in eun-
dem Sim-
plic. & Ar-
rianum
Stob. Serm.
11. qui est
de veritate.

Iudæorum Plato, in sacris allegorijs, hominum animos quodammodo finxit è cera. nec Platonis tamen sententiam in Teæto pluribus explicatam, de cereis Memnosynes simulachris expressit; cùm illa ad rerum imagines à sensibus hausas, quibus memoria percellitur referantur, Philo autem de ipsa animi teneritudine disserat, cuius beneficio partem in omnem agitur, atque versatur. Cereus igitur animus est; nec in adolescentiæ tantùm lubrico, vt putavit Horatius, cùm mollis nondum ætas adoleuit, nec in vetustate prorsus obduruit; verùm eadem semper est sequacis animi temperatio, formarum omnium capax, quas illi obiectæ rerum species indere possunt. Vbi semel ergo vel acerba vel iucunda nobis pro inconstanti vitæ cōditione obtigere; æstimator animæ facultas cereum animum violēter adorta, vel doloris, vel voluptatis simulachrum in nobis effingit, quod vnusquisque aut impetu virtutis elidit, aut mentis imbecillitate veneratur. Hinc masculam illam ab Epitecto vocem tam frequenter audimus, qua non rebus, sed rerum opinionibus constantiam nostram labefactari docemur. hinc opinionem apud Stobæum Iamblicus *εἰδωλονοία*. hoc est simulachrorum effictricem appellauit; quod & si aliò detorqueri posse non ambigo, cùm illam opponat veritati.

in rem tamen de qua disputo cadit aptissimè.
 nam si prophanus idolorum cultus *umbra pictura, & labor sine fructu* à Salomone meritò dictus est, quod in futilibus, aut hominum, aut belluarum imaginibus æterni numinis diuinitatem, non tam adorandam proponat, quàm prostruat deridendam; an non execrata picturæ huius lineamenta, in animi perturbationibus regius Psalter agnouit, cum dixit: *Transierunt in affectum cordis*: hoc est (vt ab ipsa vocis origine sapientes eliciunt) transierunt in picturas, & imaginationes cordis? quas porro perturbatæ mentis imagines idem ille purpuratus Vates obliterandas olim, & inducendas, ex Ambrosij interpretatione auguratur, & cupit, *Domine in ciuitate tua*: (hoc est in piorum hominum animis) *imagines ipsorum ad nihilum rediges*: vt igitur vnusquisque de optimo mentis statu opinionis errore deiectus, aut perditè concupiscit, aut impotenter irascitur, aut metuit desperatè, ita sibi, vel amoris, vel iræ, vel timoris imaginem fingit in animo, cui profana religione se deuouet, ac turpiter litat. Atque hæc sunt nouitia illa, ac subitaria numina, ex hominum ingenio, heri aut paulò ante procusa, dum

— *sua cuique Deus fit dira cupido:*
Dum sibi quisq; Deos auido certamine fingit;

Vide August. in hunc locum, & Gloss ordin. in moral.

August. Serm. 19. de Verbis Domini.

Cic. l. de natura Deorum, & Ouid. Fast. 6. vide opuscula duo Sirmondi, & Alexandri in Inscriptione antiquissimam de l. Cornelio Scipione. Herodot. l. 1. qui & Clio. & 7. qui Polymania vide Gyrald. Synt. v. 1. 181. & Cerdam ad 10. Æneid. v. 177.

Satira 1. contra Romanos sentit August. 4. de Civitate 2. 29. & Arnob. l. 4. vi.

à quorum impio cultu grauitèr nos ille deterruit, qui dicebat: *Non erit in te Deus recens, cui enim Deus venter est, Deus recens est* (inquit eloquentissimus diuini codicis interpret Hieronymus:) *iratus sum: ira mihi Deus est; unusquisque enim quod cupit, & veneratur hoc illi Deus est.* Quod si Theologorum princeps Augustinus: *Vnicuique*, ait, *sua cupiditas tempestas est*: non ideo tamen stultam perturbationum apothecosim; de qua hæcenus disputaui-
mus; inficiatur; cum & tempestates Romani populi ritibus consecratas, apud M. Tullium legamus, postquam Scipio Consul Corsici maris rabiem euasisset; & Persæ, Græcique ventos in Deos, ventosa superstitione retulerint. illud potius negotium mihi tantisper facessit, quod ab Satyricæ Poëseos studiosis obijci posse non nego. Si omnis prorsus intemperantis animi cupiditas Deus est, tum illa præcipuè maioribus hostijs adorabitur, cui in lectissima cordis parte cellam dedicant pleriq; mortalium, & curappela nuncupatur. at negat Iuuenalis templa pecuniæ posita, atque aras erectas.

— *et si funesta pecunia templo.*

Nondum habitas, nullas nummorum ereximus

aras;

ex animo nean

nis suis auri cupiditatem exprobrauerit Iuena-
 lis, otiosè non quero. pecuniam certè pro Dea
 cultam; cum Augustino prodit Arnobius. Ve-
 rùm nullus per me Pecuniæ palam, ac publicè
 farre, & mica fecerit saliente. Ast ego qui arca-
 na pectoris sacra, & cordis mysteria omnibus
 Isidis ceremonijs occultiora perpendo, de ma-
 nifestis pecuniæ sacrificijs magnopere non labo-
 ro. Auri tamen cupiditatem idolorum cultum,
 ac seruitutem ab eo humani generis doctore ap-
 pellatam noui, qui in cœlum ideo raptus est, vt
 cum deinde tanquam è cœlo delapsus præco-
 nem veritatis admiraremur. hinc gloriosus ille
 apud Oseam vaticinio nobilem inanissimè præ-
 dicabat, *Diues effectus sum, inueni idolum mi-*
hi: hinc Nazianzenus Gregorius, inter Græcos
 Ecclesiæ procures cognomento Theologus, *Au-*
rum & argentum non secus atque illi Baal, &
Astartem, & execrandum illum Camos ado-
ramus.

de Gyrald.
 Syntag. 1. de
 Dijs Gen-
 tium p. 37.
 Bâsil. edit.

S. Paul. ad
 Ephes. c. 5.
 & ad Co-
 loss. 3.

Osee c. 28.

Nazianze-
 nus Ora-
 tione 15.

Angeronam numen apud Romanos; vt Flac-
 cus Verrius existimat, angoribus depellendis
 idoneum, in sacello Voluptæ à Pontificibus pro-
 pituari solitam, ex Theologorum disciplina tra-
 dit Macrobius. Vtrique siquidem Deæ ara com-
 munis, communes etiam mystas, communes
 popas requirebat: non ego priscorum factum ex-

Macro-
 b. Saturn. l. 3.
 c. 20.

corum superstitione damnare temerè ausim; sed facti potius, si per vos licet, rationem quaero. Qui fieri vnquam potuit, vt numina, non magis nomine discrepantia, quàm instituto contraria, easdem aras infederint; & vota mortalium modò prona in voluptates, modò angoribus exhausta, communicata diuinitate vel deluserint, vel exceperint? An eadem dolori simul, ac voluptati dabitur sedes, quæ amorì, ac maiestati sapientum omnium consensione negatur? Nimirum hoc etiam humanæ idololatriæ prodigium est, si nescitis; nos in vno pectoris sacratio easdem dolori simul, ac voluptatibus aras excitamus; illis nos virtutem, coronatam scilicet victimam, iugulamus; temperantiam illis, atque constantiam cædimus. Et ne vllis possint hostium diris euocata, delubra deferere, non istis aut virtutis nescio quibus abactam coërcemus diuinitatem, sed alteri, alteram tam arctè coniungimus, vt nunquam à mutua societate diuellantur. Sensit hoc in Platonis Phædone Socrates, qui Æsopico prorsus ingenio Deum in hominibus, doloris ac voluptatis inter se apices copulasse fabulatur: atque ex duplici hoc veluti perturbationū fonte reliquarum deinceps eluies, mortalium animos propemodum inundauit.

Verùm me de vana prophani numinis adora-

De numini
euocatione
Macrob.
Saturn. l. 3.
c. 9. Plinius
l. 28. c. 2.
Seruius ad
1. Æneid. ad
illum ver-
sum excess-
sere omnes
adytis, &c.
quem tamē
castigat
Muretus
Var. lect. l.
5. c. 19. sed
omniū co-
piosissimē
Brissonius
l. 1. de for-
mulis. vide
recentiores
Virgilij
Scholiast.

tione prolixius differentem , vehementer pudet
 incogitantia meæ, quod Pantheon; templum il-
 lud augustum , hactenus præteriui; illud , illud
 consummataæ, vt aiunt, architecturæ exemplar
 vnicum; magnificentissimum illud, in regnatrice
 vrbe; Deorum domicilium; publica illa diuini-
 tatis officina; illud vniuersæ superstitionis em-
 porium; illud exoticarum toto orbe religionum
 receptaculum; illud peregrinorum ex plebe vlti-
 ma numinum commune perfugium, quam
 aptè indiuiduam perturbationum omnium la-
 triam nobis reuocat in memoriam? Pantheon
 est cor humanum, simulachrorum colluuiæ ref-
 fertissimum; in quo non vno tantum pandicula-
 ri, & communicatio die, omnibus communiter
 affectibus operamur; sed perpetuo naturæ cultu,
 à primigenia vitæ innocentia iam prolapsæ, vota
 mortalium adolentur, & olidissima vitorum
 thura succenduntur. Impulit me, sed planè vo-
 lentem, in hanc sententiam, quod Pantheon ita
 apud Dionem appellatum legi, quia plures Deo-
 rum imagines, in Veneris, Martisque simula-
 chris complecteretur; hoc est; quia reliquum
 perturbationum vulgus gemino Concupiscen-
 tis, & Irascentis facultatis nomine, tanquam mi-
 litaris duplici sub signo turba, recensetur. Non
 est animus ire per singula; cum finem iam due-

Pontanura .
 & Cerdam
 ad 1. Æncid.
 v. sup. cit. &
 Delrium;
 Comment.
 in Troad.
 Sen. de vin-
 culis vide
 Curtium l.
 5. vbi de
 Tyrijs.

Dio Rom.
 histor. l. 35.

dum spectet oratio mea; quædam tamen leuiter delibabo. Et concupiscendi quidem in anima facultati (quam Venus in Pantheo designabat) diuinæ mentis cultum, ab impio Manichæorum grege fuisse delatum, grauiissimus auctor est in hæresibus Epiphanius; *Cupiditatem*, inquit, *adorant, & esse numen arbitrantur*: qua deliræ mentis superstitione, diuino beneficio sublata, quam verëcor, ne sectam illam nefariam, impurumque eius principem Manem, nostris moribus tueamur: præclare siquidem Cyprianus, martyrio, & eloquentia inclytus, pronunciauit; *Hic auidas manus cupidi muneribus compli-*
cant; hic genu flexo concupiscentia quisque sua
idolum colit, & propria libidinis adorat simu-
lachrum, quò etiam collimasse visus est Athenarum decus Dionysius, qui turpem amoris idolum potiùs, & à germano amore prolapsionem dixit. Nec simulacra sua irascendi facultas humanæ mentis vitio desiderat; verùm quem admodum efferrata Scytharum natio suos acinaces, sæuissimus hastam suam Mezentius adorabant, ita effrænes animi motus iracundiæ blandientes colimus, dum fouemus; atque ut è Hieronymi sententia paulò antè dicebam, irato iram ipsam pro numine, impia temeritate præscribimus. Vnus huc nobis Achilles aduocandus est,

Cyprian-
de
tentat. &
Ieiun. pro-
pe finem.

Arcopag. c.
4. de diuinis
nomin. pag.
556. edit.
Plancinia-
nz.

Herodotus
l. 4. siue
Melp.

est, vtriûsque sceleris propè Ilium reus. hic nimirum Venerem, Martemque in militari pectoris Pantheo, tam perditè copulauit, vt probrosa Vulcani sese vlciscentis retia, mera captiuorum numinum libertas sit. Quid multa? Martem delicijs effæminauit, efferauit Venerem furij; vt ille in meretriculam degenerasse, hæc in militem exarsisse videretur. Ereptæ Briseidis iniuria libidinis faces iræ flatibus ventilauit; vt factitia hæc numina, & iocularia Amor, & Ira, collatis viribus virtutem in Herois animo ingularent. Nec sanè propitiari vnquam furiosum Deorum par vel regis precibus, vel exercitus calamitate, vel adhortationibus amicorum potuisset, nisi Amori quidem, pellicis reditu; Iræ autem, multorum sanguine litatum esset. Vsq; adeò ad virtutis exitium vicarias sibi operas perturbationes locant, & altera in animi perniciem alteri ancillatur. Videtis opinor, Auditores, quò tandem sodalis mei calor ille, pietasque reciderit; vt inter prostratæ superstitionis rudera resuscitent simulachrorum segetem viderit; quam ego tamen non igne, aut ferro depascendam, sed virtutis ingenio radicitus euellendam in meis differtationibus sanctè polliceor. Illud interea constantiæ, atque sapientiæ vestræ datum intelligatis oro, vt ideo inter sacrilega perturba-

Homer.
Iliad. i. &c.

tionum sacra vos reliquerit oratio mea, quia supra omnem perturbati animi tumultum in vera vos virtutis tranquillitate video constitutos. Tempora in posterum affectibus deuota augustiniori numini dedicabimus.

Perturbationum Idola ope virtutis euerfa.

PROLVSIÓ SECUNDA.

CONFLATAS iam pridem siue iure, siue iniuria, cum sodali meo, religionis nomine similtates, abolere nunc tandem paro, Viri & eruditione, & nobilitate clarissimi. Postulat hoc tum genius humanitatis, qui odia inter mortales immortalia esse non patitur; tum temporis sanctimonia, cui omnibus inimicitiarum fibris litandum esse, Christiana pietas persuadet; vos etiam, vt opinor, idem pro vestra sapientia flagitatis, ne prophanæ superstitionis improbitas hominum animos diutiùs dehonestet. Age igitur, & rem altiùs ab ipso disputationis exordio reuocemus. Impium simulacrorum cultum (quem à Græcis mutuato vocabulo idololatriam appellamus) regnare adhuc in ipsa Romanæ religionis maiestate, exactis retro mensibus lamentabar: dum vnusquisque nostrum,

desidioso inertia labore, templum sibi fingit in pectore, aras excitat, thura succendit; vt perturbati animi furijs potius, quàm numinibus, iugulata virtutis visceribus operetur; non magis scilicet victimarius, quàm victima; delubrum quàm popa; sacerdos, quàm sacrificium. Atqui sodalis ille meus, qui vetustatis cicatrices, in semisepulto Romæ cadauere contemplatus, doctrinam sibi comparabat, eò nomine preciosam, quòd è ruderibus, tanquam thesaurus, effossa, multum de auro trahere putaretur, cui proxima delituisse; omnem sublata penitus superstitionem argutabatur, cum prophanorum numinum delubra, veræ diuinitatis ariete disiecta corruerunt. Proinde impium me, dirisque omnibus deuouendum, qui execratas iamdudum religiones, inanibus ingenij commentis excitarem. Hinc saxa omnia, si meministis, è templorum reliquijs studiosè collecta, in me vnum, erudita lapidum tempestate coniecit; hoc est ambiciosa templorum commemoratione, quæ solo æquata, Christianæ fidei fastigium altius extulere, me de sententia mea dimouere vehementer adorsus est. Verùm dilapidauerit ille, per me, sapientiam à lapidibus haustam, illud ego prudenti Auditorum, opinione confeci, vt vigere adhuc in hominum animis prophanum pertur-

bationum cultum intelligerent omnes, & faterentur. quem tamen quoniam amoliri iamdudum, & suadet pietas, & imperat promissi religio, nunc tandem libero fidem meam, illudque statuo hodiernæ dissertationis argumentum, Quonam pacto perturbationum cultus, siue latria, de medio tolli possit. quod ego dum rationibus doceo, ab ipsis Christianæ disciplinæ fontibus repetitis, dabitur AA. hanc argumento veniam simul, & tempori: cum præsertim aberratio, quæ nos in semitam pietatis abducit, apud cordatos viros, hoc est vestri similes, plus habeat foelicitatis in officio, quàm temeritatis in voto.

Duplicem ego viam in antiquæ Christianæ religionis fastis inuenio, à viris sanctissimis vsurpata, ad superstitionem factitiæ diuinitatis euerrendam. Aut enim Deorum fana cum simulachris, arisque penitus sustulerunt, aut eadem expiatis foedi cultus inquinamentis, ad sanctiora sacra traduxere. Vtrumque tam foeliciter, quàm sapienter. Et sub prima quidem profeminatæ religionis exordia, quia nondum Ecclesiasticum imperium adoleuerat, ignis è coelo in Christiani populi corda delapsus occultè fouendus tantisper fuit, donec paulatim arcanis ex aestuans incrementis, tanquam si è Veseui faucibus violenter

erupisset, immanes templorum moles, prophanis ritibus impietas euulsit, simulacra disiecit, aras euertit, vt ipsam etiam, si qua posset, fœdi numinis memoriam aboleret. Hinc sub Philippis primò, mox Constantino, Honorio, & Arcadio imperantibus, ac demum sub vtròque Theodosio, tanta simulacrorum strages edita est vbi-que terrarum, vt infinitum Deorum vulgus, à Varrone, aliisque recensitum, tanquam sub Annibalis ad Cannas gladio, occisione deletum sit: & ridiculum Ethnicorum cælum, quod prius Deorum numero, cum Atlantis iniuria laborabat, exhaustum iam ciuibus, solitariae vix diuinitatis imaginem tueretur. At postquam sub piorum principum imperio, pacatius florere Christiana res cœpit, placuit illustres illas profligatae superstitionis exuuias, victori Deo in ipsis hostium castris consecrare.

Et in domestica sanè perturbationum expiatione, quam molior, Cleantes video, Zenones, Epictetos, Senecas, ferreae sapientiae machinamenti armatos, illud vnum agere diligenter, vt templum diruant, arasque conuellant. perturbationes nimirum omnes execrantur, nullas sub virtutis auspicijs, ad honestae vitae disciplinam admittunt, Stoicè prorsus; hoc est ambitiosè, non verè. At quid agitis inclementissimi cæ-

Vide Baronium in Annal. passim. sed precipue ad ann. Christi 319. & 389. & c.

Apud S. August. de Ciuit. Dei l. 6. c. 9. & alibi Lilius lib. 22.

Theodoret. ver. Evang. l. 8. in fine. Nyssenus in vita Thaumaturg. vide Baron. ad ann. 44. in fine & ad ann. 399. & alibi.

mentarij, naturæ hostes, humanitatis ocores? an ideo perturbationum statuas, à natura compactas comminuitis, vt idolum ingenij toruitate prorsus inflexibili, repentè conflctis? Neque enim hominem dabitis, quem omnino ab affectibus vacuum somniatis, sed laruam hominis, sed hominis simulachrum. O ferrea prorsus præcordia Stoïcorum, quæ vitam quidem, sed non vitæ vsum, ac munera mortalibus largiuntur! Ita nimirum perturbationum imperium auersantur, vt ipsas etiam perturbationes interimant, sed nihil aliud de impudentia Stoïcorum. Sili etiam cum aureis inuectus rotis cælum declarat, diem dicere non verentur, diei videlicet principi, & noctis ignato. Infœlix Phaetontis aurigatio, qua breuissimum omnibus, cœteroqui humanæ vitæ curriculum, sibi tamen magis, admirabili equorum pernicitate contraxit, quemadmodum terræ lacrymas, vi caloris expresserat, ita etiam Ioui fulmen, fraude temeritatis extorsit. At clarior hæc est fabula, inquit non nemo, quam vt tuæ lumine orationis indigeat. Gratulor tibi aciem oculorum, mi homo, qua solem vides, & pergo. Cùm igitur terrarum orbis conflagrationem Iupiter vltum iret, an oro vos, Stoïcos adhibuit in consilium, vt solis equos, & currum fulmine consumpta vellet; an potius

Ouid. l.
Metam. &
Mythologi
omnes.

excusso Phaëtonte aurigam reddidit immerentem?

*Intonat, & dextra libratum fulmen ab aure
Misit in aurigam, pariterq; animâq; rotisq;ue
Expulit, & sauis compefcuit ignibus ignes.*

Ouid. 2. lib.
Metam.

proteruus alieni currus infessor Phaëton, Alexandrini Clementis opinione, vitium est, quod animæ quadrigam à Platone primò sapienter excogitatam, mox ab Mediolanensium antistite Ambrosio elegantius concinnatam, virtute voluptatum illecebris delinita, pro libidine suscipit moderandam. quatuor summa perturbationum capita iugales equos æmulantur, quibus vitium, in hoc mortalitatis stadio impotenter abutitur: hinc vasta illa tum irascentis, tum concupiscentis facultatis incendia, omnem ab anima succum sanitatis exhauriunt, florem omnem virtutis exsugunt. Ad has vniuersitatis flammæ concretum Stoïcorum gelu, nescio quomodo recalciscit; & vltionem meditatur; sed aurigam præterit, cuius intemperantia laborat genus humanum; in equos autem, & in quadrigas inclementer debacchatur: *Auferam equos tuos de medio tui, & disperdam quadrigas tuas:* At quàm præposterè mortalium occurris incommodo? Si vt feruorem solis declines, lucem extinguas, terrarum orbem non tam expias, quàm

Clem. Alex.
Stromat.
l. 5.
Plato in
Phædone
Ambros. l.
de Isaac. c.
8. Videndus
Philo l. de
Agricultura,
vbi luculenter de
hoc argumento.

Michæ s.
& in eum
locum Hieronymus,

sepelis, & per cœli contumeliam hominum ornamenta venaris. an non satiùs erat vitio è quadriga deiecto, virtutem illi moderatricem imponere, cuius aptissima temperatione perturbationum iugales, non contumaces, vt olim, aut refractarij, Eclipticam, hoc est regiam viam, honestatis insisterent? quàm aptè tunc vatis oraculum vsurpares: *Qui ascendis super equos tuos, & quadriga tua saluatio?* Atque hoc tandem erat alterum dissertationis meæ caput, quo expianda, non conuellēda priscæ superstitionis monumenta, & ad veræ diuinitatis cultum traducēda suadebam: hoc est humani animi perturbationes non radicitus extirpandas esse cum Stoicis, sed ad normam virtutis exigendas. Præclare enim in hanc sententiam Christianæ reipublicæ Tullius Lactantius: *Omnis igitur ratio in eo versari debuit, vt quoniam earum rerum impetius inhiberi non potest, nec debet, quia necessario est insitus ad tuenda officia vitæ, dirigetur potius in viam rectam, vbi etiam cursus offensione, & periculo careat.* Et præclara sanè in Ecclesia consuetudo cum Cæsarum, Arcadij, & Honorij iussu, tum Gregorij verè magni, ac Romani Pontificis monitis inoleuit; vt polluta nefandis sacris delubra, ac numinum simulacra, tum ipsi etiam Ethnicorum ritus, & ceremoniæ, castissimis

Habacuch.
1.

Lactant.
Instit. l. 6.
qui est de
vero cultu
c. 16 in fine.

Vide Baron.
ad ann.
Christi
399.

simis Christianæ religionis sacramentis expiantur. Plura hîc possem ambitiosè colligere, ab impura iocularis diuinitatis improbitate, ad nostra hæc vsque tempora, religiosè deducta; argumentum opinor esset, tum multiplici rerum varietate iucundum, tum recondita Christianæ literaturæ eruditione fructuosum; sed quoniam à proposito longiùs, quàm par est, aberraret oratio; & multa hac super re laboriosè illustrissimus annalium conditor Baronius congeffit, vos ego ad eximia viri doctissimi monumenta libens allego, & ad perturbationes propiùs accedo. Carthaginienfè Cælestis delubrum sanè magnificum, atque operis admirandi, Anastasio Pontifice Christianis sacris expiatum, Aurelio Carthaginensium Episcopo Principum munificentia concessum est. ibi augustum sacerdotij solium, ad erudiendos populos collocauit, vbi Cælestis oracula reddere consueuerat. Huius autem numinis ea erat species (si Luciano, Apuleio, atque Herodiano fides sit) vt varijs in vnum coactis numinum simulacris Cælestis idolum conflaretur; quam, & Syriam Deam, & Astartem, siue Astharot ab alijs nuncupatam, ex priscis Herodianus, è nostris Philastrius autor est. Hanc ego Cælestis statuam Concupiscentiam dixerim, nisi vos aliter sentitis, Viri clarissimi; hoc est pertur-

Baron. in Ann. Ecclæs. præsertim ad annū Christi 44. & 399. & alibi. Prosper de prædictione. l. 3. c. 38. Vide Pinedam de rebus Salom. l. 7. c. 11. vbi eruditissimè multa.

Lucian. de Dea Syria Apul. l. 11. de Asin. Herodian. l. 15. Vide Seldenū de Dijs Syris synag. 2. c. 2. vbi multa egregiè dicuntur. Philastr. de hæres. c. 16.

Salmer.
disp. 31. in
epist. D.
Pauli.

Vide Selde-
num c. 2.
synt. 2. de
Dijs Syris.

Arnob. l. 1.
Vide hac
super re Pi-
nedæ dil-
gentiam
prorsus ex-
quisitam,
infinita
enim colli-
git. ex sa-
cris simul,
& proph-
etis de reb.
Salom. l. 7.
et 10.
Lucan. l. 1.

bationum omnium seminarium ; quam ideo à
sacrae doctrinae præceptoribus fomitem appella-
tam, vir doctissimus Salmeron testatur, quod
fomentum præbeat vniuersis cupiditatibus exer-
cendis. Hoc autem simulacrum, ex coalescen-
tibus perturbationibus in hominum pectore,
hoc est in templo veræ diuinitatis compactum,
tunc demum religiosi ritibus dedicatur, cum
diuinæ sapientiæ documentis eruditæ morta-
lium cupiditates, eò viribus feruntur suis, quò
illas ratio virtutis, & imperium honestatis im-
pellit. Et quoniam Astarte, siue Astharot, scul-
ptile luci à senioribus redditur, vt exoticarum
linguarum interpretes diligenter obseruant, op-
portunè mihi reuocat in memoriam, quod à vo-
bis aduerti etiam, atque etiam velim. Arbores
olim pro nemine coli solitas, præsertim anti-
quiores, quas ideo veterinosas appellauit Arno-
bius, manifestius est, quàm vt à me debeat lon-
gis argumentorum ambagibus explicari : vel
ipsum Floridorum vestibulum apud Apuleium,
sacris huiusmodi arboribus inumbratum, vm-
bram omnem dubitationis illustrat. hinc maxi-
mi oris Vates,

*Qualis frugifero quercus sublimis in agro
Exunias veteres populi, sacratæque gestans
Dona Ducū, nec iam validis radicibus harēs,*

*Pondere fixa suo est, nudósq; per aëra ramos
Effundens, trūco, non frōdibus efficit umbrā:
Sed quamuis primo nutet casura sub Euro,
Tot circum silua primo serobore tollant,
Sola tamen colitur.*

Hac fuere numinum templa, priscóque ritu Plin. l. 11. c. 1.
simplici rura etiam nunc (inquit Plinius) *Deo*
præcellentem arborem dicant, nec magis auro
fulgentia, atque ebore simulacra; quam lucos,
Et in ijs silentia ipsa adoramus: quod & de
Germanis Tacitus docet. at densam hanc erro- Tacit. de morib. German.
rum siluam Stoicorum ne securibus exscinde-
mus? absit. arbor prope Hermopolim, Thebaï-
dis oppidum, propter vetustatem, atque ampli-
tudinē ab Ethnicis adorata; Christo tum pueru-
lo in Ægyptum fugienti, non secus ac si diuini-
tati fasces submitteret prætereunti, vsque ad so-
lum se inflexisse proditur à Sozomeno; quo de-
missionis indicio quodammodo consecrata, om-
nes exuit superstitionis exuias; & perturbatio-
nes animorum; vt ab idololatriæ sordibus quàm
longissimè absint, diuino obsequio mancipan-
das esse, suo veluti exemplo nos docuit. Quòd
si (vt est yberima foecunditas vitiorum) agri-
colæ desidia, humanæ arbor animæ ita siluescet,
vt affectuum ramis vnde quaque frondentibus,
sibimet umbras implicet, quæ solem veri numi-

Baron. An-
nal. Ecclef.
Tomo 1 ad
ann. Christi
1 pag 70.
edit. Rom.

Isaias cap.

57.

Qui vites
ad tollendā
ebrietatem
exscidit
omnes.Vide Plu-
tarch. de
audien.

Poët.

Serm. 59.

super Cant.

nis arceant, idola tenebrosæ noctis tueantur :

Qui consolamini (ait Isaias) *in Dijs sub omne lignum frondosum* : tunc enimvero seuerum in vite Lycurgum detestetur, nymphas è Socratis oraculo in Vibem vocet, Bacchi domitrices; aut potiùs Bernardum audiat tempus putationis aduenisse clamantem : *Non potest* (inquit vir sanctus) *virtus cum vitis pariter crescere*; ergo *ut illa vigeat, ista crescere non sinantur*; tolle *superflua*, & *salubria surgent*; *utilitati accedit, quicquid cupiditati demis* : demus *operam putationi*; *putetur cupiditas*, *ut virtus roboretur* : Nimirum expurgandas non euellendas cupiditates Bernardus apertè denunciat. Pur-

S. Bernar-
dus de mo-
dò bene vi-
uendi serm.5. siue de
charitate.

De his vide

Jacobi

Mazzonij

Præludia

scilicet 4. cap.

1. 2. 3. & de-

inceps. ibi

enim dili-

genter col-

lecta sunt

serè omnia.

guntur autem sic, si amantur, quæ amanda sunt, si magis amantur, quæ magis amanda sunt, amor purgatus erit. Faceſſant hinc igitur fabulosæ Pythagoræ, atque Platoniorum purgationes, quæ vtinam saltem eorum ingenia fœliciter expiaſſent; luculentiùs docet hanc artem Apis Christi-
anæ non Atticæ, & ad honestam morum, vitæque
temperationem efficacius. Sed quoniam memi-
ni me cum Pantheo hominis animam contulif-
ſe, quod quemadmodum illud vniuerſam ferè
numinum colluuiem, duplici Veneris, Martis-
que ſimulacro (ita enim legimus apud Dionem)
complectebatur; ita hæc gemina Concupiſcen-

di, & Irascendi facultate cæteras omnes perturbationes amplectitur: videamus, oro vos, vtrum à præclaro artis miraculo labem detergere oratione possimus. Venerem aiunt à Lycurgo rogatam, vt quoniam seueræ, ac bellatricis regionem gentis ingressa esset, ipsa etiam armari sineret, ne proteruis formæ lasciuientis illecebris, mundoque muliebri, Lacedæmoniorum animos effæminaret; & truces sponte sua milites emolliret. Nimirum superuestiri, non spoliari se cupiebat Apostolus; militari videlicet Christianæ virtutis sagulo (quid enim vita hominum est super terram, nisi militia?) Si concupiscendi vis à natura mortalibus insita prudenter armetur, nullum voluptatum lenocinium robusti mentem bellatoris inficiet; sed animum, quæso vos, diligenter aduertite.

Plutarch. de fortuna Roman.
propè iurium. Aliter Lactant.
Iustit. l. i.
sua de falsa relig. c. 20.
vide epigr. Leonidæ & Aufonij.

Constantino imperante, Caldæi superstitionibus addicti, numinis sui potestatem (ignem diuinitate donauerant) Dijs exterarum gentium præstantiorem asserere conabantur. Ignem igitur ad potentiaæ ostentationem circumferebant; atque vbi de numinum vi dirimenda lis erat, Deorum statuis in ignem coniectis ac dissolutis, Igni Deo victoriam buccinabantur. In Ægyptum tandem deuentum est; ibi circumforanei diuinitatis venditores aduocant concionem, &

Ruffin. l. 2.
histor. Eccles.
aliter paulò Suidas verbo.
.....

Igne Deo ad experimentum potestatis exposito,
 multiformia Ægyptiorum numina prouocant
 in certamen. ingeniosa tum verò natio, ingens
 Nili sui simulacrum ex ære producit, ita confla-
 tum, vt vacua intus statua magnam aquæ vim,
 Caldæis penitus in scijs, contineret: verum rima-
 rum plenissimum simulacrum, ne hac atque illac
 perflueret, cera oblinunt diligenter. Certamen
 incunt Caldæi, animalia gloriæ, præcoci victo-
 riæ designatione tumentia; & iam captiuam
 Nili diuinitatem triumpho destinant. Cæterum
 in ignem coniecti simulacri cera liquecente,
 tanta vis subitò arcani liquoris erupit, vt Cal-
 dæorum numine aquis præfocato, naufragium
 suum stolidi capita quererentur; subitum eos
 frigus inuasit (cur enim non frigerent igne con-
 sumpto?) & patriæ diuinitatis calamitatem ex-
 perti, nouam Nili foecunditatem malo suo didi-
 cerunt; qui Ægyptiæ plagæ colonus, vt salubres
 ad victum fruges educat, ita succrescentes cum
 frugibus vepres interimit. Caldæorum ignem
 humanarum symbolum cupiditatum vnusquis-
 que circumfert; sed triumphalibus vitæ aquis,
 hoc est, vt in libro de Paradiso interpretatur Am-
 brosius, temperantiæ viribus, imperiòque do-
 mabilem: *Cùm ambulaueris in igne non com-
 bureris, flamma non ardebit in te:* ait Euange-

licus vates Isaias. Venus ergo, id est concupiscendi facultas, in domestico Pantheo diuinitatis affectatrix, sordibus per intemperantiam expiatis, foeditatem omnem eiurabit; & Martem suum, Irascendi vim, casti tantum amplexibus fouebit; ad quem pro instituti ratione iam pergo. Martem in vinculis olim habitum, in funiculis Adæ, in vinculis charitatis à nobis retinendum, hoc loco suaderem; nisi me diuina Arcopagi lux (tenebras dicere debui, nam sententias adeò iustas ibi ferri solitas legimus, quia vmbri aduersus scelerum potentiam tegebantur) nisi me inquam illustis Arcopagi nox violenter auocaret. In eo Senatu, quem veræ dixeris incorruptæ iustitiæ templum, Mars causam dixisse proditur à Pausania, Demosthene, Aristide, & alijs; quòd Neptuni filium iugulasset. Ibi autem Eumenidum ara colebatur, vt si quid clam futurum erat, ait Demosthenis Scholiastes Vulpianus, ad coarguendum facinus ipsæ adiuuare velent. Causam Mars obtinuit, & quidem communi suffragio. nimirum irascendi vim licentiùs debacchantem, in officio continere nos docet Martis historia; & quoniam efficaces illius impetus, qui fortitudini non inutiliter ancillantur, retundere cum laude non possumus, eo sæpè deducenda res est, vt causam identidem dicat; &

Lucianus in
Hermotimo.

Pausan. in
Atticis Demosth. in
Aristocr.
Aristides in
Panathnai.
Æschines
epist. ii. vide
alios apud
Meursium
de Arcopago cap. 10.
De Eumeni-
Vulpian.
comment.
in orat. in
Midiam
Paus. in Atticis, alij
apud Meursium.

Eumenides habeat, si non iudices, saltem testes; inquirendum videlicet sedulò in eam est, vt ex præscripto virtutis efferuescat, cùm licet; interpescat cùm iubetur; & conscientiaè testimonium reformidet. Præclarè hoc de argumento locupletissimus diuinitatis interpres Augustinus: *Ascendat homo aduersus se tribunal mentis suæ, & constituto in corde iudicio* (Arcopagum auditis) *adsit accusatrix cogitatio, testis conscientia* (Eumenides hic appellat, Orestémque si placet sponforem dabit) *carnifex timor*: quòd si causam illi obtinere contigerit, decretum planè regium à Dauide sancietur, *frascimini, & nolite peccare*. Irascatur igitur sodalis ille meus, sed ira, *quam zelus iustitiæ format*, inquit Gregorius, & doctrina & sanctimonia magnus. Ego interim perturbationum simulacris de pectore, quod infederant, deturbatis, omnem remouisse à me superstitionis opinionem, & cum amico in gratiam me rediisse non ambigo. Vtinam tam foelix in beneuolentia quoque vestra promerenda, quàm in captanda studiosus.

Psalm 90.

Charidemus

CHARIDEMVS,

SIVE

*De literarum studijs ad animi cultum
traducendis.*

PROLVSIO TERTIA.

QUOD ab Atheniensibus vsurpatum sapienter legimus, vt Ioui post vindemias quidem, sed à musti maturitate vltima, solemni die libarent, vinique vsum salutarem omnibus precarentur, id liceat mihi Decembri tandem mense, ad seram hanc studiorum meorum instaurationem auspicatò traducere. Quod igitur bene vos, bene me N. N. nunc primum bonarum artium procreatrici sapientiæ, post alios omnes, suadelæ poculo prælibamus; & cùm facunda præludentium tempestas opportunè detonuit, tum demum voculam nescio quam, in communi silentio explicamus; vt quoniam exaudiri à vobis, cæteris declamantibus, ægrè potuisset, honestissimum hoc saltem faciat, ab aliorum taciturnitate compendium. Fuissent Musarum hæc sacra à nobis repetenda maturiùs; neque ego labores meos à doctissimorum virorum consortio hætenus segregassen; nisi pormi-

E

tuna blateronis audacia consilio meo, vocibus improbis intercessisset. In hominem videlicet incidi, qui se è cœlo delapsus exploratorẽ, & veluti ab Ioue legatum, ad res mortalium inuisendas, ferrea non minus voce, quàm fronte iactaret. Publicum se humani generis pædagogũ, medicum, Æsculapium: nullius metuentem, omnibus metuendum; extra fortunæ aleam constitutum, supra naturæ fines euectum; regibus magis inuidiosum, quàm regni inuidum; extorrem patriam, ciuem vniuersitatis; decoctorem auri, vindicem libertatis; vno verbo Diogenem Cynicum. hic enim uero splendidus philosophiæ parasitus, sapientiæ sycophanta, circumforaneus virtutis circulator, sophista necessitatis, hic inquam è sterquilinio adlatrans prætereuntes, inconditam vocis asperitatem ad conuellenda doctrinarum ornamenta detorquet. Quò, quò mortales ruitis, stolidum genus, & fraudibus opportunum? quàm inanis per antiquorum membranas, ac literas meditatio vestra est? quàm fatuæ lucubrationibus sudant lampades, vt vestri, aut alieni nominis æternitati præluceant! impallescitis chartis literata contabescentis gloriæ mancipia, atque inter librorum acervos, per vigilias, ac labores vitam non tam producit, quàm prodigitis; vt vitæ vmbra, sub immortalitatis nomi-

ne, ab opinione doctrinæ post humanitatis necessitatem vltimam emendicetis : quam dum summis mentis angoribus aut paratis, aut paritis, inanissimi felicitatis posthumæ captatores, ad posteros prouocatis. Mortales, heu mortales, credulum genus, & suæ sortis ignarum! An tanti est pubescentem ætatis florem ad erudita literarum spineta lacerare : virtutis otium literario negotio proscribere : animi tranquillitatem ingeniosis sollicitudinum aculeis iugulare : corporis valetudinem doctis morborum furijs deuouere : ad aram Palladis, vtique Gorgoneæ, humanæ vitæ solatia mactare, vt incertus nescio quis hæredis famæ rumusculus, non audituros olim cineres surda titillatione sollicitet in sepulcro ? ita ne in doctrinarum regno, non atramento, sed sanguine perennitatis decreta scribuntur ? ita in scientiarum theatro nullum stabit laboribus tuis simulacrum par, nisi literata defatigatione fatiscentem animam prius agas, quæ deinde inuadat in statuam, illamque tuo spirare spiritu ad æternitatem doceat ? mortales. bona verba mi homo : tragicè satis declamatum hætenus, vel potius latratum est : & vt nondum, quæ cupiebas omnia, in literas euomueris, quæ tamen sint futura, si pergas, caninæ bilis eiectione iam video. obuiam igitur eundum dedecori, silentio

tuo censeo. Ais tu ex Cynicorum præscripto (& affines vestros succenturiatos Stoïcos , ad infantiæ propugnationem educis è porticu) nihil ad vitam cum laude traducendam conferre humanarum studia doctrinarum. Virtutis opus honestatis vnus manu ingeniosè dolatum , inaptas scientiarum cælaturas , otiosa veluti parerga , negligere. Ciuilem virum solido seuerioris sapientiæ nutrimento pastum , lacteam illam disciplinarum spumam , mellitos eloquentiæ globulos , medicatas Poëtarum offas auerfari. robustum , ac masculum virtutis vultum , natiua pulchritudine efflorescentem , adscititium meretricij siue candoris , siue ruboris lenocinium detestari. Generosè tu quidem , atque in speciem splendide ; vt leo planè videri poteris , nisi canis esses. Ego verò calumniæ præuicari iam cæperam , cum bracteata virtutis crepitaculum , & canoras personatæ sapientiæ nugas , cynicum animal , inanitatē plenissimum ostentaret. Verum vt propius accessi , & bullas illas , verrucasque sermonis penitus introspexi , germanæ virtutis imaginem venari diligenter potui , foeliciter inuenire non potui. Adesdum igitur Diogenes , famæ mancipium fugitiuum , in ipsa despicientiæ professione superbissimum , tympanum seueritatis , ignorantiaë tintinnabu-

lum, ad eisdem capitulum doliare, obsonator in-
ediæ, impudentiæ ludio, & pœnas procacitati de-
bitas, veritati persolue. Humanas disciplinas (rin-
garis licet, & Stoïcorum fidem implores) tantam
ad excolendos animos efficacitatem asferre sta-
tuo, vt admirabili consensione ad mortalium fœ-
licitatem cum ipsa virtute conspirent. quod ego
dum paucis probō, vos obsecratos diligenter
peruelim N. N. vt à Maximi Tyrij dissertatione Dissert. 10.
fanè luculenta, quæ in eodem argumento versa-
tur, auocare tantisper animum, pro vestra hu-
manitate velitis, ne si diutiùs in amœnitate illa
ingenij prope diuini vestra hæserit cogitatio, me
diuersam penitus insistentem viam, inopinatò
destituat. Quæsitum olim à viris non insipienti-
bus memini, cur elegantia doctrinæ nunquam
sit ab humanitatis laude seiuncta? an quia nulla
ferè nisi clemens, mitisque natura, ad excellentis
doctrinæ cultum, & admirationem incitatur?
an potiùs quia bonarum artium tanta vis est, at-
que præstantia, vt illarum præsidio natura, cæte-
roqui contumax, agrestes mores exuat, induat
liberales? ita omnino arbitror, Auditores, studia
enim vniuscuiusque in mores paulatim commi-
grare viri sapientissimi docuerunt: vt non imme-
ritò nomen ipsum humanitatis, ad summam
artium facultatem, literatorum vulgus, cōmuni

Ælina. l. 11.
c. 23. & l. 12.
c. 44. de
anim. apud
Causin. de
symb. l. 7.
symb. 41.

populorum consensione traduxerit. In Climæo Adonidis templo, leonem regium, ac ferum animal mansuescere; Indorum elephantes tum maximè barrientes, & feruitium indignatos cantuunculis demulceri, si quis antea mirabatur, næ ille disciplinarum vires ignorat, ad efferatos, & in omnem vesaniam prolapsos hominum animos emolliendos. Præclare siquidem in hanc sententiam Ovidius.

1 de Ponto
eleg. 9.

*Adde quod ingenuas didicisse fideliter artes
Emollit mores, nec sinit esse feros.*

Præclariùs tamen autor Ouidio præstantior, in legibus Plato, hominem eruditionis ope subactum, mitissimum animal, ac planè diuinum dixit, ineruditum autem, ac rudem, ferocissimum, ac maximè indomitum appellauit. Nimirum Orphei voce truces animæ, & in belluinam feritatem degenerantes reuocantur ad humanitatis iura, legesque naturæ Amphionis suauitate mortales, durum Deucalionis genus, ac meri lapides; commouentur; in Helicone, natali musarum iugo, venenata serpentum spicula retunduntur; ad aurei conspectum rami acerbus inferorum nauta maturescit; & si sacra in loco possumus adhibere, ad Dauidis numeros malus Saulis hospes agitato parcit hospitio; hoc est, vt vno verbo concludam, contumax, ac ferus ani-

mus placido musarum commercio sese frangit,
ac mitigat; quod adeò cum veritate consentit,
vt inter Græcos philosophantes eruditionis an-
tistes Plutarchus, non mediocriter Marcio Co-
riolano, & Caio Mario iure succenseat, quòd
quia Musis, & Gratijs non litassent, inhumano
quodam impetu abrepti, turpem, ac fœdum
rebus suis exitum inuenerunt. Sed liberius opi-
nor, quàm par esset nostra hæc euagatur oratio.
Iniiciendum ergo desultanti frænum, vt satietati
vestræ pariter occurratur, ac labori meo. Apud
Dionem Chrysostomum Charidemus (ado-
lescens longiori dignus vitæ curriculo, nisi an-
nos ingenio anteuertens, ad gloriæ metam præ-
coci maturitate properasset, cum vix è vitæ car-
ceribus erupisset;) is inquam adolescens, morti
dixerim, an immortalitati iam proximus, gra-
uissimam instituit de humani generis conditio-
nibus orationem. Et quoniam diuinitatem co-
minus intuebatur, illius, vt videtur, particulam
transtulit in dissertationem suam. Mortalium vi-
tam conuiuio, mox & carceri elegantissimè
comparauit; & duplici hac imagine latius expli-
cata, ita fortunæ vtriusque vicissitudines accu-
ratè descripsit, vt suum tamen virtuti locum,
eumque præcipuum, in vtrâque reliquerit. Sin-
gula distinctè non persequar; sed cum studia

In Vita
Coriolani,
& in Vita
Caij Marij
init.

Dissert. 30.

doctrinarum iucundissimum esse in Charidemi conuiuio acroama; necessarium verò in eiusdem captiuitate solatium probauero, tum demum Cerberæ veluti ossa in Cynici os iniecta, vobis, vti spero, non improbantibus perorabo.

Et primò quidem, quod fœlix, faustumque sit, vos ad humanæ vitæ conuiuium sisto. Horas videbitis mollipedes Iouis filias à cœli foribus tantisper abductas, vt accumbentibus ancillentur; mensas ipsa rerum Natura componet; obsonia tellus, mare, aër, satis abundè suppeditabunt; Mens, atque Incontinentia (quàm dispar pocillatorum par!) sitientibus propinabunt. optimè hæcenus Charideme: sed quodnam ad intemperantiam cohibendam, ad cauēdam ebrietatem amuletum conuiuis tuis adornasti? an subdolum fortunæ nescis ingenium, tum maxime sæuiantis, cum blanditur effusiùs? dum enim palatum humanæ fœlicitatis vino suauiter vellit, oculorum aciem vini fumo malignè præstringit, & candorem mentis infuscat. Bene habet; AA. prudentissimus adolescens cautè omnia circumspexit. Sobriumi igitur constet, per Charidemum, caput, & nulla voluptatis nutet illecebra; si tamen eruditos inter se conuiuæ miscant pròrè nata sermones, vt ad animum disciplinis imbutum Circæa fortunæ pocula non per-
tingant.

tingant. Virtus olim excogitatas in conuiujs, ad capitis dolores, ex liberali, & maximè profusa ingurgitatione leniendos, docuit me cum Athenarum, doctus in paucis Aristophanis scholiastes in auibus: eas verò (quia tam molles sumus, vt deliciemur in morbis) in flores paulatim coronas abiisse, præter alios, discimus à Plutarcho: easdem denique à temulentis, incerto vestigio per urbem impunè furentibus, gestari solitas, triumphalem scilicet, profligatæ temperantiæ lauream, apud multos, tum prisca, tum recentis memoriæ scriptores obseruamus, vsque adeò tum maximè florere nos stultè credimus, cum virtus in animo miserabiliter deflorescit. O florem prorsus, hoc est ludictum fortunæ blandientis coronamentum; quod nisi doctrinæ institutionibus sponte deponas: nisi redimitum te Polemonem, ac voluptatibus diffluentem erudita Xenocratis oratio intra modestiæ septa, abiectis floribus maturè coërceat; causa quidem in Luciani bis accusato, cadet Academia, nunquam tu tamen in humanæ vitæ conuiuio Bacchum (quod præcipiunt sapientes viri) Mercurio, Musisque coniunges. Nimirum ita veteres morum magistri prudentissimè decreuerunt; conuiuiorum hilaritatem, hoc est fortunæ lasciuientis insaniam, eruditionis gravitate temper-

Athen. lib. 15.

Plutarch. 1. symp.

L. Lucianus

Plato in
conuiu. vel
de Amor.
Xenoph. in
conuiu.
Plutarch. in
sympof.
Athen. in
dipnof. lib.
7. Macrob.
in Saturn.
Philo de
leg. ad Ca-
ium Lam-
prid. in Se-
ner.

randam esse; ne si doctrinam à fortunatorum hominum consortio segregemus, eius etiam alumnas omnes, honestatem, modestiam, temperantiam tollamus è medio. hinc præclara illa sapientum symposia apud Platonem, Xenophontem, Lucianum, Plutarchum, Macrobiū, Athenæum. hinc Adriani musæum, seu mensa ægyptia, quæ ex omni terrarum orbe eloquentissimos quosque conuocabat, ut in Dionysio Philostratus testis est; hinc (ut Augustum interea prætermittam hoc nomine à Philone, Maerium à Iulio Capitolino laudatos) Alexandri Seueri apud Lampridium consuetudo; qui cum inter suos conuiuaretur; aut Vulpianum, aut doctos homines adhibebat, ut haberet fabulas literatas, quibus recreari se aiebat, & pasci. Et quoniam in eam partem oratione delatus sum, quæ lepidissimam à nobis historiam præteriri non finit, aduertite quæ soanimum AA. res est ut aliquanto festiuior, ita summo opere ad rem de qua agimus accommodata. Franciscus Gallorum Rex, non tam nominis appellatione, quam omni virtutum genere primus, ad reliqua vitæ decora prorsus regia, illud etiam adiecit, ut literarum potius pater quam literatorum patronus videretur. illi è sacello ad prandium prodeunt; poeta nescio quis ingenio utique meliore, quam sorte,

obtulit epigramma; in quo bonam illam mentem paupertatis sorore facile cognouisses. Et poetam quidem donatū regiē ab se dimisit; epigramma verò inter prandendum sepius lectitare; admirari secum dictionis castitatē, atque candorē; sententias vibrato dicendi genere circumclusas suspicere; totam denique breuissimæ poëseos structuram, vt elegantissimi pusionis imaginem osculari: quid multa? nunquam dulcius pransum, nunquam lauius epulatum se, quàm suauissimo pastum epigrammate. Princeps ad musarum ingenium planè factus, exclamauit. aderat fortasse inter doctissimos Aulicos delicatulus nescio quis, omnisque disciplinæ prorsus ignarus: mutam dixisses literam inter vocales: hic enim uero ad epigrammatis suauitatem à Rege tantopere commendatam, vocabulū nouitatē, quasi cæstro perculsus, repente se proripit in culinam. In fumoso illo Parnassi gurgustio, ad culinarios tripodes, Apollinem suum implorat, coquum, laudatum prolixè narrat in régia mensa epigrammatis genus iucundissimi; ab illo nuper excogitatum, cuius aliquam sibi partem degustandam serio dari postulat, coquus, quid verbi, aut rei epigramma sit, nescire se hætenus, ingenuè profitetur; omni que culinæ instrumentum, bona, hoc est coquinaria, fide, explicat, sicubi

delitescens epigramma; se iure tueretur suo, gula transfuga tam eruditæ: nusquam apparet: Tunc enimvero haberi se ludibrio poeticus liguritor suspicatus, bolumque illum epigrammatarium ereptum sibi è faucibus ægrè ferens, furorem è culinæ nidore iam dudû, Phœbadum, more conceptum, plusquàm poetice coquo miserrimo inhalauit. Atqui coquus non minus hîc asperitatem manus, quàm paulò ante peregrinitatem oris auersatus, ratusque de artificij sui dignitate plurimum decessurum, si perunctus ipse iam dudum ab elegantulo cupediarum architecto, qui vel in solo carum nomine laboraret, nouum eduliorum genus, pugnis, atque verberibus doceretur, rem suam strenuè atque omnibus lacertis vrgere: donec ad regem tandem causa delata est; à quo pronunciatum accepimus, gulam Martialis, atque Petronij suffragio ingeniosam esse dicendam; quæ quoniam epigramma inuenire non potuit, quòd conficeret; epigrammatis saltem materiam posteritati reliquit; illiusque genio nouus repente vates erupit, qui ad epigrammata deuoranda, optimam ex Platone poetice facultatis notam afferret, insaniam. quam ego vinculis, & carcere dignissimam iudicarem, nisi communis hæc esset mortalium conditio, non insanorum peculiaris, ac propria.

in mæstissime vitæ veluti custodia contabescere. Atque ita dum à secunda quasi mensa, eruditisque bellarijs non libenter auellor, sentio me in eam disputationis partem incogitanter incidisse, quæ à Charidemi conuiuio, ad Charidemi carcerem, more institutoque Persarum, importuna traiectione nos auocat. Carcerem ergo noxiæ mortalitati tetrum claudit potius, quàm aperit, in libertatem vltimam vindicandus Charidemus; nec de humani corporis ergastulo, ad animos excipiendos, cum omnibus ferè Platonis loquebatur; verùm de hac rerum vniuersitate, quam mundum diximus, & in quam naturæ nouercantis inuidia mortales abijcitur, deuota calamitatibus capita. In hac veluti horroris scena tragicè ferali, mirum quantum in humani generis perniciem fortuna se iactat. Age tamen, vt libet, age fortuna, cum abiectis ferox, cum fortibus fugax, experire quid possis: vt amentata sint iacula, quæ contorques, amentum cum iaculis extorquebit, quæ tuas exarmat manus, grauis natio literatorum. Et sanè aduersus fortunæ licentiam aureis pugnandum armis, hoc est splendore, ac pretio doctrinarum, Plato nos admonet.

In carcerem naturæ imperio vtcumque coniectos, expeditis subito vinculis Charidemus

Vile Hom.
Il. o.

immerentes adstringit. Nec Homericam illam catenam fabrefactam à Vulcano, ex qua pensilis olim Iuno, morositatem suspendio luit, è cælo deuocat adolescens; sed nouam nobis ex ingenio fingit, doloris, ac voluptatis permissione temperatam. Implicatis ergo inter sese, mutuoque connexis doloris annulis, ac voluptatis, mortale genus iam carceri mancipatū, & catenarium, secum perpetuo luctatur: & adempta sibi libertatis iura ne queri possit, excusat. Hos autem indiuiduos humanæ naturæ genios, atque satellites, qui castores appellauit, ingeniosè quidem ille decantatam toties rerum vicissitudinem attingit, nihil tamen, vt ego sentio à vulgi opinione dissentit. Neque enim seiungi ab se inuicem possunt, aut alterna se vicissim morte redimere voluptas, & dolor; sed vario vtriusque flamine, vnica tamen, textilis mortalitas elaboratur. Quod præclare intellexisse videntur ij, qui Angeronæ, atque Volupix communes aras, communia sacra decreuerunt. Huc etiam spectat non fabulosa Platonis fabula, sub Phædonis initium, vbi Deus doloris, & voluptatis apices copulasse perhibetur. Qua de re libentiùs in loco disserui, quod cùm nec Hercules (vt est in veteri prouerbio) sibi contra duos pugnandum duxerit, nouum hoc victoriæ genus, erudito-

rum singulare videretur, dolorem, ac voluptatem iuratos virtutis hostes, doctrina prosterne-
re; hoc est catenam illam ex utroque compacti-
lem; à Charidemo nobis iniectam eruditionis
ope perfringere. Apud Homerum Telemachus,
in Ulyssis perquisitione defessus è via, ad Mene-
laum hospitij iure diuertit. verùm qua erat in pa-
trem charitate, sic illius animum ex irritò cona-
tu occupauerat dolor, nullam ut quietis partem
capere, vel in opiparo conuiuio posset. Helena
iuuenem miserata vinum medicamento diluit,
ad curas abigendas, dolorémque sedandum; ne-
pente dicitur à poëta. multa quidè in hanc rem
viri doctissimi comminiscuntur, atque alius alio
pro ingenio digreditur. ego sane quemadmo-
dum suas, non minus animis, quàm corporibus
agritudines sæpè contingere non ignoro; ita
philosophiam, auctore Tullio, præsentem arbi-
tror ægrotantis animi medicinam. Quia verò ad
illam fructuosè comparandam ingenio nobis
opus est, disciplinarum cultu subactò, ut Iudæo-
rum Plato constanter affirmat, ideò Helenæ po-
culum doctrinam interpretor, quæ ad animum
semel, sapientum præsertim sermonibus illapsa,
vim omnem doloris obrundit, viamque aperit
philosophiæ, quæ ægrotantem animum sanitati
restituatur. Præit mihi in hanc sententiam ipsamet

apud Boëtium sapientia, quæ cum in hominem curis confectum, & quod deterrimum est ægritudinis genus, in ipsa morbi desperatione securum offendisset; vt viam aliquam Philosophiæ sterneret, Rethoricæ suadelam prius, & Musicæ modos adhibuit, quorum ope crudi adhuc, & efferuescentis doloris impetus frangeretur. Hinc Mercurij caducæum, literarium videlicet sceptrum, ex armatis veneno serpentibus, & in mutuam concordiam coëuntibus effictum à fabulatoribus est; vt omne aduersantis fortunæ virus bonarum artium societate mitigari discamus. Heluidius sanè Priscus, illustre ingenium altioribus studijs iuuenis admodum dedit; non vt nomine magnifico segne otium velaret, sed quo firmior aduersus fortuita Rempublicam capesseret, vt auctor est Tacitus. vsque adeò ad Minervæ solius aspectum in fugam agitur. At in fortunatum numen, & obnoxium calamitati. At me de literarum aduersus dolorem pugna prolixius disputantem, è vestro numero non ineptus interpellator obiurgat; me scilicet ridiculè in doloris argumento operam ludere, qui vt homini persuadeam ne miser esse, ne calamitosus velit, omnes scientiarum opes imploro. De voluptate potius anquirendum, illamque si fieri possit, doctrinæ viribus perdomandam. audio.

Et

Et sanè voluptas acrioribus stimulis, vt ait ille, animum explorat, illaque corrumpimur. Illa nobis gliscit in pectore; nostro calefacta sanguine natat in venis; nostro vegetata spiritu in visceribus salit, vt tanto laboriosius aurea hæc Chari-demeæ catenę pars auelli doctrina debeat, quanto tenacius docendis adhærescit, volentésque constringit. Auellitur tamen velit, nolit, auellitur Auditores. Apud Lucianum voluptatis artifex, & vt Pausanias loquitur, machinatrix Venus, cum Amore conqueritur, quòd puerulus inconsultus, ac ludibundus, vel Iouem ipsum fulmine metuendum, nedum gregarios minorum gentium Deos, sagittis procaciter vulneraret; à Minerva tamen, ac Musis manus, nec matris innoxias abstineret. fatetur ille, nec factum excusat. Quid enim sibi cum virginibus negotij esse, in literarum studijs planè demerisis? facundis doctrinæ fontibus cupidineas faces extinguere: Musarum Laureas ne tertijs quidem Iouis manubijs afflari; aurea pharetræ suæ iacula voluptatis ignibus excocta, libidinis humoribus temperata, molles tantum otiosorum fibras depasci, ad masculi tamen, operosique pectoris contactum prorsus obtundi. verè. nullus etenim Achilles fatalibus vndis adspersus; Ceneus nullus Vulcani malleo obduratus; innocentes hostium ictus

tam constanter repellit, atque animus disciplinarum artificio solidatus, blandissima voluptatis vulnera, aut aspernatur, aut reijcit. Peruadit illa quidem subdolè, & per sensuum cuniculos ipsa etiam natura lenocinante subrepat: verum in scientiarum excubias incogitanter offendens, pedem refert, atque ab incepto protinus reuocatur.

Sirenes olim in certamen cum Musis, Iunone suadente, descendisse testatur in Boëticis Pausanias: verum is fuit certaminis exitus, qui esse debuit temeritatis. Deuictæ à Musis Sirenes, & per ludibrium, sit verbo venia, deplumatae, regium scientiarum in voluptates imperium, exemplo sanxerunt: auulsis siquidem Sirenum pinnis, victricium Musarum capiti corona compacta est. Nos verò in illarum victoria, fortunata doctrinae triumphantis appendix, catenam quidem exuimus, à Charidemo dolore ac voluptate conflata; non tamen è densa carceris caligine ad liquidæ haustum lucis erupimus. Captiui scilicet cælestis arbitrio Principis detinemur in terris, cuius iniussu è custodia egredi velle, hominis esset libertate intemperanter abutentis. Illud nobis fortasse sufficiat, quod in vniuscuiusque manibus situm est; in ipsas carceris latebras doctrinae solem admittere, quo vt cætera omnia tene-

bricosa sint, atque perplexa, ingenium saltem in perquisitione virtutis illustretur.

*Vtrum in Virum sapientem cadat animi
perturbatio. Stoici à calumnijs vindicati,
& de Christo Domino quasitum.*

PROLVSI O QVARTA.

QVI admirabilem humani corporis cum anima consensionem (sympathiam Græci dicunt) diligenter scrutati sunt, multa illi quidem ad naturæ, magna semper molientis, ingenium prædicandum comminiscuntur, in eo tamen industriam desiderari patiuntur suam, quod nihil prope de vtriusque imbecillitate constituunt. Siue enim cupiditatum suarum assentatrix mortalium natio, ea tantum curiosè peruideat, quæ iucunda sui specie animis blandiuntur; siue nihil animæ commune cum corpore, ubi de morbis, atque interitu agitur, opinionis errore decernat, in hoc certè cognitionem illam, atque consensum, qui doctiores etiam rapit in admirationem sui, aut intelligere, aut fateri per summam impudentiam pudet. Quò, quò te vertes aut cæca, aut obstinata mortalitas? quid fordes tuas vel præteris incuriosè, vel dissimu-

lanter abscondis? velis, nolis, ea etiam parte, qua maximè diuinus est homo, ea inquam maxime humanus est. Non est hìc animus, Auditores, à corporis contumelijs exordiri, vt in animæ calamitatibus dissertatio conquiescat. Neque enim dolorum nostrorum memoriam sibi refrigerari virtus vestra, atque prudentia pateretur; atque si maximè conditionis humanæ obliuisci vellemus, excitarent nos identidem dolores, ac morbi, indiuidui nostrorum corporum contumeliales. Illud tantum si per vos licet, addidero, quod in Axioco Platonis (si tamen Axiocum scripsit Plato) me legere memini, vitam hominibus veluti aurum à natura commodato concessam, quas nos dum vtimur, illa interea tanquam seuerus fœnerator à tergo imminens, reposit vsum; & ab alijs quidem dolores, cecitatem ab alijs, febres à plerisque; ab vno vulnorum cruciatum, crurum ab altero debilitatem, ab hoc podagram, articulare ab illo morbum violenter extorquet. Quod hìc de varia pestium alluione, quæ corpus inundant, sapientissimè Socrates, vtinam ad animam non liceret tam verè, quàm calamitosè traducere; quot enim illa, quantisque agitur intemperijs, dum gaudio effertur, metu deprimitur, cupiditatibus exardescit, mœrore contrahitur, inflammatur ira-

cundia, inuidia contabescit, omni denique furiarum genere agitur, atque versatur? Vtrique autem humanæ conditionis incommodo obuiam itum à veteribus est, sed exitu tam infelici, quàm futilis fuerat vtrique morbo adhibita medicina. Stoicis animorum curatio; corporum verò fabulatoribus obtigit. Hi vel Ceneos nescio quos Lapitharum Reges Neptuni beneficio nullis vulneribus obnoxios; vel talos à Vulcano ex ære fabrefactos, vnica tantum ab summa ceruice vena; vel Achilles fatalibus Stygis vndis aduersus omnem hostium impetum obduratos excogitarunt; ad ingenij lasciuiam eleganter, ad veritatis fructum imperitè. De Stoicis verò ambiguae adhuc, distractæque sententiæ nihil nobis certum, definitumque relinquunt; nisi insanire cum literatorum vulgo velimus, qui durtiam plusquam adamantinam Stoicorum sapienti tribuerunt. argumentum tamen hodiernæ dissertationi ex parte suppeditant; vnde paulatim ad inquirendum de Christo Domino, quod pollicitus eram, gradus fiat.

Vide Ouid.
11. Metam.

Et primò quidem maximam Stoicorum inuidiam ab ceteris philosophantium familijs conflantam video, quòd hominem ita ab omnibus omnino perturbationibus intactum velint, nullus vt supersit in eo sensus aut humanitatis, aut vitæ;

quem ego rigorem animi, toruitatemque naturæ duram, & inflexibilem, tam longe ab hominum conditione recedere cum viris sapientissimis censeo, quàm proximè accedit ad stipites. *Æthiopes* memorat apud *Diodorum* *Agatharchides* aduersus affectuum ægritudines tam pertinaciter obduratos, vt frustra illos vel ira sollicitet, vel mœror deprimat, vel amor extimulet, vel metus externet, *Hospides* tam stolidè intuentur, vt ante oculos positos ne videant quidē: irruentes in se belluas, aut belluis sæuiiores homines in rabiem iam prolapsos tam confidenter expectant, vt velut innoxie præterituros accipiant: truculentas filiorum, vxorumque lanienas tam placidè spectant, nullo vt in carnifices odio, nulla in pereuntes commiseratione tangantur; verum caput ad ictus singulos moueant, emotæ videlicet mentis argumento. Nos autem vnico oris, nasique præiudicio homines esse statuimus, *Auditores*, an solidum potius lunensi de rupe marmor, in humanam speciem efformatum, quo præclari feritatis artifices, idolum sibi crudelitatis effingunt, dum perturbationum simulacra disijciunt? & si quis tamen indolentiam illam, & reliqua humanæ sapientiæ deliramenta, quæ *Stoicorum* sapienti in speciem tribuuntur, aduertat, vnum certè ex *Æthiopum* plebe extra

Arabicum sinum educatum existimabit. Nota sunt, atque adeo ad inanē muliercularum admirationem sapius decantata, illius familiæ paradoxa; sapientem vel in Tauro Phalaridis beatum esse; sibi semper parem, & gaudio perfructum; imperturbabilem; illum nunquam opinari, sed scire; nihil illi præter opinionem euenire; solum sibi sufficere; se solo contentum esse; solum diuitem; liberum; Regem; æqualem Deo; & huiusmodi sane permulta; quæ operosè ab veterum monumentis à Lipsio collecta, atque in vnum quasi doctrinæ corpus redacta sunt. Hæc autem omnia, cum eò potissimum grauium virorum opinione collineent, vt Stoicum illum sapientem (nusquam hætenus à Plutarcho, Tullioque repertum) super mortalitatis fines euectum in diuinitatis confinio constituent; quid, oro vos, aliud nobis impudenter obtrudunt, nisi vanum quoddam rei penitus interceptæ simulacrum, ex homine, Deoque conflatum, laruam hominis, Dei vmbra, animal solo superbiæ tumore magnum; Stoicum dico; qui dum ambitiosè perturbationes animorum auersatur, omnia perturbat naturæ iura, in ipsum humanitatis artificem perduellis: vt non immeritò Stoicorum olim arrogantia Rubellio Plauto à Tigillino, apud Tacitum exprobrata,

Vide Cic.
lib. de amicitia.

illum demum, Seneca iam perculso, deiecerit. Huc accedit, quod non absurdè à Crantore dictum est, isthuc nihil dolere, non sine magna mercede contingere, immanitatis in animo, stuporis in corpore. Huccine tandem deuentum est, vt per summam innocentiae, atque seueritatis simulationem, superbissimæ mentis elatio, & fastus intumescat? tanti ne apud homines fieri, hominem exuisse, vt Musis, & Gratijs nullo vnquam sacrificio placatis, sponte degeneremus in lapides, durum Pyrrhæ genus, & longè proiectum? Huius autem metamorphoseos causam in sapientiam velle reijcere, quantæ dementiæ, quam inauditæ fatuitatis est? ergo sapientia quæ contumaces alioquin mentes, & cognatione diuinitatis gestientes, ad modestiam componit; eas sponte compositas, inani spuria virtutis opinione, efferet in tumorem? quæ morosos, & in familiari consuetudine subrusticos, humanitatis iure demulcer, & mitigat; optima siue naturæ, siue virtutis constitutione temperatos efferabit? tam inconsideratè sentiunt Stoici? tam foedè labuntur? tam perditè humanæ naturæ facultates excindunt, robur elidunt, virtutis fontes exhauriunt, accensos ad veram gloriam impetus extinguunt? non credo. Sapientissimam ego Stoicorum nationem, & in morum institutione doctissimam

etissimam semper putavi; à cuius placitis (si pauca admodum demas, de præpostero præcipue vitæ, mortisque contemptu) nihil est, quod cum christianæ religionis institutis mirifice non consentiat, vt ex Senecæ, atque Epitæcti lucubrationibus patet. Cur ergo tam furiosos illos existimem cum Lactantio, vt rebus à natura insitis castrare homines velint; cùm præsertim Zenonem grauiissimæ familiæ principem apud Athenæum legerim, vino solitum asperitatem naturæ temperare, vt in familiari consuetudine facilis esset, & comis? Rem igitur altiùs repetendam arbitror, ne vel opinionis præiudicio, inhumanitatis insimulare viros immerentes videamur, vel in suscepta semel perturbationū causa præuaricemur. Stoicos ego ab Academicis, ac Peripateticis, sola vocum diuersitate discrepare (vbi de perturbationibus temperandis loquuntur,) cæterum doctrina cum iisdem omnino sentire, confidenter, atque disertè pronuntio. Auctorem habeo vt eam in hanc sententiā, inter antiquos M. Tullium studiosissimū Stoicorum; mox Marco Tullio testes non paulo locupletiores Augustinum in libris de Ciuitate Dei, & Aquinatem Thomam, geminum, vt videtis, Theologiæ fidus, in vasto hoc, & maximè dubio doctrinarum pelago; quorum secundo lumine qui-

cumque in altum prouectus, theologicæ veritatis profunda rimatus est, nullas vnquam impegit in Syrtes; nullis abreptus æstibus naufragium expauit; nullis Sirenarum illecebris irretitus blandè peremptus est. horum autem rationibus in summam contractis, ita rem breuiter, verèque conficio. Affectus animorum eos tantum putarunt Stoici, atque cum Stoicis Galenus, qui à recta ratione discèdunt, atque hominis constantiam, opinionis vitio labefactant: illos propterea ægritudines, aut morbos, non à natura profectos putant, sed iudicio, & voluntate susceptos. ita enim apud M. Tullium Zeno: *Perturbatio est auersa à recta ratione aduersus naturam, animi commotio*: si quæ, autem sunt animi motiones rationis imperio temperatæ, eas nec morbos, nec perturbationes, nec affectus appellant; verùm multiplici aut voluntatis, aut constantiæ nomine, aut cautionis, aut gaudij intelligendas dicunt. His hunc in modum constitutis, næ Stoici non insaniunt, dum illis omnibus, quasi morbis, carere sapientem volunt, quoniam perturbationum arbitrantur esse matrem, immoderatam quādam intemperantiam. Quemadmodum enim modum vitijs apponere nemo potest, quin vitiorum partem sponte suscipiat, ita si perturbationes non radicitus eucl-

Cic. Tusc.
quæst. lib. 4.

las, sed approbes moderatas, moderatam etiam iniustitiam; moderatam ignauiam; intemperantiam moderatam approbes necesse est; quo in argumento multus est Tullius in quaestionibus Tusculanis; multus item in Epistolis Seneca. Verum si tam angustè rem contrahunt Stoici, vt immoderatas tantum appetitiones perturbationum nomine censendas ducant, cum illis & Platonis, & Aristotelis doctrina consentit, & perturbationes non recidendas, sed excindendas iubet: Sed hoc ipsum scilicet inter doctiores anquiritur; vtrum perturbationis nomen, ad eas etiam motiones animi iure pertineat, quæ à recta ratione reguntur, & à Stoicis (vt sunt curiosi vocum captatores) alieno vocabulo voluntas, cautio, gaudium & constantia nuncupantur. Quam in re omnes video philosophantium sectas, ab Stoicorum opinione discedere. Quæcumque enim sentientis animæ appetitiones, quæ vel rem, boni specie, concupiscunt, ac persequuntur, vel malum auersantur, atque refugiant, rectissimè perturbationes appellantur, siue rationis imperium subeant, siue detrectent. ægritudines autem, ac morbi illæ tantum dicendæ sunt, quæ cum immoderatus efferantur, ipsam animi sanitatem labefactant, & rationem de potestate deijciunt. Hoc igitur ratum sit apud

omnes. In virum stultum pariter, atque sapientem, animæ sentientis appetitiones, naturæ quodam quasi traduce deriuari: verum in sapiente ancillantur rationi; illam in stulto de principatu proturbant. Nullum proinde inter Stoicos, aliosque discrimen est, dum ex communi sententia, sapientis animus perturbationibus percellitur quidem, ac pungitur; nunquam tamen proster- ni potest ab ijs, quas omnino habet in potestate.

Finnos solitos memorat Olaus Magnus, negotiatoribus aduersa tempestate diutius impeditis, venales ventos triplici nodo constrictos exhibere (fumos alibi, hic ventos pretio emptos videtis:) quorum vbi primum dissoluerent, ventis vterentur placidis, atque tranquillis: vbi verò alterum, vehementiores experirentur; ac tertio demum laxato, scædis omnino tempestatibus agerentur. Apud Indos Apollonius dolia se vidisse testatur, pluuijs, ventisque refertos, quibus regionem vel nimio solis ardore torridam, ac dehiscentem opportunè compluerent; vel madidam, atque insalubribus vaporibus obductam salubriter exsicarent: (Æolios hîc ventorum vtres in memoriam reuocate.) Meræ sunt hæc de ventis impostorum præstigiæ, atque ventosæ loquacitatis illecebræ; quæ si tamen explicentur idoneè, mirum quàm exactè, sapientis in animi

perturbationes imperium patefaciunt. Quatuor in Danielis vaticinio ventos in mari præliantes, præcipuas interpretor perturbationes in animis æstuentes, quæ ne impunè debacchentur, ac summis ima permisceant, à sapiente rationis vinculis cohibentur, siue clauduntur in dolio. Verùm ubi vsus postulauerit, idem ille sapiens improbis irascetur, oderit, atque insectabitur *vinia*, virtutis speciem concupiscet: hoc est perturbationibus viam, qua licet aperiet, & habenas non laxabit quidem, sed moderabitur fructuosè commotis. Sedebit ipse interea in tempestatibus placidus, sui compos, æquabili mentis tenore compositus, & in cæli quodammodo serenitate collocatus, nubes despiciet circumactas; mugire tonitrua, fulgura præmicare, imbres fluere contemplabitur. Vidit hoc Cosroës Persarum Rex, qui admirabile illud cæli simulacrum machinatus est, & Angelorum specie diuinum, & astrorum conuersionibus nobile, & imbrium eluuiione fœcundum, & fulgurum coruscatione terrificum, & tonitruui fragore formidandum, in quo ipse interim, quasi in arce diuinitatis, sui securus conquiesceret, spectator spectaculo par, spectaculum spectatoris admiratione dignissimum. Rectè enim Rupertus

Vide Rupertum in
Matth.

in Matthæum: *calum ipsa mens, vel anima*

præcipuè sapientis, vt quæ habet lucida sidera, statos motus, concinnas choreas, diuinos circuitus, virtutum splendores fulgidissimos.

Sed mihi diutius in Stoicorum opinionibus immoranti, aurem meritò vellit nescio quis, & ad alteram me dissertationis partem vocat, in qua de Christo Domino differendum est. quoniam verò spinosum illud loquendi genus Stoicorum me longiùs opinione prouexit, ita moderabor in posterum orationi meæ, vt & liberem fidem meam, nec vos tamen prolixiori, quàm par est, disputatione conficiam. Quæritur ergo vtrum Christus perturbationibus animi caruerit; perturbationes hic apello, quas passiones frequenter nuncupabo, notiore scilicet apud Theologos, magisque vsitato vocabulo, licet ab elegantioribus Grammaticorum, ac Rhetorum officinis exulante. Passiones autem ideo dictas sapientum plerique volunt, quod eæ cùm in animis violentiùs excitantur, ipsum etiam corpus afficiant, & pati cogant. Illud autem primo loco statuendum censeo, Diuinum Verbum veram hominis naturam, humano corpore, animaque rationali constantem induisse. Neque enim aut Arrius, aut Apollinaris audiendi sunt; quorum alter non animam, sed animæ loco Verbum ipsum diuinum; alter verò sentientem quidem,

at non intelligentem Christo concessit. Vterque aut per imperitiam stolidè, aut per arrogantiam impiè. Pari etiam temeritate grassantur Marcion cum Manichæis, Apelles cum Gnosticis, & Valentino; illi dum fictum à Christo non tam corpus, quàm corporis simulacrum fuisse susceptum; hi verò corpus quidem, sed aut compactum ex rerum initijs, quæ dicimus elementa, aut ex cælesti materia fabrefactum, aut diuinæ partem substantiæ fabulantur. Veram siquidem naturam humanam induit Deus, atque adeo totum hominem, si solam demas hypostasim, quam cum è cælo diuinam detulisset, humanam mutuari à mortalitate non debuit. Si ergo naturæ suscepit humanam, utique & animæ sentientis appetitiones suscepit, quæ naturam necessario consequuntur. atqui appetitionum huiusmodi quidam quasi fructus est perturbatio, siue passio; perturbationibus igitur, seu passionibus Christus carere non potuit. Quod ita tamen interpretor ut in Christo voluntatis imperium naturæ conditionem anteuerteret. Atque hoc maximè inter cæterorū hominum, & Christi Domini perturbationes interest; quòd ille non tam incerta naturæ debilitate, quàm certo voluntatis arbitrio semetipsum turbabat; ut Ioannes testatur; infirmum autem homi-

num vulgus perturbationibus velit, nolit, impellitur. Quod si aliquando à viris doctissimis conditione, aut necessitate naturæ dolere, mœrere, tristari dicitur Christus, eò verborum sensus detorquendus est, vt intelligant, Christum ita doluisse, perinde quasi naturam in sua conditione reliquerit. Optimè enim Augustinus, palmare illud ingenium: *hos humana infirmitatis affectus, sicut ipsam carnem infirmitatis humana, Dominus Iesus, non conditionis necessitate, sed miseratione voluntatis suscepit.* Verùm negotium nobis facessunt Origenes, Hieronymus, Beda qui propathiam quandam, siue propassionem, quam Christo tribuant, comminiscuntur. cautè nimirum, & ad ipsam mali suspicionem declinandam, prudenter. Cùm enim passionis notio à Stoicis exagitata, nescio quid labis, ab humanæ naturæ imbecillitate contrahere crederetur; ne quid minus religiosè de Christo imperita multitudo statueret; placuit nomen illud infelix abolere, aliudque substituere, ab omni intemperantiæ contagione remotum. Cæterum cùm animi perturbationes, etiam rationis imperio temperatæ, ipsum corpus immutent, nec vllam arguant virtutis debilitatem, quid prohibet quominus Christo quoque, Cyrilli præsertim, Ambrosij, Damasceni, aliorumque

que auctoritate tribuantur? verum subtilius ista, & copiosius Theologi, eorumque præsertim princeps Thomas Aquinas, Christianæ reipublicæ lumen illustrissimum.

Illud coronidis loco addo, quod de sapientie paulò ante dicebam; Christum Dominum, licet pauere, tædere mæstus esse memoretur in Euangelio, nunquam tamen, his quasi perturbationum furijs fuisse agitarum, nihil illi de mentis tranquillitate decessisse. Tagæ in Arcadia templum est, in eoque sub dio lampas, quam nullis ventorū flatibus, nullis extinguere pluuijs potuisse, memoriæ prodiderunt Athenæus, & Strabo, qua de re paucos, si libet, versus accipite, auctoris ut apparet elegantissimi, nō nihil tamē quæ poëtarum licentia est, ab amico meo commutatis.

*Pro foribus diua, vacuòque sub aère pendet
Lychnus, siderea retinens commercia lucis,
Quo sacer assiduo lucet Vulcanus, & ingens
Educat aterna vigiles in lampade flammæ;
Quas nulla aolijs tempestas obruit alis;
Non si prorumpant effracto carcere venti,
Et diras acuant longis stridoribus iras;
Non si tristis hyems sædis glomerata pruinis
Incubet, & pluuiæ contristat sidere cælum.
Vna inter nigras acies, cælique furorem
Fax micat, & flāma radians vitæ superbit.*

Isaïæ 61.
cap. v. 1.

Omitto hîc quæ doctè ab Augustino de hac lampade in libris de Ciuitate differuntur, sed Christum lampadem illam fuisse contendo, de qua Isaïæ vaticinium est: *propter Sion non tacebo, & propter Ierusalem non quiescam, donec egrediatur ut splendor iustus eius, & saluator eius, ut lampas accendatur*: hanc autem lampadem quemadmodum aquæ multæ cruciatuum, ac dolorum, nunquam obruere; ita nec perturbationum venti in animo ipsius imperio spirantes, extinguere potuerunt. Nimirum nobis non sibi lampas ardebat; ac propterea ut miseræ mortalitati constantiæ non minus, quàm charitatis exemplo præluceret, nostris commoueri perturbationibus voluit, qui suis nutare non poterat. Hinc ab Euangelista Matthæo de eo dicitur: *Assumpto Petro, & duobus, capit tristiari*, quia, ut acutè obseruauit Hilarius: *non ante tristis est, quàm assumit, & omnis metus illius esse cæpit assumptus: non de eo orta est, sed de ijs, quos assumpserat mæstitudo*. Utinam quemadmodum in Deum licuit humana transferre, ita in nos libeat diuina traducere.

Matth. 16.
cap. v. 37.

De nimio in valetudine curanda studio.

PROLVISIO QVINTA.

ERum ex Armenia militem, duodecimo tandem, postquam fatis concesserat, die reuixisse, & præclara ex mortis regione documenta rerum (exoticas scilicet alieni cœli merces) mortalibus retulisse, veterum monumenta testantur. Patres Emin. Excogitarit in rem suam ex ingenio Plato commentum planè mirabile, vel potius ab historia mutuatus, vt Iustinus sapientia atque martyrio inclytus opinatur, in Reipublicæ libros ingeniosè transtulerit, lumen certè ab umbrarum fonte humano generi propinandum hausit; & pigro mortis gelu consopitos virtutis igniculos in animis excitauit. eandem cum fortunato milite viam ego etiam exactis retro mensibus institeram Auditores. Autumnalis enim pestilitas, mihi vel in medio Tusculo, omni Sardinia perniciosior, tam vehementer abstrusas vitæ radices afflauerat, vt ipsa spes, spes inquam, obstinatum aduersus infortunia numen, & nunquam supremos morientium anhelitus antecedens, contumaciam exuerit, & me non tam spirantem adhuc, quàm expirantem,

in vitæ, mortisque confinio destituerit. Verùm quoniam sic superis visum est, opportunè vicariam salus operam detulit, & in extrema vitæ crepidine laborantem, ac lapsabundum, subito reprehendit, spe videlicet vel inconsulta, vel inuita. Adsum ergo salutis beneficio ex ancipiti peregrinatione redux, & quamuis me in intimum mortis imperium cum Platonico milite non penetrarim, sed hæserim in vestibulo; habui tamen, quod in obscuro, anxioque itinere discerem mihi, habeo nunc, si per vestram humanitatem licet, quod vobis audientibus non sine ingenti, vt opinor, animorum fructu patefaciam. Quid autem illud sit, ab ipso rerum exordio, non tamen multis accipite.

Vix tandem salute præcunte, in vitæ semitam vtcunque redieram, cùm inclementem Tusculani coeli clementiam abominatus, velut quondam à Circæis delicijs Vlysses, in urbem profugi. hic enimvero in morbum incidi, specie quidem blandum, sed si fateri libet, longè morosiorē, quàm quem in Tusculano recens à tergo reliqueram. Nimirum vt pedem domo extuli, in hominem offendi ex eorum genere, qui dubios adhuc, nondumque coalitos Aulæ rumusculos aucupantes, subitario loquacitatis pastu iam adultos, grandesque dispergunt; & nugæ ideo

mercantur, vt vendant, alienæ vocis inſtitores,
præcones ſuæ. Hic repentino percuſſus mei vul-
tus aſpectu, non ſecus atque ſi impigſſet in
Gorgonem, primùm hæſit; mox ſpecie miſe-
rantis, quam nobis, inquit, à Veſpillonibus, ac
Pollinctoribus faciem? ah quæſo te per Deum;
Valetudinem cura diligenter; quoniam vt res
nunc ſunt, viuere cito deſines, niſi bene viuere
cœperis. Hic ego valetudinarius, hoc eſt ima-
giuoſum animal, & mancipium opinionum, re-
pente contremui; & quamuis aliud ſolatij ge-
nus, ſi non morbus, morbi certè veſtigia flagita-
rent, præpoſtero imprudentis ſalutatoris voto,
quid cum laude reponerem, nihil habui, ergo
Demitto auriculas, vt iniqua mentis Afellus;
& pergo. nec abieram ſanè longè, cùm interue-
niens neſcio quis, gratulor, ait, aduentum tuum,
& in vultum redcuntes ſanitatſ notas, quod tibi
fælix, fauſtumque ſit, lego. verùm tamen Va-
letudinem cura diligenter; inde remedia ſane
multa congeſſit, quibus non tam corpus agri-
tudinè ſolueret, quam curis animum implica-
rèt. Iamque adeat, qui tertio loco exaggeratæ
velificatus humanitati, totus ad interrogandum
factus, anxie de morbi natura, de cauſis, de vni-
uerſa curationis ratione perquireret; mox ſolem-
ne illud ingereret expectanti, Valetudinem cu-

ra diligenter. Verum ne longū faciam. In quamcumque amicorum turbam (dicam apertius ne amicitiae nobilitatem turbæ nomine dehonestem) quoties in hominum multitudinem inciderem, toties mille medendi artes, mille remedium nomina obtrudebantur auersanti; perinde quasi ex Babyloniorum instituto, quod ab Herodoto simul, atque Galeno laudatur, in forum elatus excubarem, prætereuntium doctrinam, atque præsidium præstolaturus. Sed nihil æquè stomachum irritabat, atque formula illa ex præscripto ad nauseam recitata, Valetudinem cura diligenter. Equidem intelligebam multum me mortis in vultum, ex ipsius viciinitate traxisse, atque vt de pallore speculum non consulerem, me diro tamen afflatum fidere, sola virium inualetudo valentiſſimè prædicabat. Sed quorsum toties in ægri faciem molestum illud ingerere, Valetudinem cura, &c. quo non tam futuræ admonemur medicinæ, quàm præsentis, eiusdemque contumacis ægritudinis memoria recrudescit? Cùm ergo multos iam dies moestum illud contumeliæ genus tenuisset, & aures sanitatis augurio tamdiu verberatæ fatiscerent, nec improba tamen saluatorum tempestas deſonaret, humaniſſima tandem inhumanitate defatigatus, & fractus, statui solum

vertere; ne si diutius hæsissem, quotidiana con-
uiciandi licentia, quam fecisset vrbalitas, vapu-
larem; & abactam paulo ante febrem, intem-
pestiuum officiosæ exprobrationis frigus accer-
feret. Neapolim tenui; vrbem multis nomini-
bus planè regiam; sed ciuium potissimum hu-
manitate suspiciendam; qui nobili morum ele-
gantia, admirabilem illius cœli, solique tempe-
riem ita æmulantur, vt vincant. mox Genuam
appuli; vbi quoniam cum libero cœli haustu si-
mul etiam valetudinē imbibi, apud me ratum,
ac fixum exinde fuit, ad corporis ægritudines
edomandas, efficacissimum ab animo propina-
ri mihi pharmacum, libertatem. Hic enim uero
totus ad otium in vrbatissimo suburbano com-
positus, cogitare mecum seriò cepi, vt qui nau-
fragia metiuntur à littore, ecquid sibi tandem
molestissimum illud valetudinis votum veller,
communi omnium, non tam voce, quàm accla-
matione susceptum, Valetudinem cura dili-
genter; neque enim temere aliquibus excidisse,
quòd constanter vsurpabatur ab omnibus, opi-
nabar.

Atque vt multa, eaque ingentia obuersaren-
tur animo nomina philosophorum, rethorum,
poëtarum, & Platonis in primis, qui sanitati li-
tassent. ego tamen, qui patrio libertatis genio

hoc etiam acceptum refero, vt in studijs doctrinarum in aliena verba non iurem; ineptissimam esse valetudinis curam, viroque philosopho prorsus indignam, tacita mecum cogitatione decreui. Quod si vobis hodierna dissertatione, vt auguror, approbauero N. N. nã ego peregrinator egregius Platonici militis è pyra rediui solertiam vincam, & valetudinis desiderio vsque ad ægritudinem anxias mortalium mentes, inani, ac propè turpi sollicitudine liberabo. Age igitur sodes; valetudinem curandam diligenter, illique maioribus hostijs, hoc est melioribus animi votis, operandum censes. an quia nulla contingere potest humanæ vitæ, sine sanitate iucunditas? an quia obtorpescens per corporis ægritudines animus, valetudinis beneficio quodammodo conualefcit, & ad summa quæque connititur? hoc enim duplici veluti cardine, totam curandæ valetudinis diligentiam verti, rectè viri sapientes arbitrantur. Atqui hoc ipsum est, quod ego, Plutarcho duce, iamdudum molior; nimirum tam vitæ iucunditatem, quàm animi ad magna eluctantis impetum, valetudinis cura penitus labefactari, atque concidere. Sed negotium mihi subito male feriata ganeonũ natio fecisset, quæ curam omnem valetudinis curarum omnium abdicatione metitur. Hæc enim uero

rata

rata non labi vitā, si labentē ipsa non sentiat; aduersus impendentiū morborū vim potius secura, quā tuta, animum cogitationibus, hoc est vsura mentis, absoluit: vt corpus interim, veluti in foro statua (quod Euripides lamētatur in Electra) hominis nihil referat, præter speciem; animam autem per incogitantīā vaneſcentem, nec habere se intelligat, nec queratur. Hinc medicorum filijs valere cū sua valetudine iussis, coquos adhibet in consilium; adulatur palato, non stomacho; adlatrantem temporis voracitatem obiecta deliciarum offa compescit ætatis fugam torpore deuincit; pestilentes cœli haustus, profusa falerni ingurgitatione, aut deludit, aut diluit. Quid multa? valetudinem tum maximè securare sibi persuadet, cū minimè curat. Verū hanc ego vel hominum, vel temporum fæcem, per haras Epicuri fœdè proiectam, ne cogitatione quidē vestra dignandam censeo AA. quæ vtcumque sanitatem voluptatis lenocinio venetur, voluptatem certè per summam imprudentiam, sanitatis pretio mercatur. Docuit id disertè satis, apud Laërtium, nobilis sapientiæ scurra Diogenes, in eos de more iocatus, qui superis pro valetudine vota narrantes, cænarum intemperantia valetudinem obtrebant. cuius in sententiam Persius senator minimè pedarius,

sed morum censor, non tam pedibus iuisse, quàm capite dicendus est.

Perf. sat. 2.

*Poscis opem nervis, corpusque fidele senectæ?
Esto age, sed grandes patinas, iucetaque crassa
Adnuere his superi vetuere, louemq; morantur.*
Culinarios ergo mystas, Voluptatē sacrificulos, inter fumum, nidoremque popinarum relinquamus; qui quantumlibet oscitentur potius, quàm loquantur, spirare fortasse possunt, viuere perfecto non possunt; nisi si vitā solo halitu metiuntur; quē ubi semel efflauerint, aut homines, aut inter homines esse iā desinēt. At de illis ego disputationē institui, qui sibi vel hoc nomine blandiuntur, quòd in curanda valetudine laboriosè feriantur, sapienterque desipiunt. Hos ego (quos valetudinarios in posterum licet minùs idoneè nominabo) hos inquam aio iucunditatem omnem, atque huius vsuram vitæ, superuacua sanitatis cura corrumpere. Harmodicum narrat, in libris de Republica Plato; atque ex eo in Rethoricis Aristoteles, virum in re medica vsque adeo inclytum, vt Hippocratis præceptor apud posteros audiat, tam minutam ac religiosam in valetudinis curatione operam impendisse, vt inter mortis metum, & cruciamenta vitæ, sanitatem quàm solidatam cupiebat, euerterit; & pro vitæ incolumitate, lentæ sibi, hoc est molestif-

simæ tractum mortis conciliarit. Verùm hoc diuinitus fortè contigerit, vt prima artis medicæ femina tunc temporis erumpentia, experimento tam nobili maturefcerent. Ego sane Harmodico plurimùm tribuo, qui tuendæ valetudinis doctrinam periculo redemit, non alieno, sed suo. Quòd vtinam intelligerent è medicorum grege non pauci, quibus nō impunè tantum, sed etiam cum lucro stat hominum laniena : humanius profecto cum ægrotantibus agerent ; quorum sanguinem non rarò ad crudele artis experimentum Æsculapio libant ; sed pergo. Quid de Artemone statuemus ? hic vt apud Plutarchum Heraclides Ponticus memorat, machinator aliqui ingeniosus ; tam superstitiosè valetudinem procurabat, vt domi ferè semper desidiosè languesceret. quemadmodum enim pallium vsu cito deteritur, sepositum seruatur diù, ita vitam producturum se quàm longissimè confidebat, si vitæ vsu quàm longissimè caruisset. Percipitis, opinor, admirabile stolidè philosophantis acumen. Quòd si tandem domo exeundum esset, ne quid sanitatis è capite male sano, ambientis aëris intemperies decerperet, æneo clypeo, per mancipia supernè suspenso, protegendum erat. an non capitale cœlo odium indixerat, qui aduersus cœlum ære caput armauerat ? ô verè durum

caput, & nulla arte domabile. efferebatur autem lecto pensili, (ne illum pedibus more hominum, ambulasse suspicemini) verum humili, & quod propemodum terram raderet: ne forte sublimius inuectum repentinus ad terram casus affligeret. Et huiusmodi portenta hominum, quæ non trahunt vitam, sed trahuntur à vita, iucunditatis aliquid delibare si possint, audeant, si audeant, possint? Ego sanè, vt antiquioribus interea parcam, & historicorum monumenta non vexem, dum Valetudinarios domi nostræ natos, adultosque contemplor, in sanitatis cura semper ancipites, & cunctabundos; omnia quasi in hostico circumspectantes; fidem nec sibi, nec alijs adhibentes; anxios, pauentes, vno verbo morientes; nullum esse statuo genus hominum, in hac mortalitatis palæstra, magis exercitum, & à vitæ tranquillitate, quàm quotidie angoribus emit, quotidie distrahit, longiùs ablegatum. Aduertite quæso, animum diligenter, & insanarum cogitationum vestigia, per otium prosequamur. Primum ergo cælum libeat intueri; in quo quid sole, vel ad ornatum pulchrius, vel ad maiestatem nobilius, vel ad oblectationem iucundius, vel ad vtilitatem fructuosius? & tamen Valetudinaris, veluti in perustis Æthiopum regionibus recoctus, totius fontem lumi-

nis conuicijs, iniurijsque proscindit. Illius radios vniuerso terrarum orbi salutare, tanquam vni sibi funestos, nouus hic Pytho declinandos putat. *Ælium* pontem (male ominatum, & plane sacrum flagitiosis ceruicibus nomen) vnica solis carnicina sibi metuendū detestatur; & si quando ita vel ratio, vel necessitas iter instituendum præscribat, vt nolens, volens impingat in solem, tunc enimvero, quasi qui dira omnia expectet simul, & fugiat, obuoluto pallio capite, quàm celestimè proripit sese, nec ante consistit, quàm extra solis tyrannidem, vmbre monitu se videat euasisse. *Eumolpum* iurares insani spiritus recitatorē, operto capite coniectos, in se lapides declinātem. Quid quòd certa viarum non compendia, sed ambages, in quas sol radios non infinet, ex *Geographorū* scilicet præceptionibus, hac vna in vrbe sibi dispensat, ac suis, vt libello duce, (*Sibillæ* foliū puta, nam vmbra adeuntibus præit) in ipso meridie, canicula ne quidquam adlatrante, spectante sole, sed inconsulto, æstiuū vim caloris eludat? Nec de luna meretur melius, quàm quoniam humidum sidus, & fluoribus imperans (quos græco vocabulo *catarros* dicimus) medicorum natio iam pridem appellauit, non auersatur modò, sed curiosiùs obseruat. Illius scilicet incrementis, & decrementis

augeri, aut minui corporis siccitatem; alternis
cieri motibus humores, atque æstuarum cum ma-
ri dolorum aculeos modò crudeſcere, modò re-
tundi. Infelix vel hoc nomine, quòd ad luna lu-
men, in tanta rerum omnium viciffitudine, nun-
quam illi crefcit ingenium, nunquam ſollicitu-
do decreſcit. Nam de gregaria ſtellarum plebe,
quid dicam? Hanc vaniſſimis, & pene magicis
Caldæorum characteribus mancipatam prius,
ſanitati ſuæ famularem confidentiſſimè credit.
Quare non niſi elato benigni ſideris lumine, &
iſtis quodammodò ſtellis præguſtantibus, ci-
bum capit, aut bibit; (quæ inter bibendum ela-
to lumine. conſuetudo, in magnorum Aulis
principum ideò inoleuit, ut ambitionem in ob-
ſcuro latere non ſineret, ſed in oculos, clariſſima
tædarum exprobratione, etiam nolentis ingere-
ret.) Domo nunquam egreditur, niſi fauſta præ-
eunte ſtellarum luce, quæſi honorario ephæbo-
rum ſatellitio viam videat; nullum aut opus ag-
greditur, aut iter ingreditur, niſi poſtquam ſide-
rum oracula ſciſcitatus, illud renuntiatum vi-
deat valetudini ſalutare. ſuperbiſſimum animal,
quòd illuſtrem cæli militiam, ſuis è diuina illa
ſtatione deliramentiſ excubare, ſibi glorioſè
mentitur. Sed è cœlo tandem inſanientem de-
uocemus, & ſuſpendamus in aëre. Hic enim ue-

ro, lituo non augurali, sed medico, diuerſas cæ-
li plagas partitur, ac dirigit. Illam capiti peſtilen-
tem, hanc exitioſam pectori; aliam ſtomacho
grauem; pedibus aliam pernicioſam; aliam va-
poribus denſam; aliam ventis obnoxiam ſeuere
denuntiat. Diceres illum non de vna; eademque
vrbe, aut etiam vrbis parte, verum de Aphrica,
vel littorali, vel mediterranea diſputare. Nec
ventos ego ventosa loquacitatis illecebra nomi-
naui: nam ſi quid eſt, in quo ingenioſe Valetu-
dinarij deſudet induſtria; in eo certè nautarum
omnium ſolertiam ſuperauit, quòd non nomi-
na tantum ventis impoſuit, ſed eorum naturam,
ac vires (quòd proprium ſapientis eſt) penitus
introſpexit. Hinc ab Aquilone pleuritidem ex-
horreſcit; ab Auſtro grauedinem metuit; capi-
tis vertigines ſuſpicatur à Cæcia; anginam timet
à Coro, lippitudinē diuinat à Lybico; diarrhæam
formidat à Zephiro: & quemadmodū inter ſidera
ſolos ſcorpios, ſerpentes, vſas præclarus calami-
tatū artifex intuetur; ita etiam à ventis, ſiue Tro-
pæi ſint, ſiue Apogæi, ſemper naufragium vere-
tur; ne ſcilicet eorū impetu ſanitas ad ægritudi-
nis ſcopulos aliſa frāgatur. Quòd ſi ab æris tur-
bis Icaromenippum ad menſe trāquillitatem, vel
cum Trimalcione traducas, Tantalū videbis in-
ter opiparas cōuiuiorū delicias fameſcentem;

in medijs nectaris fontibus enectum siti. Neque enim promiscuè viuit, sed cum delectu; nouumque adhibet temperantiæ genus, priscis sapientibus hactenus inauditum, à nuperimis valetudinis curatoribus excogitatum, qui cibum, potumque genium defraudantes suum, vnciatim, vt ait Terentianus Geta, distribuunt, & famem, sitimque ita quotidie nutriunt, vt semper exaquant. Interim ne stomachus satietate distendatur, ac nauseet, inanitate contrahitur, & languescit; ne caput vaporibus infussetur, debilitate deiicitur; ne sanguis incalescat, vino spiritibus destitutus contabescit: ne cibis onerentur hypochondria, flatibus cruciantur: ne vires opprimantur ingluuie, franguntur inedia; vno verbo ne sanitas apertè lædatur, per cuniculos proditur, atque conuellitur. Nimirum didicit bellus hic homo à Galeno, vel si Græcos non attigit, à Cornelio Celso latinissimo medicorum, non omnes perinde res boni succi esse, & valetudini aptas. Quare, vt atræ bili subtrahat alimenta (exempli gratia dicendum aliquid est) bubulam carnem detestatur; ceruos, leporesque nouo venationis genere, à mensa extrudit in saltus; stagnis assuetas aues; sine squammis pisces; anguillas, & si quid huiusmodi, fastidiosè contemnit, ne sanguis aduratur, aromata ab oriente

te sole laboriosa peregrinatione transuecta, filius redonat suis; hortensia Ægyptiorum numina porrum, cæpe, allium vt nullo diuinitatis cultu prosequatur, exulare à ferculis iubet, ne insitus nobis à natura calor alimento concoquendo diutiùs & frustra luëtetur, cæteris omnibus religiosè reiectis, aut vnus anni veruecēs, aut selectas ex pinguioribus gallinis partes, aut è campestribus auibus implumes, aut ex ouis tremula mensis adhibebit. Et ne ambitiosè in alieno videar argumento versari, hoc vnum accipite Valetudinarij commentum planè palmare. Ego neminem nominabo; hominem tamen norunt plerique vestrum; quem ideo mors commiserata satis intempestiuè, an tempestiuè subduxit, ne diutiùs in infelici mortalis vitæ, quasi cruce, valetudinis desiderio torqueretur. Hic inter alia sanitatis arcana, quorum centurias sub signis habebat, hoc etiam verè Pæonium, vere Machaonium retulit, & experimento sancitum voluit; vt omni prorsus pane ad tuendam valetudinem abstineret. Cohorruistis, vt video ad panis exilium; Ecquis tam boni comitis calamitatem inter publica damna non numeret? Consultissimi tamen capitis singularem sapientiam accipite, intelligetis non temerè factum esse, quod pani teterrimo scilicet humanæ valetudinis inimico,

humanis mensis interdictum sit. Frumentarias molas curiosè lustrauerat, videratque inter molendum, farinam quidem, quòd necesse erat, excerni; verùm intelligere sibi præterea videbatur, saxum ipsum diutius circumactum, attritu sensim deteri, atque consumi; tenuem proinde deterentis se molæ puluisculum, hoc est mera lapidis ramenta, necessariò farinæ permisceri, atque ex vtrisque demum massam subigi, mox panem improbiissimè confici: inde calculos paulatim ad hominis interitū coalescere, atque compingi: Durum re vera morbum, & planè lapideum; qui primarias in hac vrbe domos sæpè dilapidauit. audistis? O verè inter molendini vertigines enatam philosophiam! ò molare tam operosè delirantis ingenium! Legeram ego, in sacrosanctis religionis nostræ monumentis, oblatos à cæli transfuga Christo Domino lapides, quos ad diuinitatis significationem commutaret in panem: Verùm hic panis in lapidem, rerum ordine conuerso, degenerat. Et quis cum verrucoso Fabio, apud Senecam, Valetudinarij nostri panem, lapidosum meritò non appellet, hoc est accipientibus necessarium, comedentibus grauem? Vt cumque sit: ad hanc certè molam, nempe ad lydium lapidem, explorare orationis meæ veritatem licet, cùm sub initium dissertationis

edixi, omnem humanæ vitæ iucunditatem, sollicita sanitatis cura corrumpi. Quòd si rem altius repetere ab ipsis artis medicæ primordijs liberet; quàm latus orationi ad euagandum campus aperiretur? Cùm enim vniuersam medendi artem ita distribuerint sapientes viri, vt illius pars altera prostratam, iacentemque valetudinem, ab actis morborum causis erigeret; altera integram, atque illibatam sine vlla ægritudinis suspicionem conseruaret; postremam hanc rursus trifariam dispartitam *θεραπευτικῇ, συντηρικῇ, ἀνταληπτικῇ* appellarūt, quæ tamen quatuor omnino rebus in vniuersum continentur. Aut enim quid ore sumendum sit, siue ad cibum, potum uè; siue ad medicamentum spectet, edisserit; aut quid excernendum è corpore, quoue artis præsidio docet; aut quæ aduenire dicuntur extrinsecus obseruat; aut demum quæ ad corporis exercitationem suscipienda sint, ex arte præscribit. Si ergo Valetudinarij superstitionem in singulis æstuantem pari sollicitudine rimari vellem, inhumaniter facerem, qui commiserandam morrentis animi calamitatem, acerbis insuper verborum ludibrijs onerarem. Omnibus ergo hoc loco prætermisissis, vnum dumtaxat medicinæ genus attingam, quod à nautis nescio quibus, atque mancipijs in trirēmibus vsurpatum prius;

paulatim etiam in Magnatum aulas irrepfit, & ipsa iam sui frequentia pretiosum (neque enim in hoc vno raritas pretium fecit,) inter delicias numerari iam cæpit. Ab ea Indiæ parte, quæ solem occidentem excipit, non multis ab hinc annis in Europam herba cum mercibus nauigauit. Tabaccum vulgus appellat ab insulæ nomine, illius vberriimè feraci. Huiusce igitur graminis, vel ambusti fumus, vel contusi puluisculus à rectè valentibus ad tutelam sanitatis adhibetur. nasus vtriusque curationis non testis modò, sed via est. Quemadmodum enim Rolandus (Orlandum dicunt,) apud nostratem, sed primi nominis poëtam furiosè delirans, epoto per nares cerebro ad ingenium redijt; ita qui sanitatem sagaci nare venantur, peregrino vel fumo, vel puluere nasum vexant, atque ita valetudinem per nasum imbibere se constanter argutantur. Et fumosæ quidem, ac nigræ animæ fistula in os inserta ad lucernam stolidè lucubrant, fumum hauriunt, quem paulo post faucibus regerant, & per nares eiecerint. Parum esset si oleum atque operam perderent; verùm tanta totius oris turpitudine fumum efflant, vt mihi videar in Auentino versipellem alieni pectoris abactorem Cacus in spelunca cum Hercule decernentem intueri.

Virg. 8.
Æneid.

Ille autem, (neque enim fuga iam super vlla periculi est)

*Faucibus in gentem fumum, mirabile dictu,
Euomit, inuoluitque domum caligine cæca.*

alij verò puluerem (vtrique non olympicum) colligentes, paruas ex ebore, vel è peregrino cortice pixides, argento, auroque vermiculatas ambitiosè circumferunt; ex quibus deprompto puluisculo nares identidem vellicant, & sternutamentum à cerebro, iniectu pulueris extorquent. Hæc porro duo, ab exotico gramine, beneficia sanè ingentia, vtrique referunt, fumum, ac strepitum; hoc est vt arbitror, nihil: nam valetudinem ea merce, quantumuis Indica, venalem, ego certè non puto. Vsq̃ adeo ne sanitatem, quam tantopere cupiunt, despiciatui habent, vt eam fumo comparandam, deuota fumo capita sibi persuadeant? tam abiectè sentiunt de corporis valetudine, vt si modò irritata sternutatione nobis aures obtundant, nuncium illico Æsculapio remittant? Nihil ego de Indici graminis virtute detractum eo; nec sum tam auidus offensionum, vt medicorum iracundiam in me vnum deriuare stultissimè velim: verum ne in re tanta alieno ductu desipiam, quid hac super re, ab eorum monumentis acceperim, paucis edisseram; vos momenta rerum pro vestra sapientia perpendetis. Causa inter ciues exorta; aut etiam de rebus agendis nodo, vt sæpe fit, qui dignus vindi-

ce videatur, iniecto, sacerdotem consulunt Indi. Hic statim ad hauriendum enthusiasmum, Tabacchi fumum igniculo expressum, per fistulam transmittit ad nares; cuius vi obtupecto protinus cerebro, mortuo simillimus ad terram prosternitur, & diù decumbit: mox animo paulatim ad vitæ munia reuerso, quasi cum numine collocutus tantisper sit; (Numam diceres cum *Ægeria* confabulatum) quicquid turbulentæ rerum imagines per somni speciem obiecere, effundit in vulgus; oraculum scilicet obscurius fumo suo; quòd cum è purissima diuinitatis flamma lucem veritatis haurire non possit, mirandum non est si tandem euanescat in fumum. An non hic fumos vendit, non aulicos, vt ille quondam, sed diuinos, quibus videlicet pulcherrimam diuinitatis speciem decoloret? quid autem hoc ad valetudinem? sed propero. calamitosi homines sua semper cum fortuna rixantes, ad curas abigendas leuiori fumo se proluunt; mox altius confopiti, placidissimis rerum simulachris delicias agunt: nihil illis turbidum accidit, horridum nihil; sed regna, voluptates, meras vitæ glórias iucundè delibant: quæ tamen omnia consistere diutius nequeunt, quia fumo coalescunt, & cum somno præteruolant. Hoc autem iterum interrogo, quomodo ad valetudi-

nem referas? Quid quod peculiare Indico grami-
mini minimè putandum est, cùm sit illi commu-
ne cum multis? sane de Scythis à Maximo Tyrio,
à Pomponio Mela, de Thracibus, de Babylonijs
ab Herodoto, de Indis ab Garzia de Huerte di-
fertissimè traditur, eos ad tristitiam discuti-
endam, herbarum fumo ebrios sponte concidere;
& incredibili per somnum dixerim, an per stu-
porem? imaginum suauitate perfundi. Quod ex
Dioscoride & Prospero Alpino, alijsque luculen-
ter ostendit vir, in quo vno, nexu propemodum
insolito, cum ingenti doctrina singularis mode-
stia copulatur Petrus de Sena in præclara de Ho-
meri Nepenthe lucubratione. Deinde quis vn-
quam suis compos comitalem, pene dixerim,
morbum ultro, ac libenter accersat, vt stupore
cerebri percussus animus, simul cum corpore vi-
ribus destituatur, ac torpeat? hoc est iucundè,
hoc est hilariter viuere? ab ebrietate, quæ te pro-
sternit, tuendæ sanitatis disciplinam auspicaris?
vt rectè valeas fumo caput excrucias, quòd acer-
bissimum semper fuit supplicij genus in Marty-
res? prouocata pretio stoliditatis fortuitam tibi
redimis sanitatem? prima medicæ artis, quam
profiteris, rudimenta à mentis iniuria deducis?
per animi vûlnera viam tibi ad corporis salutem
pandis? intelligentiæ candorem fumo obducis.

vt valetudinis in vultu color efflorescat? caligine
 serenitatem illustras, nec sanus esse potes, nisi
 fias insanus? Atque hoc erat alterum dissertatio-
 nis meæ caput, in quo contumeliam animo Va-
 letudinarij machinamenti irrogatam amoliri
 decreueram. Verùm quia longiorem disputa-
 tionem rei postulat magnitudo, & vos diutius
 detinendi non estis, in sanctiores dies sanctiori
 argumento reiecto; omnibus interim sapientif-
 simi poëtæ votum in memoriam reuoco, *Oran-*

Iuven. lat.
10.

dum est vt sit mens sana in corpore sano.

*Præposteram Valetudinis curam plurimum
 animo, ac virtutibus obesse.*

PROLVSIO SEXTA.

AMbiguè olim à Platone, atque Galeno
 disputatum est, vtrum inter bonam, ma-
 lamque Valetudinem aliquid intercederet,
 quamobrem nec ægrotare, nec valere homi-
 num corpora dicerentur Principes Emini; & Ga-
 lenus quidem ita rem interpretabatur, vt quem-
 admodum adulto nondum sole, cùm paulatim
 dies efflorescit in lucem, cœlum euanescentium
 quasi vestigium tenebrarum in vultu præfert,
 quod nec adscribas diei, nec imputes nocti; ita
 hominum

hominum corpora in dubio valetudinis confinio constituta, inter languorem, ac vires ambiguè colluctentur: quam nec valentis, nec ægro-
tantis conditionem, sanitatis crepusculum, hoc est non sine vmbra-
rum vmbra fulgorem appellare si velis, à vero fortasse non aberrabis. At contra Plato maturi, floridique luminis amator, impuram hanc tenebrarum, lucisque permistionem, quæ cœlo maculam adspersit, auersatus, controuersiam bipartito distribuit, & hominum corpora, quanta quanta sunt, vni tantum valetudini adiudicat vel integræ, vel afflictæ. Hoc vnum videlicet apud se sapientissimè statuebat, suspiciosam illam corporum constitutionem, quæ ab rerum contemplatione diuinarum; à Reipublicæ administratione; à studijs doctrinarum; à conquisitione virtutum animos auocaret, meram ægritudinem esse, sine vlla bonæ valetudinis societate miserrimam. Hoc autem cum vitio corporis (infelicitate sane grauiore, quàm culpa) contingit, hominum animos ad misericordiam inflectit. At quid de illorum vecordia statuendum, quibus per animum in corpus, non tam ægritudo, quàm eadem ipsa, quæ modò enumeraui ægritudinis incommoda deriuantur; dum nimis anxie valetudinis cura, & publico sæpe abstinent, & negotijs sese subdu-

cunt, & omnem doctrinæ cultum, curam omnem virtutis abijciunt; ne vitam scilicet vsura vitæ, hoc est ne videndo oculos, audiendo aures, vocem loquendo consumant? Atque hæc demum erat infelix illa hominum natio (ridiculam appellarem, nisi tanta cum animi pernicie deliraret) quam exactis retro diebus, quasi victimam sacris solemnibus ieiunij ferijs deuouendam seposueram; nunc verò, vt me promissi religionis soluam, bona fide ad aras, vestro omnium iudicio iugulandam sisto.

Verum in ipso statim meæ dissertationis exordio date mihi hanc veniam AA. vt refricare tantisper Bacchanaliorum memoriam liceat; neque enim verendum est, ne temporis sanctimonia profana rerum commemoratione maculetur; quin potius illud consequar oratione mea, (certe conabor) vt vestræ vos grauitatis, in alienæ leuitatis exprobratione, pœnitere non possit; & si qui sunt (video autem esse quamplurimos) quos communis petulantia turbo transfuersos egit, in modestiæ orbitam, & temporis ratio, & vestræ virtutis exemplum reuocabit. Et in publica sane licentiæ quasi licentia, gratulatus mihi vehementer sum, tam firmam, solidamque omnium ordinum valetudinem; cum eò plerique curas verterent suas, vt qua ciborum

ingurgitatione, qua defatigatione corporis immodica, qua diurnis, nocturnisque concursationibus, valetudinis constantiam, aut explorarent, aut frangerent. Multorum vidi vultus sub personis estuantes, & sudore perfusos. an quia in exuenda verecundia cum virtute non leuiter luctandum voluptati fuit? an quia vt alienam personam cum dignitate sustineas, strenuè tibi allaborandum est? Alios contemplatus sum contumaciter obuersa in pluias, & ventos facie, tam foedè perculsos, vt non magis nuda ludæorum discurrentium capita, sub impuræ plebis contumelijs vapularint, quàm exposita obstinatè spectantium, an expectantium ora, sub cæli iniurijs contabescerent. Alios miratus sum comessabundos in theatrum properantes, & crebros inter anhelitus, per stipatos multitudinis cuneos in caueam irrumpentes; (quo nimirum Comædos præstolarentur) vt diuturna sedendi defatigatione primò desides, & oscitantes, mox etiam fracti, exhaustos in ingressu labores, inertia laboribus morosiore mitigarent. Alios audiui (neque enim tam dira mihi venit videndi cupido) ad multam noctem, sub Ioue frigido, currus nescio quos circumforaneos subsecutos, vt peregrini, hoc est perambulantis suauitate concentus deliniti, trufatiles Ludionum choreas, & desulto-

ria gladiatoriae feritatis simulachra, lutulenti spectarent. Nam solidae pene noctis epulas, hoc loco praeterire consilium est. Haec igitur cum animaduernerem non ab infimis tantum plebis minutae quisquilijs, aut ab adolescentibus aetatis lenocinio, deceptis, usurpari, verum ab ijs etiam, qui graues, sapientesque apud multitudinem audiunt, honestissimi solatij loco, ad mentes hilarandas adhiberi; tunc enimvero (neque enim vacabat censorem agere) omnem prorsus ab urbe corporis aegritudinem exulare confidentissimè praedicabam. Cur enim in ea ciuitate vel tenuem morbi suspicionem mihi fingerem, ac curis meis, in qua morbus ipse toties intemperantiae blanditijs prouocatus, & per vim propemodum extortus in corpora, nunquam tamen infanorum venisset in vota? beata proinde Romanae Reipublicae tempora, longo veluti postliminio, rediisse existimabam, cum nullis medicorum cruciamentis dilaniata mortalium corpora, illud feliciter vitae spatium implerent, quod naturae liberalitas ampliasset, non artis medicae praestigiae contraxissent. Aesculapij ergo cum Iani templo claudendum. Quid multa? immortalitatem illorum stultitiae stultus ominabar, qui cum maximè id agerent, ut morerentur, nec aegrotare quidem possent; vitam verò ideo du-

cere viderentur, eam vt impunè prodigerent. Verùm vt nulla est in rebus humanis diuturna felicitas, insperata morum vicissitudo falsum me fieri subegit, & votorum ludibria non animo tantum obiecit, sed in oculos etiam auersantis impegit. Vix tantillum dieculæ vnus spatium intercesserat, cùm admirabilis tota vrbe catastrophe facta est. vbi enim abiuratis, proscriptisque bacchanalibus, sacra solemnis ieiunij dies, multis plane cinerea, hoc est feralis, illuxit; tunc quasi pestilentiam vbi maligni capillamentum fideris inhalasset, discursari captum ad medicos; de ciborum delectu anxie deliberatum; diligenter de victus ratione quæsitum; interrogatum sæpius manu caput vtrum ægro inconsulto doleret; explorata subtilius arteria, rarique admodum reperti, quibus medicorum vrbánitas non morbi saltem opinionem humanissimè commodaret. Atque ita noctis vnus veneficio in Valetudinarium Roma degenerauit. Pandoræ nescioquam festiua poëtarum natio commenta est, varia morborum genera in pixide circumferentem; cuius operculo ab Epimetheo, per imprudentiam, remoto, vniuersa illa morborum colluies humanū genus penitus inundauit. Illud ego male ominatæ pyxidis operculum, prima Quadragenarij solemnis die deie-

Etum video Auditores, ex illo siquidem

Horat. lib.
1. carm. od. 3.

— *macies, & mala februum*

Terris incubuit cohors.

Hinc eorum querimoniæ, qui naturam onerant contumelijs; qui semper in ægritudines intenti, qualemcumque corporis calorem calumniantur; qui sibimet infensi importunis palatum potionibus exsurdāt; qui de ciborum natura rixantes, ut cum Bernardo loquar: *Legumina inquit, ventosa sunt, potum aqua non sustinet pectus, caules nutriunt melancholiam; choleram porri accendunt; pisces de stagno, aut de lutosa aqua mea penitus complexionis non congruunt*: qui tussim denique continenti cerebri exsudatione irritatam incusantes, postquam alienas aures importuno strepitu verberarint; ipsam tandem in hunc ferè modum cum poëta flebiliter alloquuntur.

Quid tantum hanc pulsas animam, mala pectoris hospes,

Et fragiles vite succutis alta fores?

Quid me adeò spirare vetas, atq; ima profundo

Pectora singultu pulsa, repulsa premis?

Cede loco vasana.

Verùm id vnum egisse hætenus videri possum, ut insanam illorum consuetudinem sigillarem, qui cum atletico propemodum corporis robore,

crudas debacchantis voluptatis illecebras; blandientia laborum tormenta; temulentæ tempestatis iniurias ferendo fuerint; ad primum statim solemnisi ieiunij conspectum, tanquam visis hostibus prosteruntur, & concidunt: illius macie sui florem sanguinis inficiunt; illius siccitate succum valetudinis exhauriunt; ad illius situm squallentes impalescunt; & tunc demum febrem induunt, sponte commotam, cum febriculoso ieiunij nomine cor per aures repenti percellitur. Ceciderit res, ut libet, & qui lapides in canem consultò conieceram, nouercam fortuito vulnerarim: casum libenter exosculor consilio meliorem. Verum illò, si fateri libet, mea collineabat oratio, ut ostenderem (quod initio proposueram) dum toti in corpore curando sumus, sensim animum elanguescere, & exquisita in procuranda valetudine diligentia, ingenij vim hebescere, atque retundi; curasque omnes à rebus præclare gerendis, ad inertiam, somnumque traduci. Quod ut luculentiùs adhuc probem, animum ut humaniter hætenus fecistis aduertite. Iis, quorum consilio stat vniuersa reipublicæ moles, somno perparcè indulgendum rectè præcipiunt sapientes viri. Hinc apud Homerum Iupiter, cæteris quasi minorum gentium Dijs more hominum consopitis, pro Achillis tuenda

Vide H^o.
II. p.

dignitate solus excubat, & somnium adornat, quo dormituriem Agamemnonem, ad pugnam capeſſendam adhortetur. Immo ſomnium ipſum à Ioue fabrefactum Neſtoris ſpeciem mentitur, & Græcorum Imperatorem humaniter increpat, quòd liberaliùs quieti ſe daret, quàm Principem tot bellorum periculis diſtentum deceret. egregium ſane documentum, in Rempublicam à Platone, in Orationem de Ageſilao à Platonis æmulo Xenophonte tranſlatum. Turpe nimirum arbitrabantur, orientis ſolis radios ad ſomni umbras diſcutiendas expectari, cùm præuertendus potius eius exortus videatur; vt noctis patrimonio vigilantia circumſcripto, quantum de illo licet transferamus in diem, vitæque ſpatium extendamus. Quid hic Valetudinarius, cui laborioſa negotiorum moles incumbit? excuſſo dormiendi ſatietate iam ſomno, vtrum tamen adhuc ſurgendum ſit, ſua cum inertia deliberat; atque vt animi veſtigia corpus non rarò ſubſequitur, alternum ſæpe reuolutus in latus, nutantis incertitudinem ſententiæ altiùs in lecto deſigit. Mox de cœli facie quæſtionem inſtituit, & delatores interim in aperta ſubmittit, qui de ventorum afflatu, de nebulæ pertinacia, de nubium volatu conijciant. Atqui poſtquam amica omnia, atque tranquilla coniectores

res retulerunt, vnum tamen adhuc superest, quod cubantem excruciet. Nimirum nondum altius prouectus est sol; dubium autem immaturæ crepusculum lucis, certissimum capiti exitium maturaret. Excoquendum scilicet aëris vitium solis ardore, humidæque vapores noctis calore siccandi, antequam caput tot curis grauidum, in apertum producas. Quid enim si humente adhuc aëre madefactum, perniciem imbibat, quam ad oculos, dentesque transmittat? quid si contractum matutino frigore cerebrum, in fluores exprimatur, quibus deinde pulmones anhelent? vtendum igitur adulti iam solis beneficio, cuius vitali vi rarefcente caligine, humanum etiam corpus hilarescit. Nec de rebus agendis interea magnopere laborandum, cùm illud vnum negotium maximè negotiosum sit, quo valetudinis indemnitati consulitur; huic cætera omnia, velis, nolis inniti. semel enim collapsa valetudine reliqua pessum dari. Maestè tam nobili vitæ traducendæ doctrina, quisquis es tandem, qui linteatus philosopharis in lectulo. Gratulor tibi ingenium verè lucidum, indolemque solarem. Iam iam aderit toto cum curru suo sol, & Memnoniam hanc statuam, quæ sine solis luce vocalis esse non potest, in bono lumine collocabit. Ego interim è tantis tenebris libenter,

emergam, & valetudinarij nescio cuius dissertationem, non omnino somniculosam excipiam.

Nihil de me, quòd magnopere conqueraris habes, inquit non nemo, si curandæ valetudini totus immineo; neque enim Reipublicæ ita traditus sum, vt alienam securitatem redimendam susceperim curis meis; sed priuatos intra parietes, modestia inuolutus mea, nihil moliri magnum cogitationes iam pridem docui.

Senec. in
Thyeste.

Stet quicumque volet potens

Aula culmine lubrico,

Me dulcis saturet quies.

ita mihi quotidie viuo, vt ita non vixisse, poeniteat. Nam de prisca in literarum studijs industria mirum quantum remisi; & ingenium quidem natura concesserat ad doctrinæ acquisitionem egregiè factum, acutum, volucre, perspicuum, habile; memoriam verò tam liberaliter indulserat, vt Hortensio, Mithridati, Senecæ non inuiderem. Et operæ sane pretium constabat; nam siue in rerum à corporis concrezione seiunctarum contemplatione operam collocarem, siue intelligentiæ vim ad amœniora conuerterem, non frustra susceptos labores ipsa laborandi iucunditas testabatur. Verùm vbi semel in Platonis Timæum tot, tantisque doctorum virorum lucubrationibus illustre, incogitanter offendi;

pristinus ille dicendi ardor, quo dudum abreptus, nullam quietis partem capiebam, repente deferbuit. Ipso namque docente, naufragium corporis in animæ malacia formidandū, penitūs introspexi. Anima siquidem, ait Plato, corporis vires supergressa vehementer effertur, ipsum autem languoribus affigit: collectis enim ad rerum peruestigationem intelligentiæ viribus, labefactari sensim corpus, & colliquescere necesse est. In publicis autem doctrinarum velitationibus, vbi literatæ velificamur ambitioni, corpus æstuat, atque resoluitur; sæpissimè verò defatigato iam cerebro fluxus è capite ad obruendam totius corporis valetudinem exundant. Hæc ego apud Platonem cū legerem primò, cohorruì. neque enim ad eam diem tam præposterum sperare potueram fructum laboris mei; vt cumque enim pernox, & perdius ad studia contumaciter incubuissem, nihil vnquam de valetudine decerptum, libatum nihil experimento didiceram. Atqui à viro sapientissimo semel admonitus, cautiùs in posterum vires corporis explorandas suscepi; ne sub iucundo discendi onere frangerentur, atque fatiscerent. Vix ergo libros attigeram, cū incalescere sensim tempora; caput nutare, vertigine; tentari oculos offusione tenebrarum; paulò post ita concuti pectus

nitatem perditum erat : nunquam vera virtus cum crudelitate coniuncta est ; nunquam alienis calamitatibus pascitur ; nunquam alitur cadaveribus. bona verba, mi homo ; siste. declamatum est satis ; deliratum verò etiam plusquam satis. sanguinem, cui tantopere parcendum ais, excreabis ; diutius insanire si pergas. Paucis ego te volo, sed molestissime tecum agam. Dic humaniter sodes ; sic te superi sospitem, & benè valentem velint, dio amabò. Intelligis ne corpus animi mancipium esse ? intelligis animum in corpore, tanquam in domicilio collocatum, dum a mortalitatis peregrinatione redùx in patriam redeat ? Non inficiaris opinor ; nam si diuine oblectarèris veritati, furiosè delirares, non argutè differeres. Animus ergo corporis moderator, & princeps diuinitus constitutus, illo tanquam mancipio, & domicilio vitur, facendum est. Atqui iam tandem reddam tibi voces tuas impurè. Ergo tam grandem pro domicilio conducto mercedem corpori dependet animus ? ergo vt decor & robur lapfabundò constet hospitio, immortalis hospitis forma, & vires atterentur ? supplicabit animus corpori, & principatus sui iura transcribet in seruum ? omnia virtutum ornamenta ad mancipij pedes abijciet ? an tantum est qualem, qualem valetudinem corporis intra-

De hoc argumento vide Theophil. Raynaud. lib. 6. de virtut. & vitijs an. 10. & seq.

etiam velle, vt illam per temperantiæ iugulum petendam putes? feliciter non viuet corpus, nisi animus infelicitate pereat? vsque adeò ne viles sumus, vt sordidam mancipij tyrannidem feramus? vsque adeò ne prisca in nobis virtus elanguit, vt lacrimabilem animi calamitatem vlcisci non possit? Atque vt cætera desint omnia, vsque adeò ne mori miserum est? & cur vitam naturæ debitam virtuti non reddimus? Ignoscite quæso vos iustissimo dolori meo, nec me per imprudentiam eò foedè prolapsum suspicemini, vt ex decreto Stoicorum mortem vltro accersendam putem. Non sum tam impius, A. A. mihi credite, non sum. Illud tamen sine intimo sensu doloris dissimulare non possum, tot, tantisque tuendæ valetudinis impendijs, animi vires enervari, quas ipsius valetudinis dispendio, si viri sumus, solidatas oporteret. Sensit hoc ingeniorum fastigium Plato, qui, vt Basilius auctor est, ad excitandam Academiam clementissimi aëris temperiem auersatus, eam consulto loco satis insalubri collocauit, vt afflictæ valetudinis veneficio corporis petulantia perdomita, expeditus, ac levis animus, per amœna sapientiæ viridaria vagaretur. Sensit hoc Plinius consulatu, & eloquentia nobilis, cuius breuis ad Maximum epistola, prolixas philosophantium disputationes æquauit:

Nuper me cuiusdam amici languor admonuit, optimos esse nos dum infirmi sumus; quem enim infirmum aut avaritia, aut libido sollicitat? Sensit hoc sanctimonia pariter, atque doctrina inclytus Ambrosius, cuius præclara illa ad populum documenta sunt: *contraria studiosis divina cognitionis præcepta sunt medicina, quæ à ieiunio reuocant, lucubrare non sinunt, ab omni intentione meditationis abducunt.* Sensit hoc Innocentius hoc nomine tertius, Romanus Pontifex, in amplissimo Episcoporum conuentu, dira omnia pro potestate medicis imprecatus, quia aliquid ad corporis valetudinem excogitassent, quod animum in discrimen adduceret. Sensit hoc Ioannes Lusitanus, & Regis filius, & sacrosancti ordinis vestri purpuratus, Patres Emin. & quod omnem posteritatis fidem superabit, pulcherrimus adolescens, cui cum grauius ex molestissimo morbo laboranti, medicus ingenio meliore, quàm fide, persuadere conaretur, ut si saluus esse vellet, aliquid de castitatis studio remitteret; maluit egregius, & verè regius animus virtute, mortem, quàm scelere valetudinem pacisci. Ecquis ergo mihi de circumforanea circulatorum stirpe Podalirius, inauspicatum illud carmen identidem ingerit, Valetudinem cura diligenter; hoc est, si Deo placet, in

animi contumeliā licentiā corporis exacue.
 Verē enim Pythagoras, atque sapienter, eorum
 detestabatur stoliditatem; qui curis omnibus ad
 corporis incolumitatem traductis, firmiorem
 in dies animo carcerem compingerent. Quid
 quod inuerso rerum ordine lucra damnis, non
 lucris damna pensamus; dum valetudinis com-
 modum animi iactura mereamur; valetudinem
 autem, quæ tantū steterat insipientibus; res
 omnium vilissimæ, hoc est voluptates emuntur;
 vt pretiosè scilicet pereamus, dum exitij nostri
 pretium animo ipso dependimus. Abeant ergo
 sua cum valetudinis cura intemperantiæ atque
 desidiæ curatores; etsi sanitatis, quam alijs au-
 gurantur, beneficio frui cupiunt, caput nullis sa-
 nandum Anticyris, vanis rerum opinionibus
 absoluant. Vbi enim semel conceptam ægritu-
 dinis opinionem exuerint, bene valentes se, nul-
 lisque obnoxios medicorum cruciamentis, si
 non intelligent, sentient.

*De concordia in animi simul & corporis tuenda
 Valetudine diligentia.*

PROLYSIO SEPTIMA.

Nimirum hoc vnum decrat laboribus
 meis, vt in Auditorum offensionem in-
 cogitanter

cogitanter incurrerem; & quod maximè formidandum est, medicorum in me odia, nullo licet meo merito, deriuarem, Viri non virtute minus, quàm purpura Illustrissimi & tamen ita video contigisse. Multus enim de postremis dissertationibus meis vbique sermo. Aiunt me in medicos, artemque medicam contumeliosè peccasse, cùm Valetudinis curam, ipso naturæ præiudicio necessariam, in concione traduxi. Inconsultum me omnisque humanitatis expertem, qui caducam mortalium conditionem præsidio tam salutari destitutā volui: longiùs obtriectandi libidine præteruectum, non tam ex præscripto veritatis ingeniosè, quàm ex ingenij licentia captiosè, aduersus valetudinis curam perorasse. Nouum repente me Thessalum Hippocratis calumniatorem extitisse, dignum qui Galeni alicuius contumelij vapularem, styloque confoderer. Quid multa? osorem corporis, sanitatis euerforem, vitæ hostem, salutis inimicum, humani generis parricidā, & planè mysanthropum exclamant, febriculosum morborum omnium patrocinium suscepisse, eoque nomine vertigines, dolores, tabes, deliria, pestes omnes, & si quid est pestilentius peste, promeritum. meliora superi: nam si peruersa isthæc iratorum hominum vota valent, ego hodie fortunam absolui;

neque enim euenturam mihi, hoc anno, vberem messem mali, cum Plautino Trachalione timere possum; sed efficaci, atque celerrimo medicorum suffragio iam nullus sum. malè ominatis tandem verbis, ô quisquis es, parce. ego etiam homo sum, humani à me nihil alienum puto, vt ait Terentianus Chremes. Corpus, quo me natura circumdedit, vt nobilissimum peregrinantis animæ diuersorium, qua decet charitate: complector firmam illius, constantemque valetudinē, vt necessarium humanæ peregrinationis viaticum summa fide tueor, atque custodio; vita, quam rerum omnium conditor mortalibus commodauit, non libenter vtor modò, sed fruor etiam iucundissimè: artem medicam veneror, medicos amo. quid quæris? Animi sanitatem hætenus, non corporis carnificinam quæsiui;

*Nam nec me genuit sola sub rupe leana,
Nec mare conceptū spumantibus expuit undis.*
Quòd si tamen adhuc irasci cōtumaciùs pergis,
& Gratidiam istam, siue mauis Canidiam tuam,
hoc est anxiam in curanda valetudine diligentiam, recantatis opprobrijs placandam censes,
conditionem libenter accipio; & cæcitatem deprecatus in primis, alter ex improuiso Stesichorus, deuotam Helenæ tuæ palinodiam, hodierna

Dio Chrysost. in Troiana. Iphocra-tes in Enco. Helena.

differtatione pronuntio. Vos igitur obtestor, Plato in PhedroPau-
fan. in La-
conicis. quotquot adestis omnes, Valetudinis curam humano generi necessariam diligenter suscipiendam esse constituo: & ne quis forsitan se non audisse conqueri possit, magna iterum contentione vocis edico, diligenter curandam esse valetudinem, cuius veluti numini cū exactas paulò ante ferias, quæ nomen à potionibus inuenerunt, veteres Academiae moderatores sapientissimè consecrarint: ego etiam illi, non pharmacis quidem, vt multi; sed primò cum Eupulo apud Athenæum, poculo propino; Lib. Deip-
nosoph. vt hoc veluti symbolo, in gratiam me bona fide cum medicis rediisse, ex multorum consuetudine populorum, palam, apertèque profitear. Et quoniam ea hæcenus inuidia apud plerosque laboraui, vt omni prorsus abdicata corporis cura, totum me in obsequium animæ transisse iactarent; operæ pretium me facturum existimaui, si corporis patrocinio suscepto, ab anima rectam curandæ valetudinis rationem auspicarer. Et sane ita est AA. Quemadmodum in virtutis adipiscendæ studio opinionum nos monstra plerumque transuersos agunt, ita in procuratione valetudinis intemperijs non rarò, imaginatricis facultatis eludimur. Sed & hæc peculiaris animæ DePhanta-
videS. Tho-
1. p. q. 13. a 3. administra, & intelligentiæ ea rerum simulacra

in resp. ad 3.
& l. 3. cont.
Genet. c. 109.
Picus lib de
Imag. Ficini.
l. 13. Theol.
log. Platon.
Valef. de
sacr. Philos.
cap. 11. Co-
nimbr. in 7.
Physic. c. 2.
q. 1. a 7.
Delrius dis.
Mag. l. p. c.
3. q. 2. Pere-
rius in c. 10.
Genes. d. sp.
3. & 4.
VVeintrich.
de ortu
monstrorū
c. 17. Author
meditat. hi-
stor. centur.
1. c. 54. &
alios; sed
omnium
copiosissi-
mū Marcell.
Donat. Me-
dit. histor.
Mirab. l. 1.
a. 1.

intuenda proponit, quæ corporis sensus, dum obiectis sibi rebus, tanquam exploratores immi-
nent, hauserant prius, & communi quem dicunt
sensui, qua poterant fide, tradiderant. Verum
hæc præclaro in obscuro munere, viribus suis
iam licenter abutitur, vt sapissimè recta detor-
queat, ordinata confundat, dissipet sociata, dis-
iecta coniungat, obscuret illustria, alta depri-
mat, extollat humilia, omnia susque deque per-
misceat. Hæc nimirum præclara vanitatis arti-
fex, inuersis rerum, quas acceperat, imaginibus,
Centauros, Sphyngas, Geriones, Chymeras ef-
fingit; hæc absurdissimas rerum species ingenio-
sa somniorum machinatrix efformat; hæc pro-
digiosis rerum simulacris corporis sensus eludit;
hæc admirabiles perturbationum animi seditio-
nes, motusque sollicitat; hæc mentem menda-
cibus veritatis larvis excæcat; hæc homines ina-
niissimi obiectu metus, atque mœroris infringit;
hæc animum spectrorum terculamentis exter-
ret; & quod maximè ad rem facit, hæc morbo-
rum, atque ægritudinum opinionibus valetudi-
nem ipsam labefactat, atque prosternit. Neque
hæc sequius accipiantur à vobis, Viri sapientissi-
mi. Imaginatricis facultatis non tam vires, quàm
insidias, oratione dum persequor, non ego eo-
rum deliramentis assentior, qui præstigiaticem

hanc in hominibus Circem, diuina penitus potestate donarunt. Scio ex illorū sententia, Phantasmam tempestates excitare; ciere tonitrua; nubes in nimbos exprimere, terram motu concutere; in turbinem coactum aërem circumrotare; fascino infantum præsertim membra corrumpere; metalla, plantasque compingere; mutant animantes animare; angues suis è latebris euocatos in circulum cogere; ferrum vulneribus pertinaciter infixum auellere; morbos ab agrorum corporibus abigere; atque illos cum libet in corpora rursus accersere; oracula reddere; vaticinandi vim mortalibus inspirare. Hæc inquam, & huiusmodi sexcenta opinionum monstra, ab Auicenna præsertim literis tradita impudentissimis, non admiror ego, sed execror; & proteruam ingeniorum licentiam tam impie, atque adeò tam impunè delirantem, detestari, ut debeo, possum, utinam & coërcere liceret, ut vellem. Nec ideò impuris sophistarum raiis absterreor, aut eorum contumelijs ab infixa altius opinione dimoueor. In eorum, ut liber, numerum me referat Auicenna, qui sacrosancta, scilicet, arcanæ philosophiæ documenta præingenij imbecillitate non capiunt; ego illum hac in re nec philosophum, nec medicum, ac ne hominem quidem, hoc est rationis compotem, es-

Auicenna 4.
naturalium
6. & post il-
lum Pom-
ponatius &
Montanus
apud Mar-
cellum Do-
natum d. 6.
1. lib. 2.

Montanus
in Comm. in
2. scilicet. 1.
Auicenna.

Vide Dona-
tū ubi sup.

se, persuasum habeo: nisi forte hoc etiam imaginatricis facultatis prodigium planè singulare, accedat ad reliqua, vt Auicennam, doctum aliquin hominē, de mentis potestate deiecerit. Atqui, vt hæc vera sint omnia, illud sanè nō inficior, quod cōmuni rectè sentientiū philosophorum decreto sancitum est, & Diui Thomæ, hoc est veræ Theologiæ suffragio comprobatum; Phantasiā in corpus, vt ipsi loquuntur, imaginantis, ea omnia præstare posse, quæ certo quodam ordine ad illam naturæ lege referuntur: Hinc frigoris, calorisque vires, vel acuit, vel retundit; & (quæ inde consequuntur in corpore vicissitudines) valetudinem modò erigit iam prostratam, modò solidam, constantemque conuellit. Quos verò in persuasionibus ludos ludit, varietate multiplices, viribus efficaces, nouitate mirabiles, specie ioculares, materia sæpè ridiculos, detrimento semper luctuosos? Hic enim uero liberalius exerit sese; hic de Viris etiam opinione sapientiæ inclytis gloriosè triumphat. A proposito non aberrabo, nec me argumenti licet iucundissimi lenocinio, longiùs abstrahi patiar, quàm par est; quædam tamen leuiter delibabo, quibus palam fiat, quàm turpiter nobis, in vno valetudinis negotio, imaginatrix animi facultas imponat. Prætereo hîc, non suburrānum, sed

Vide Delirium & Perer, locis citatis.

Ferrariensem Pistorem, solis ignisque conspectum studiosè declinantem; ne scilicet butyro, quo se compactum putabat, vi caloris liquecente, totus ipse diffunderet. Omitto truncum illud, & sine nomine, hoc est sine capite (vt ipse dicebat) corpus, quod vbi plumbeum induit pileum, leuitatem mentis tanti monitu ponderis abiicit: cui hanc gratiam gestatus olim pileus rependit, vt infelix homunculus capitatum se à pileo disceret, non à cerebro; immo caput ipsum à pileo acciperet, quod cerebro commodaret. Prætermitto lepidam nesciocuius stoliditatem, suspenso semper gradu timidè incedentis, occurrentesque summoventis, ne scilicet frangeretur, nam vitreum se putabat; auerfabatur sine dubio Iudæos,

Donat. 4. 1.
lib. 2.

Qui pallentia sulphurata fractis

Permutant vitreis.

Nec passerculos in hominis capite, tanquā in cauea fringultientes; nec ranas in ventre coaxantes audire libet; sed vnā tantum ab eruditissimis Marcelli Donati commentarijs historiam commemorabo. Hominem narraui olim, si meministis, Phantasie præstigijs improbè circumuentum, pane diutius eo nomine abstinuisse, vt subortam ab se coalescentis suspicionem calculi remoueret. Ita plane res est: illum ego familia-

riter noui, & non auritus, sed oculatus rei testis, nec falli potui, nec fallere volui. Socium illi nunc tandem dabo, Phantasiæ intemperijs planè geminis agitatum; qui non abstemius modò, sed etiam siccus, omnem auersabatur bibendi mentionem, quantumlibet æstuaret; causam quæritis opinor, nam sapientum, hoc est Vestri simile, iste mos est. accipite. Nimirum lateritium se putabat, ideoque grauis illum metus incesserat, ne humore paulatim dissolutus lutulentum efflueret in liquorem. Cogitatio, vt videtis, plena maturitatis, plena iudicij. Huius nunc ergo insaniam cum illius stupore conferte, si liber; vtroque ludentis, & illudentis Phantasiæ in homines contumeliam, pro vestra humanitate deplorabitis. Ille panem detestatur, ne obdurescat in lapidem; hic potum exhorrescit, ne colliquescat in lutum: duritiem ille viscerum emollire panis exilio voluit; teneritudinem hic membrorum solidare potus abstinentia cogitauit: valetudinem ille, si comederet, dilapidabat; hic lutabat si biberet: oderat ille firmitatem corporis, hic amabat: vtrumque deridendum Phantasia spectatoribus propinauit, sed in illum lapides, in hunc lutum, pari scurrilitate coniecit: vterque tandem turpiter cecidit, sed ille, quia impegit in lapidem, hic, quia titubauit in luto. Ita

ne

ne vero? vt tam pudendis rerum ludibrijs pateat nobilissimum, & cœlo natum genus humanum? vt intelligentia, diuina pars animæ, istiusmodi opinionum portentis agatur? vt homo animal admirandum, in quotidiana vitæ consuetudine tam stultè desipiat? & tamen ita plerumque contingit. Diligentes illi valetudinis curatores, imaginatricis insidijs opportuni, morborum laruas, quibus exterreantur, sibi spontè componunt; & sæpissimè non tam ægritudine, quàm ægritudinis opinione torquentur. Hinc suspiciosa illa vitæ ratio, omnia reformidantis: hinc molestissima in ciborum delectu superstitio: hinc iurata cum aëre, ac ventis inimicitia: hinc frequentissimum cum lunæ incrementis, decrementisque commercium: hinc desidiosus otiandi labor; hinc rursus actuosum laborandi otium: hinc denique ancipitis angores vitæ, inter mille opinionum cruciamenta infelicitè fluctuantis. Valetudinem ergo tibi curandam diligenter aio; ita tamen si Phantasia non febricitet, sed arteria: si calore viscera torreantur, non æstuet opinionibus caput: si doloribus cruciari te non suspiceris, ac sentias. Exuenda nimirum peruersa istæc, vel impendentis, vel abstrusæ ægritudinis persuasio, vt animus ad omnia summa fîctus à Deo, & ipsius diuinitatis capax, minuta tuendæ valetu-

dinis sollicitudine defatigatus, in rerum contemplatione, in conquisitione virtutum, in studijs doctrinarum, curis solutus omnibus conquiescat.

Phantasiæ autem spectris ope veritatis elusis, tunc enimvero in corporis valetudine procuranda operam nauiter impendendam, ipsa nos docent humanitatis iura, non adscita, sed insita, non scripta, sed nata. Nec rigidum illud animi in corpus imperium tam inclementer asserendum est, omnem, vt corpori libertatis, & vitæ vsum diuinitus ademptum putemus. appelletur illud quidem à sapientibus carcer, spelunca, vinculum, laqueus, sepulchrum animæ; nam apostolica sententia Dei templum est, inquit Aphro-
rum doctissimus Tertullianus. Nec sine corporis præsidio vim suam, quantumuis è cælo hauistam, exerere potest anima, dum adhuc peregrinatur, quoniam potestas animæ vno voluntatis termino definitur; agere verò corporis ministerio continetur, vt docet Clemens Alexandrinus. Elegantissimè in hoc mortalis vitæ stadio à Platone alicubi describitur aurigatio; verùm in illa nunquam currus moderatricem animam cogitatione requires, quin tibi statim currus ipse, hoc est corpus, incurrat in oculos: cuius ab societate si diuelli se, ac distrāhi anima patiat, quem-

Lib. de Anima.

Stromat.
lib. 2.

admodum dissiliente curru prostermitur agitator, ita illa, in medio, quasi cursu mortalitatis deiecta in alium erumpit orbem, corporis tamen sui coniunctionem præstolatura. Vnio quidem est anima, & specie pulcherrimus, & pretio admirabilis, omnibus Cleopatæ profusionibus maior; verum ostreato regitur corporis inuolucro, quod illi ad tutelam scilicet Plato, atque ex Platone Nazianzenus composuere. Quod si hominem ideò conditum à Deo viri sapientia pariter, atque sanctimonia inclyti prodidere, ut in conditoris obsequium semper intentus, illius laudes voce simul, ac moribus modulatè concineret; quo illum artificio tanto muneri pari natura donauit? quibus modulationis characteribus erudiuit? quo musico locupletauit instrumento? Nam Academicorum illam à Pythagoreis profeminatam harmoniam animæ, ut fabulis aniliter implicatam, hoc loco non moror. Et tubam quidem Etruscos, Arcades fistulam, Cretenses lyram, tibiam Lacedæmonios, cornu Thraces, tympanum Ægyptios, Arabes cymbalum in musicis adhibuisse, discimus ab antiquis. Verum anima his omnibus destituta quid agat? O tuam in arte musica diuinitatem! Dauid Regum Poëta, Poëtarum Rex: *Laudate*, inquit, *psal. 150.*
eum in chordis, & Organo: in quem locum ad

Plato in
Phædro, &
ex illo Gre-
gor. Na-
zianz.

De qua Pla-
tarc. Clega.
Alex lib. 2
Pædagogi
cap. 4.

Lib. 1. Pæ-
dagogi. c. 4.

Hilar. in
Psal. 143.
Ambros. de
Bono Mor-
tis.

Plat. in rim.

rem, de qua disputo, satis accommodatè præ-
clarus rectè sentiendi artifex, & magni magister
Origenis Clemens Alexandrinus: *organum dicitur
corpus nostrum, & chordas eius nervos, per
quos numerosè, & concinnè intenditur*: quam
in Clementis sententiam nobilissimi Latinorum
Patres Hilarius & Ambrosius concessere. His
ita constitutis seriò nobis aduertendum est, cor-
pus animæ socium, atque administrum, sine ani-
mæ ipsius iniuria negligi, nedum labefactari non
posse. Vtriusque igitur sanitati diligentius immin-
nendum, vt alternis ad virtutem operis studiosè
conspirent, viresque non distrahant, quas ad be-
nè beatèque viuendum natura in nobis consen-
tientes esse voluit, atque conflatas. Docuit id
luculenta sane disputatione in Timæo Plato; qui
vbi pluribus de mutua corporis animæque tem-
peratione dixisset, atque ex ea integram totius
hominis pulchritudinem efflorescere pronun-
tiasset: *vna demum est, ait, ad utrumque salus
& conseruatio, vt neque animam sine corpore,
neque corpus absque anima moueamus: vt mu-
tua contentione, ex aequatis inuicem viribus
insurgentia, bonam totius valetudinem tuean-
tur*: Quotiescumque igitur tuendæ sanitatis sol-
licitudo nos vellicat, animam subito consula-
mus; quæ si à conquisitione virtutis, à bonarum

artium studijs, à necessarijs Reipublicæ curis, à mentis tranquillitate, auocari se istiusmodi diligentia, industriaque non sentiet, tunc enim uero naturæ beneficijs utamur licet, & corporis valetudinem reponamus in lucro. Immo uero si nimium sibi indulgens anima, & contubernalis oblita, in corporis ægritudine valetudinem videbitur posuisse: si perpetua rerum contemplatione cerebrum fluoribus inundabit, caput vertigine circumuoluet, defectum calore stomachum conficiendo cibo imparem reddet: si spiritibus continenti defatigatione vanescentibus totius corporis robur elidet: si sanguine venas exhauriet; si pallore, ac macie membra conficiet: si denique vitam è vitæ sedibus expellere, resolutis labore viribus meditabitur; tunc animam opportunè corpus admoneat, & ad mitiora amicæ societatis officia, queribunda oratione traducat.

Quid miserū excrucias, ingrata o corporis hostis?

Quidue inbes victū succubuisse malis? [per-

Scilicet ut dubio semper casura subictu

Æstuet ancipiti vita trahenda metu?

Semper ut immeritis angoribus agra labascet,

Et gemat infaustas flebilis ire dies?

Ergo nulla potes monumenta inscribere chartis,

Ni calamo è lasso corpore sudor eat?

Corpus pro anima alloquitur. S. Bernard. serm. 6. de Adventu Domini. Animā vero corpus alloquitur apud eundem serm. 25. in Cant.

*Ergo tibi nostro vigilabit sanguine lampas,
Dum tua nocturnus proucoat orsa labor?
Sic tibi, sic nostro placet emptæ dolore voluptas?
Sic placet attritis artubus agra salus?
Vt leuis aternas scruteris in æthere causas,
Me grauis afflictum sarcina sternet humi?
Parce tuo tandē hospitio, parce hospita: tanti est
Corpus vulneribus non perijisse tuis.
Non ego te patrijs inhiantem demoror astris;
Non tibi delicj's obstruo laudis iter;
Immatura queror tristis dispendia vita
Dum iaceo, & viuens funera lenta traho.
Cernis ut agrescens, durisque obnoxia morbis
Palpitat assiduo verberè tunsa salus?
Cernis, ut exesos tabes depascitur artus?
Cernis ut inficiat luridus ora color?
Tu mihi, tu tantos, ô hospes inhospita, luctus
Congeris, in morbos officiosa meos.*

His autem querimonijs si contumax, adhuc anima, nihil de sua in corpus acerbitate remittat, sed crebris illud morborum motiunculis, ac tentamentiſ exerceat, vnum hoc solatiij genus adhibeamus in loco, quod asperum egritudinis morsum lenire possit. Robusta nimirum, & solida corporis firmitas, aduersus egritudinis impetum obdurata, vel Athletis, vel ijs plerumque contingit, quibus in agris subigendis, atque in vectan-

dis oneribus laboriosè desudandum est : ingeniosos autem veræque sapientiæ mancipatos, exercitatus decet vultus, atque ipso pallore decentior. ille ille funestus in ore cineris color, altè subiectos virtutis igniculos in corde denuntiat: debilitas illa membrorum, robur arguit in disciplinarum studio inconcussum, & constans: illa genarum macies vegetos animi sensus ostendit, & sibi demum ferè semper ex æquo respondent gracilitas corporis, & acumen ingenij. His addatur, non omnem statim ægritudinem calamitosam esse; cùm vberrimos sapientiæ fructus in animis aliquando pepererit, quos prosperæ valetudinis illecebræ corrupissent. Iouem memorant fabulæ Poëtarum tanto capitis dolore correptum, vt penè prolapsus in rabiem, opinionem diuinitatis exuerit. cùm autem nullo medicorum artificio molliri potuisset dolor, Vulcanus morbi radices exscindendas arbitratus, Iouem securi percussit decollauit autem? minimè gentium; sed Lucinæ artibus abusus è medio vulnere Palladem Sapientiæ parentē, sed filiam doloris extraxit. O quoties dum ægritudine sæuiente, miseri nobis, languentesque videmur, virtutum, atque sapientiæ semina in animis concepta diuinitus, in partum, morbis obstetricantibus erumpunt! cùm æternum sit æternæ

veritatis oraculum , *Vexatio dat intellectum.*
Valetudinis ergo beneficium si nobis integrum
natura, illibatumque concefferit magnitudinem
muneris amplectamur, liberalitatem muneran-
tis exosculemur. Sin verò assiduus titubantem
motiunculis, & semper ambiguam sanitatem
commodarit, nulla nobis vox excidat impru-
dentibus, quæ imbecillitatem animi fateatur;
sed generosè dicamus, Vide quid actum mecum
velis Natura: vitā, qua me iam pridem uti com-
modatò voluisti, ita custodio, ut si vel hodie de-
positum repetas, præsto sit. interim verò si fœno-
ris loco morbos, ægritudinesque reposcis, bonæ
fidei debitorem nacta es Domina. ubi torqueri
me sensero, tunc vel te iudice absolui fidē meam
iucundissimè reminiscar. Vectigalem me tibi
ab ipso vitæ primordio constituit Deus: tributi
partem; quam hodie imperas, ægritudine libens
repræsentō; omnia æquo daturus animo, cū
diuinis citatus libellis, ad præstitutam exactæ
vitæ diem, vadimonium, quod promiseram, si-
stam. Nec te in sæuitiæ suspensionem voto, quod
corpus morbo deteritur. Esset hæc nimium feli-
cis animi querimonia, aut veriores calamitates
consultò dissimulantis. Nemo vnquam de solis
occasu conqueritur, nisi cuius menti prius, quàm
oculis exceptus est sol. Ægrotare hominibus lex
est

est non iniuria, non minus quàm soli occidere,
 & rursus oriri: nam morbos corpori conciliat
 mortalitatis tenor, non irrogat fortunæ crudeli-
 tas. Potiores alit mœroris causas malè constitu-
 tus animus, quàm corpus doloribus contabef-
 cens; in hoc enim humanitatis necessitatem fe-
 rimus, in illo vitiorum licentiam detestamur. Et
 sane si datur optio, & si ægritudinis pretio ven-
 lis est virtus, habes, ô Domina, in quem vniuer-
 sos morborum thesauros effundas. Tunc me ve-
 rè sanum, valentemque iudicabo, cum Valetu-
 dinis iactura patrimonium redimam virtutis, &
 doctrinarum.

*Triplici timoris gladio triplex constantia
 clypeus, imminentibus iam feris
 astutus, obiectus.*

PROLVSIO OCTAVA.

LVctuosa Italiæ facies, vario iam pridem ca-
 lamitatum genere deformata N. N. tam
 vehementi omnium animos commiseratione
 percellit, vt in hanc etiam sapientiæ serenitatem
 mœroris nubes non insipienter inuehere, & la-
 crimarum potius, quàm eloquentiæ fontes deri-
 uare iam possim. Atrox nimirum grassatur ali-

Q

cubi pestilentia, & vrbes ciuibus exhaustas, pa-
uore, luctu, cadaueribus implet; miserabili, vt
videris fortunæ ludibrio, quæ frequentiam no-
bis obtrudit, omni solitudine tetriorem. Bellum
alibi debacchatur; & licet ambigamus, quò tan-
dem eruptura tempestas sit, multorū odijs, iniu-
rijsque conflata; excitos interim furentes discor-
diarum turbines non ambigimus; & sub incerto
Martis exitu certissimas populorū clades, in futu-
ri meditatione belli præsentē vrbium perniciem,
non diuinamus, at querimus. Vsq̃ue adeo mor-
alium metūdamna ipsa præuertunt, & properata
fatorū licentiā prius fulmine afflamur ad cēdem,
quàm tonitru excitemur ad fugam. Quòd si mi-
seram hāc humani generis conditionē pertæsos,
Chaldæorum nos chartæ, lineis, punctis que vē-
xatæ ad cœlum rapiunt; quæ horroris scena, quæ
vena terroris, stellis exitium propinantibus ape-
ritur? vt cœlum hodie sidereum esse non possit,
nisi siderata sit tellus; funestæ nimirum mathe-
maticorum voces vndēquaque circumsonant;
viriatum iubar astrorum, nihil nisi violentum,
ac ferox in sideribus legi deterrimum cum Marte
Saturnum in humani generis stragem vltimam
conspirasse, cœlum non tam stellis illustre, quàm
crinitis armatum, ac minax petere summorum
principum capita, rerum publicarum euerfio-

nes, regnorum occasus, fanda, atque infanda, ut inquit ille, portendere. Quid multa? ipse siderum moderator, & princeps sol in nos paulò ante peccauit, dum deliquit in cœlo; & perinde quasi mortalitatis nostræ tragœdia lugubre theatrum posceret, atque pullatum: primarum ipse partium actor atratus processit in publicum, non deplorator suæ, sed nostræ prænunciator calamitatis. Verùm dum nimis fortasse diligenter tria hæc capita humanæ fœlicitatis inimica commemoro, ærumnarum fabricator potius, quàm narrator, nã ego communem omnium consternationem nouis onero fortunæ flagitijs, declamator, vel hoc nomine male sanus, quòd inauspicato dicendi genere auditorum animos inani denunciatione sollicito. faceffat hinc igitur primum ambitiosa, & tragicè feralis natio Chaldæorum, quæ dum malè sibi nota mortalibus fata dispensat, innocenti mortalium credulitati venalis imponit, & alieno periculo propriam metiri solita securitatem, stellarum æurum, quòd cernit, suæ cupiditati reseruat; malignitatem, quam fingit, oracula sciscitantibus liberaliter elargitur. Genus hominum maioribus nunquam plebis imperitæ præconijs commendatum quàm cum maximè timetur; nunquam nobilius, quàm cum funestius: quòd in sanguinis

eluuione tam feliciter, aut natat, aut nauigat, vt appellat ad portum: inter cadauerum aggeres tam beatè triumphat, ac vincit, vt immortalitatem speret; idque non lubricæ artis beneficio, sed artificum veneficio subdolorum, quibus humani generis inertia, diuinitatis auida, diuinationis ignara seruiliter ancillatur. Vsq̃ue adeò ne in hac officina calamitatum (quam vitæ nomine decepta mortalitas appellauit) tranquillè, nullisq̃ue obnoxij malis viuimus, vt latentia in cœlo dolorum semina, stellis facem præcuntibus perscrutemur? tam longè scilicet mœroris alimentalibet accersere? Morbos, ærumnas, interitus, peregrinas videlicet merces, nec nobis notas, inde vsq̃ue à fideribus in orbem nostrum, infaniæ vectatione transferimus? ita ne miseri sumus ante miseriam & ita in nòs animi perturbationes armamus, & timoris, atque cupiditatum satellitio cincti diem cœlo dicimus, vt à stellis, aut obsequium extorqueamus, aut minas? Ite, ite mortales credulum genus, & in omnem proteruiam obduratum; ite diuinatricibus impostorum illecebris irretiti; & dum oculos in cœli scenam ex arte conijcitis, Dracones tantum, Scorpiones, Oriones, Vrsas, & si qua sunt alia cœli signa specie formidanda, in perniciem vertite, vt tum primum miserabiles esse desinatis, cum

miseri fieri, non fato, sed sponte cæperitis.

Atqui pestilentia gliscit in dies, & imminentem nostris ceruicibus mortem, sine aliquo timore non possumus non timere. Fateor, & cogitationem tam salutarem, in summo salutis discrimine nobis diuinitus iniectam, vehementer gratulor, Auditores. Nec ideo tamen à Romanorum Republica Dictatorem reposco, qui ad expiandam Italiam clauum figat; nec Thaletis Cretensis excantationes modulis attemperatas, ad abigendam lucin à Lacedæmonijs expecto. Vos ipsos interrogo, Viri illustrissimi, fidem vniuscuiusque vestrum, sapientiam, grauitatem candorem appello. an non fatidica vox illa Romani fidicinis fuit,

*Inter spem, curamque timores inter, & iras
Omnem crede diem tibi diluxisse supremum?
an non ex tripode monitum aureum,*

— ille potens sui

Latusque deget, cui licet in diem

• *Dixisse vixi: cras vel atra*

Nube polum Pater occupato

— Vel sole puro?

At porticum redolet hæc oratio, inquit non nemo, & talos nobis ex ære fabrefactos à Vulcano, aut Lapitarum Reges Cæneos, Neptuni beneficio nullis vulneribus obnoxios obrudit. Ze-

nonias illas animas, Cleanthæ isthæc simula-
cra veriùs, quàm homines accersamur; quia tam
solidæ, ac robustæ philosophiæ cruditatem præ-
sentium morum teneritudo non concoquit. Ve-
rùm ego Epicuri de schola prodeuntem Hora-
tium, vnguentis delibutum, vino madidum,
delicijs enervatum, voluptatibus marcidum, in
Stoicorum castris, omnium stultissimus ante
non videram. Age igitur; & quoniam philoso-
phantum placitis congregi tutò non licet, pro-
prio saltem Marte, non quidem cum morbo, sed
cum morbi libeat opinione luctari. Ais nunc
demum, pestilentia sæuiente, mortem à tergo
nobis instare; miseros nunc tandem Italiæ po-
pulos admoneri imbecillitatis humanæ, cum op-
pidorum fortuna per funera designatur; & de
ciuitatum statu libitinario referente cognosci-
mus. At vnde quæso repente in hac mortis pa-
læstra immortalitatis assertor extitisti? quæ te à
communi exitio immunis regio hæctenus in sola
vitæ contemplatione detinuit? nondum caduca
esse mortalium corpora experimento didiceras,
nisi reconditam hanc, incomprehensamque do-
ctrinam, exorta paulo ante pestis inhalasset? in-
terire genus humanum, iub naturæ decretis nes-
ciebas, nisi noua te pestis institutio prima mortis
elementa doceret, viamque nobis sterneret ad

sepulcrum? nunquam hæcenus limen ingressos
 tuum vidisti Pollinctores? nunquam Præficas
 audire te contigit? nunquam è funesta domo,
 quos mors sustulerat, per Vespillones aut San-
 dapilarios extulisti? nullas hæcenus reliquias in
 familiare, aut gentilitium conditorium intulisti?
 At pestilentia veneficio procliuius itur ad mor-
 tem. Falleris. vbi semel lubricam vitæ viam in-
 stiteris, anxius semper, ac præcept in mortem
 ruis. an

—qui freta primus

Senec. in
 Medea.

Rate tam fragili perfida rupit,

Terrasque suas post terga videns,

Animam lenibus credidit auris

longiùs à morte abest, quàm quem pestilentia
 communis turbo corripuit,

Si prope tam Lethũ, quàm prope cernit aquam?

& tamen optimus morum cenfor edicit

I nunc, & ventis animam committe, dolato

Confusus ligno, digitis à morte remotus

Quattuor, aut septem, si sit latissimata da.

An qui martialem in campo mercatur gloriam,
 vulneribus, sanguine, atque ipsa morte venalem,
 ideo tutiorem traducere dicendus est vitam,
 quòd auris pestilentibus non afflatur; si vnus,
 nec maximi explosione tormenti tam celeriter
 occidit, vt mors expectationem, ac metum mor-

tis antecedit ? O te stultè superbum, & humanæ conditionis oblitum, si tum primum mortis vicinitatem perhorrescis, cùm incertus de peste rumor increbuit. an tanto ad vnius homunculi exitium apparatu, tam exquisita molitione credis indigere naturam, vt ex hac mortalitate, sine pestis auxilio, extrudere te non possit ? leuissima, si videbitur, febricula (cuius causas, & alimenta in visceribus tecum ipse circumfers) vitalia pertentabit ; casus te nec cogitantem affliget ad terram ; te fortuitus ruinæ lapsus inopinatò prosterneat ; te venenata è cerebro exsudans repente gutta conficiet ; subitus te pituitæ fluxus gutture, ac faucibus occupatis interimet. Quid multa ? vix passæ succus paulò pertinaciùs faucibus inhærens, Anacreontem absumpsit ; Philemonem risus abstulit ; Homerum dolor extinxit ; Sophoclem gaudium occidit ; & ne seriùs propere videretur mors, Aquilæ alis subuecta ad opprimendum Æschilum aduolauit, & quantos viros, omnique immortalitate dignissimos memorauit ? Ego interim terræ pondus inutile pestilentiam accuso, in eoque salutem meam verti dementissimè credo, vt viuendum mihi sit, si luem effugero ; quæ si tandem supremi fati titulum immærens occupabit, incidisse potius in tempus mortis, quàm ipsam mortem attulisse dicenda

cenda erit. Verùm tanta funerum frequentia, quibus ipsa iam tellus ad sepulchra non sufficit, mirum quantum mortalium animos commouet, atque perstringit. Ita nimirum ingeniosi plerique sumus ad excogitanda supplicia; vt alienis calamitatibus nostras augeri, per summam imprudentiam, reponamus in lucro. Quid populorum cadauera tanquam libitinarius enumeras, dum tibi times? an toties vni tibi pereundum censes, quoties in singulos ciues debacchabitur mors? quàm inhumana hæc est in extremis malis ambitio? quàm peruersè de communi infelicitate pronūcias? quàm regiè, hoc est quàm superbè, ac plenissima inanitatis cura, ad vnum te languores omnium ita pertinere contendis, nullus vt vsquam agat animam, quin te simul agat in crucem? O te stultum prouocatæ calamitatis artificem! ô te calamitosum contumacis fortunæ fabrum! Audi; vt integras planè vrbes ciuibz propemodum innumeris fatum exhauiat, semel tantum tibi moriendum est, etiamsi perire bis velis; nec vltra mortis formidinem execrari pestilentiam debes; nisi si tamen tua magnopere interest, solus ne, an multis cum socijs efferaris. Quod si obstinatiùs adhuc pergis pestilentiam incusare, & florentissimæ quondam Prouinciæ deformationem lamentaris, ad Achil-

lem prouoco, in Troiæ obsidione, non religione minus, quàm bellica virtute, pro Græcorum exercitu nauiter excubantem. Is enim (vt eruditus in paucis Homeri Scholiastes obseruat) cùm foedissima passim lues obsidentes Ilium copias obsideret, vatem Deorum interpretem censuit consulendum, à quo de morbi causis edoctus, Apollinem ritè placandum, diuinoque præsidio incolumitatem militibus restituendā dixit. Atque vtinam à profanis potius Ethnicorū libris, quàm à sacris religionis Christianæ monumentis, iura pietatis ediscere, delicata quorundam ingenia nollent, libentiùs ego Isaia vaticinia vobis audientibus commendarem, dum canora Calcantis nesciocuius deliramenta commemoro; nec factitium, ac iocularè Apollinis numen, sed veram rerum omnium molitricem Diuinitatem, in tanto Italiae discrimine obtestandam consulerem. Verùm quoniam tetra hæc rerum nomina, in vanæ superstitionis caligine à priscis usurpata, tenebras nobis offundere in tam illustri sanctissimæ religionis luce non possunt; liceat mihi profanas literas profitenti, antiquas voces adhibere, quæ mentem nihilominus ad verinumini cultum, obsequiumque traducunt. Siderum igitur minis vel fortiter domitis, vel prudenter elusis; morbi item malignitate,

quâ rationis documentis increpita, quâ diuinæ
opis præsentissimo remedio profligata, de bello,
quod tertium superest mali genus, nobis infe-
stum, formidandumque, quid statuam? Auspi-
catissimo hoc anni tempore, Auditores, & si
vnquam aliàs, hoc certè Iunonio mense certa
nobis spes tranquillitatis affulget. Bellona siqui-
dem, inter communes vetustatis Deos, Martis
vel vxor, vel auriga, vel soror, à sacerdotibus
mense Iunio placabatur. Verùm ad pacem à tru-
culento numine redimendam, per sæuissimos
Mystras humano sanguine litabatur. Sectis nam-
que humeris non alieno, sed suo sanguine Bello-
narius operatur; atque qui crudelibus sacris ini-
tiatur, eiusdem cruoris hauustum, impia religio-
ne propinat. Ecquis tam immaniter pius dete-
stabilem suo sanguine pacem emat, cuius com-
paratione bella ipsa funesta, atque cruenta non
sunt? An tanti est, ne sanguis à militibus pro-
fundatur in campo, sanguinem à sacerdotibus
in templo profundi? vt ab armatis hostium ma-
nibus euadas, in sacros Mystrarum cultros incur-
rere? vt alienam declines crudelitatem, lanie-
nam tuis manibus exercere? sæuire ne sæuias?
vulnerare ne vulneres? Numen quod exoratum
cupis, offendere? pacem, quam votis prouocas,
moribus eiurare? manus, quas in sacris peragen-

dis decet esse purissimas, ipso sacrorum ritu maculare? animos pacis conciliatione molliendos, effusione sanguinis efferare? ergo per scelera viam tibi pandis ad sacra? pietatem inuitas crudelitate? religiones consecras sacrilegio? per vulnera sacerdotis sacrificium auspicaris? ergo immanitatem, quam auersaris, in castris ad templa traducis? sitim humani sanguinis, quam detestaris in milite, requiris in mysta? O præclaram mitissimi numinis sanctitatem! quæ sacrificulum non admittit nisi vulneratum; cuius ara non colitur, nisi humano sanguine coloretur; à qua supplex nullus voti compos reuertitur, nisi parricidiales prius sibi manus intulerit. Ab hac igitur horribili omnis inhumanitatis officina vos auoco, Auditores, & ad petendam pacem in ædem Concordiæ, Liuia præeunte vos ego vel ante cedo, vel subsequor. Augusta etenim solertissima, mutuæ memor charitatis, atque constantiæ, quæ inter ipsam, ac coniugem intercesserat, ædem Concordiæ posuit, quam Tiberius Cæsar more maiorum, hoc ipso Iunio mense (ne omen nostræ felicitati desit) dedicauit. Quo quid excogitari potest ad Reipublicæ vtilitatem accommodatius? limen illud ingressi, pacem ipsam in vota vocantes, ab aris volentem euocabimus, vt loco cedere tantisper velit, & Veneri externo

numini, sed amico, fiduciariam sedem commodare. Mox Lucretij verbis preces concipientes, ita Martis domitricem, atque humani generis custodem affabimur,

*Effice ut interea fera munera militiæ
Per maria, ac terras omnes sopita quiescant:
Nam tu sola potes tranquilla pace iuare
Mortales, quoniam belli fera munera Maiores
Armipotens regit, in gremium qui sapetuum se
Reijcit, aeterno deuinctus vulnere amoris;
Hunc tu Diua tuo recubantem corpore sancto
Circumfusa super, suaues ex ore loquelas
Funde, petens placidâ Romanis inclyta pacem.
Verum si tam calamitosi vel sponte, vel fato sumus, ut in tanta bellorum tempestate Italicæ flos iuuentutis prosternendus sit; si agris imminet vastitas, ciuitatibus solitudo, familijs orbitas, mœror omnibus, singulis dolor; non ideo malis cedendum ingruentibus arbitremur, sed in formidoloso Romanæ Reipublicæ discrimine, ædem Menti consecratam in Capitolio, sexto idus Iunij meminerimus; ut tantorum exemplo procedamus, in communi Italiæ trepitatione, vel hoc mense bonam mentem induamus, & aduersus belli formidinem obduratam. Ita enim de priscis Quiritibus Fastorum concinnator Ouidius,*

Mens quoque numen habet: menti delubra videmus

*Vota, metu belli, perfide Pæne, tui.
 Pene rebellabas, & letho Consul omnes
 Attoniti, Mauras pertimere minas.
 Spē metus expulerat, cum Menti vota Senatus
 Suscipit, & melior protinus illa venit.*

ego verò qui nullas Reipublicæ partes attingo, sed in literario compositus otio ignotus omnibus consenesco, in templum Herculi simul, & Musis exeunte Iunio consecratum, oculos, cogitationemque conuerto; vt inde argumentum, si possim, petam, ad animum belli tumultibus abiectè perculsum, in spem fortunæ melioris erigendum. Quò enim, oro vos, pertinet non minus insperata, quàm tuta Musarum Herculisque societas, vt eodem colantur templo, arisque communibus adorentur? Quid Herculi commune cum Musis? an ferox ille monstrorum dominitor in cælum contumax, atque ipsis inferis metuendus, cum puellis sexu pavidis, ætate mollibus, ingenio festiuis, consuetudine delicatis pacatè versabitur? lustra ille ferarum scrutatur omnia, vt monstrorum sanguine purpuram sibi imbuat ad triumphum; hæ nemora curiosè perlustrant, vt fontium amœnitate ingenia Poëtarum ad elegantiam irrorent: ille filuas clamoribus sollicitat, vt è specubus abactas interimat belluas; hæ colles carminibus demulcent, vt vir-

tutis' affeclas immortalitati redonent : peregrinatur ille truculentus, ac minax', & vbique terroris vestigia cupit impressa; vagantur hæ alacres, & ludibundæ, & noua semper lætitiæ argumenta suppeditant. Cur ergo tam discrepantia inter se numina, vnico templo, eademque ara vetustas copulauit? An quia Euandrum literas Hercules docuit, vt Plutarchus opinatur? an potius quia idem cum Apolline probatur Musarum Deo, vt ex Macrobio, atque Porphyrio pluribus docet eruditissimus ætatis nostræ criticus Aleander? ego sane Eumenium nobilem Rethorem arbitror audiendum. Is ergo in oratione, quam habuit, de Scholis instaurandis ad Galliæ Præsidem, admirabilem huius conjunctionis causam eò potissimum refert, vt optimè Musis cum Hercule conuenire his verbis fateatur, quia mutuis præmijs, & operis iuuari, ornarique deberent Musarum quies defensione Herculis, virtus Herculis voce Musarū. Quoniā igitur extorquere è furentium militum manibus arma nō possumus, & mutua profundēdi sanguinis sitis ferociter æstuat, illud saltē acerbum solatij genus mihi ab Italiæ cladibus hauriendum statuo, vt Musæ Herculem comitentur. Infestis ergo populationibus, quando superis ita visum est, deuastentur agri; Equitum, peditumque discurs-

fu iamjam matura messis proteratur; extremum suppliciorum fames inclusos muris populos, lenta, quasi tabe conficiat; verberata tormentis mœnia miserabili ruina prodant arces, cruentis hostibus occupandas; omnia cæde, promiscuoque flagitio misceantur: ego interim in Literis abditus, arma, quæ retundere auctoritate non possum, stilo acuam: sanguinem chartis excipiam; explorabo calamo vulnera; iura bellorum, decreta bellantium, victorum decora, trophæa victoriarum, omnia denique referam in annales; quæ tamen ne referri vnquam ab vlllo possent vehementer optâssem. Hanc ego operam Musarum nomine Herculi, pro virium tenuitate locabo. Ille vicissim, quam vberem, vti nam non lugubrem, scribendi segetem suppedabit? quàm præclarè sudoribus militum, ô ne etiam sanguine, ingenium irrigabit? quàm opportunè funestus armorum fulgor mentis aciem hebescentis exacuet? inconditus ille pereuntium clamor, quàm aptè scribentis animum excitabit? vt ergo fructuosius instituti mei rationem persequar, atque pacatiùs, æstiuas ferias Auditoribus indico; & quoniam Bellonam placare sanguine paulò ante recusavi, Pausum præstantem pollentemque in Latio genium, Bellonæ à priscis oppositum libuit aduocare. Quod
fi

fi Sabīnorum Vacuna, quæ otiosis, atque vacantibus præponebatur, desidiosum numen, inertiaque plenissimum vobis videbitur, eandem tamen victoriæ nomine nuncupatam cogitate; intelligetis otio vigorem excitari, nec inconsultam doctissimi poëtæ fuisse sententiam.

— *Vires instigat, alitque
Tempestiua quies, maior post otia virtus.*

*Frustra mortalium vitijꝝ excusationes
obtendi.*

PROLUSIO NONA.

EA est humanæ mentis contumacia, N. N. ut cum luculento veritatis lumine circumfusa spontè cæcutiat, tenebras tamen suas vel sole teste clarissimas, ne fateri videatur, excuset. Neque hic ego longius aberrabo, ut in retrusis disciplinarum adytis orationis meæ firmamenta conquiram, cum apertior res sit, quam ut reconditis rationum momentis indigeat. Immo quoniam superioribus mēſibus causa mihi cum Medicis intercessit, præteriti tantisper refricabo memoriam temporis, & quæ in rem, de qua disputo, iam tum animo altiùs insedere, in ipso statim vestibulo prolusionis effutiam. Leui nes-

cio quis peregrini caloris motiuncula, quasi primo febris tentamento vellicatur, cum statim de ægritudinis causa curiosa amicorum beneuolentia instituit quæstionem. Negat æger mali aliquid timendum sibi, inter meditata frugalitatis, & temperantiæ diligenter innutrito. Febrem enim de vulturum genere, nisi quod opiparè depascatur, in visceribus, ac venis inuenierit, protinus auolare: æstu proinde tangi se, non torqueri; aduentitio quidem illo, sed non tabifico; quique vel ætatis calore, vel defatigatione corporis immodica, vel inclementia tempestatis excanduit. Hoc vnum denique scire se, febrem non esse, egregiè: iam sanus es: optimè iam sibi constat arteria excusationibus tuis; Æsculapio Gallum voue, occultis alius doloribus confoditur; turpissimis maculosa pustulis intumescit cutis; comam, barbamque & fortasse primam, non detonsam, vt olim, vel cū Nerōne Capitolio, vel cum Atheniensibus, & Romanis Apollini libat; sed per fœdam capitis iniuriam, ita diffluere viuens, ac videns ingemiscit, vt ne pilum quidem boni viri sibi relictum esse meritò conqueratur. Nec propterea tamen exoticas ex India merces, Neapoli quondam humanæ vitæ precio comparatas à Gallis, alióque transuectas nouit; sed cum luna rixatur. Malignum scilicet

cæli sidus, & sagarum excantationibus, quàm
Mystrarum sacris opportunius, fluoribus corpus
continenter inundat; quorum sale non ad æter-
nitatem corpora condiuntur, sed vita corrodi-
tur ad interitum. Ingeniosè; Indicum lignum,
quo sanctè contundendus eras, ad sudorem lar-
giùs exprimendum feliciter declinasti; pretio-
sam hydrargyri pestem naturæ ingenio fuga-
cem, sed Medicorum genio medullis infigen-
dam intimis euitasti. Felix euentus te bonus,
voti reum, cum patera, spica, & papauere pre-
stolatur. Pedes alicui dolent, & articuli pun-
ctiunculis feriuntur; adhuc tamen, vt ait ad Lu-
cilium Seneca, dissimulamus, & aut talum ex-
torfisse nos dicimus, aut in exercitatione aliqua
laborasse. Dum inauspicatum podagræ nomen,
pedibus licet altè defixis, effugiam, quodlibet
morbi genus comminiscantur Medici, in eo-
rum sententiam si pedarius ire non potero, im-
pelli me trusatilem patiar. Vsq̃ue adeo excusa-
tiones amamus, vt addictum supplicio corpus,
ne morbi confessione conualescat, excusatione
prodamus. Sed quorsum hæc, dicet aliquis? an
vt operam otiosis ambagibus ludas, expectatio-
ni tam honorificæ concionis illudis? Apage in-
consultam de aliena moderatione sententiam,
circumfusæ coronæ maiestatem veneror, quam

qui maximè; nec temerè de triuio literatorum
in suggestum abreptus, plebis eruditæ cachinnis
locauit linguam, eloquentiam commodauit, im-
mo, vt semel omnia vnico verbo concludam,
Stoicum ago non Cynicum. Nā per Deum im-
mortalem, quæ humani generis calamitas, qua-
cumque doloris significatione funestior, ita ad
omnem virtutis sensum mortalium animos he-
betauit, vt cū in corporis morbis ægritudinis
vis sæuius irritata Medicinam extorqueat ab in-
uito, in animis vitiorum tabe quodammodo
obstupefactis, ipsum etiam desiderium sanitatis
emarceat, nec vna, vel leuis culpæ professio ab
ægro possit extundi? Nimirum si calor infusus
in venas præcordia inclementius torreat, arte-
riamque incondito, ac subsultanti motu con-
cutiat, febrem profectò durus ille, ac perpeffi-
tius, apertè fatebitur, & morbi excusatione se-
posita, Machaones omnes, omnes Podalirios vo-
cabit in vota. Qui catarrhales insulsiuissimè cau-
sabatur, si lacertorum, genuumque iuncturas
dolore distrahi senserit, ac propemodum dissili-
re; non secus atque si in equuleo tortus, aut fu-
ne pensilis cum Æaco suo de veritate dissereret,
venereas tandem flammæ, ad quas planè deco-
xit, hypocausti domabit incendio, vt excoquat
vitium sanitatis: lupam verò, non altricem illam

Romuli, Remique, sed perniciem suam , acerbissimo conuiciorū aculeo compellet in lustra. Lepidus autem podagricus domesticis fractus compedibus, atque imminens libertati non fatebitur modò, clamoribus morbum, sed vel in nouitio balneo , quod nuper ad spem mortaliū ludificandam erupit in vicinia , expiscabitur valetudinem; vt quasi medicatis Medeæ liquoribus recoctus; de repente prodeat non è pyra, sed è balneo Phoenix. Solus animus, quia infelicitatem non agnoscit infelix, morbis libenter adulatur suis; atque ægritudinis causas accersitæ veneno excusationis proteruè pascit, ne obuiæ virtutis beneficio gloriosè depascat. Flagitia fateri piget, quæ non pudet admittere; alia omnia præteximus culpæ, quam quæ culpæ nomine censeantur, & in ipsa professione vitiorum lingua virtutem crepat; iustissimis autem consciæ mentis verberibus, aduersusque animus iam occaluit, vnicum illud munimentigenus in promptu est, excusatio. Hoc igitur lamentari libet, si per vos licet, hoc agendum hodierna dissertatione suscepi, vt persona vitij detracta, suis quæque nominibus appellentur. Quorsum autem inexpectatum, & fortasse, vt quibusdam videbitur, lubricum euadat argumentum, manifestius sub finem prolusionis intelligetis.

Nobile fratrum, ex lapcto, atque Asia par
 erudita fabulatur antiquitas ad efformandos ex
 argilla homines industriam contulisse. Et Pro-
 metheum quidem (vt potè qui omnia providè
 circumspiceret) multum de cœlo, quod limo
 suo permisceret, hausisse: Epimetheum autem
 vecordi artificio plastem, statuas effinxisse sine
 vlllo cœli spiritu, inertes, ac brutas, hoc est lu-
 tum merum: hinc egregiè cecinit Claudianus.

Claud. lib.
 2. in Eutrop.

*Hi longè ventura notant, dubijsque parati
 Casibus, occurrunt fabro meliore politi,
 Deteriore luto prauus quos condidit auctor,
 Et nihil atherci sparsit per membra vigoris,
 Hi pecudum ritu non impendentia vitant,
 Nec res ante vident; accepta clade queruntur,
 Et sero transacta gemunt.*

In tanto laboris sui verè fictilis infortunio, hoc
 vnum ad calamitatis leuamentum commentus
 est Epimetheus; quærelas, & excusationem, vno
 veluti Castorum ouo procreauit; vt si minus
 præcoci consilio mala posset auertere dum im-
 pendent, admissa posthumis saltem vel quæri-
 moniis desleret, vel excusationibus obuclaret.
 Præclarè atque pro ingenio Poëtarum etiam di-
 uinè. Intelligebant videlicet inconsultam im-
 prudentiæ prolem excusationem esse: cuius
 apud sapientes tam præpostera vis est, atque

præstantia, vt adscito mendacij pondere culpam premat, quam susceperat eleuandam. Verùm vt hæc à Poëtis dicantur idoneè, nos tamen in sacrosanctæ luce Religionis diuino beneficio innutritos, fabulosa isthæc vetustatis deliramenta, in re præsertim grauissima, detestari par est. Mallè siquidem ominata excusationis natalia longè aliò referenda esse, sacra nos litera docuerunt.

Non hîc ego fidem vestram calamitosæ nomine posteritatis imploro, ô Sanctissimæ, & cœlo dudum receptæ primorum Parentum animæ! non luculentum ærumnarum omnium patrimonium, per maiorum manus ad hæc vsque tempora transmissum quæror: felicitatem vestram tot à vobis sudoribus redemptam, tot lacrymis comparatam, tam diuturno laboriosæ vitæ negotio partam, non ego humani generis mœrore interturbare, si possim, velim. Illud vnum ad iustissimum mortalitatis solatium mihi per vos liceat commemorare. Excusationem virtutum pestem, si non exortam à vobis, in primæuo tamen deliciarum horto, vestri criminis fatu profeminatam, parietariam veluti herbam in mortalium animos clanculum irrepsisse, in quibus quotidie mirabili dicam, an miserabili fœcunditate repullulat. Et sane ita se res habet, Auditores, in prima illa huius Vniuersitatis in-

De excusa-
tione Adam
vide S. Au-
gust. lib. 14.
cap. 14. de
Civitate Dei
& in eum
locum Coc-
queum.

fantia, & regnantis innocentiae saeculo verè au-
reo, diuinitatis desiderio tacta mulier, venenum
viro luctuosa humanitate propinauit. Vterque
igitur prima, sed graui se culpa perduellionis im-
plicuit; neuter tamen scelus profiteri ausus, ex-
cusationem potius obtendit, illa serpentis calli-
ditatem, hic vxoris lenocinium, tam infeliciter
vterque, quàm falsò; sed nimirum qui nudita-
tem corporis frondis integumento velauerant,
animi flagitium excusationis inuolucro tegebāt;
vtrobique stultissimè frons etenim, & momen-
to temporis exarescens, & ad indumentum an-
gusta, caduca, & ludicra amissi pudoris excusa-
tio est: contra autem excusatio neque sceleris par,
nec idonea veritati, frons erat verè ficulnea,
vnico increpantis Dei spiritu longè difflanda.
Vtrumque nominis sui suauitate dignissimus
coniunxit Ambrosius. *Iacit enim contra se fo-*
lia, inquit, *qui culpam velare desiderans, aut*
Diabolum delicti memorat authorem, aut car-
nis pratendit illecebras, aut alium quempiam
persuasorem prodit erroris. Ex duplici hoc ve-
luti fonte mali Dæmonis fraude corrupto, non
è quatuor Paradisi fluminibus, vniuersa excu-
sationum pestis mortalium animos occupauit.
Et quoniam licet eò Parentum vterque colli-
maret, omnem vt à se suspicionem sceleris amo-
ueret,

ueret, diuersam tamen viam excusationis ingressi sunt ambo; hinc factum arbitror, vt non promiscua ad excusanda vitia excogitentur apud omnes argumenta. Adamus enim in Deum ipsum sceleris sui culpam regerere cupiebat, *Mulier, quam dedisti mihi sociam, dedit mihi de ligno, & comedi.* Genes. cap. 3. Mulier autem deceptoris exitio imminens, illum potiùs criminis postulauit, *serpens decepit me.* Ibid.

Et Adam itas sane quam plurimos, in cæca priscæ superstitionis caligine, vel ipsa veterum monumenta detestantur, styloque confodiunt. qui omni criminum immanitate cooperti, excusationem à Deorum sceleribus repetebant. Has autem faces tam flagitiosas, atque impias, vanissima Poëtarum flabella ventilarunt, vt meritò Romanus Stoicus queratur alicubi Poëtarum furore, ac fabulis humanis erroribus alimenta comparari. Fœdo libidinum æstu abreptus Clodius, aut Mamurra, qua licet, qua non licet pudicitiae bellum indixerat; integritatis iura omnia violarat, omnem castimoniam polluerat sanctitatem, alieni prædator corporis, prodigus sui formæ custos, famæ decoctor? Ecce tibi ad excusationem Iupiter, quàm cygnea vocis modulatione acerbis obiurgantium iras demulcens; quàm taurinis vim legum, morumque cornibus

infringens; quàm pluuio in turrim auro, rigidam naturæ toruitatem in censoribus redimens: imo potius ad flagitij mercedem auro stellas ipsas exhauriens, vt pretiosa in posterum scelera, non magis voluptatum illecebris, quàm auri lenocinio mortalium animos inescarent; nec vlli gratuito staret improbitas. Expilare Siciliam Verres; lenoniam exercere vel Plautinus Cappadox, vel Terentianus Dauus, sine dignitatis iactura cupiebat? Excusationem suppeditat Mercurius, furum ductor, lenonum doctor. hic immaturæ adhuc infantia, sed adultæ improbitatis puer; ætatula ad furandum gestiente, è fumosa Vulcani officina malleum, forficemque subtraxit; credo ne ad fures exterrendos fulmen Ioui cuderet faber: patris verò voluptatibus ancillatus, non falsum modò Amphitruonem falsus Sofia comitabatur, sed iuuenculam centum Argi luminibus vigilatam auertit, insatiabili errantique Iouis sui libidini, hoc est sanctissimo numini scilicet, immolandam. Dormituriens nescioquis, ac semisomnis de Colophoniorum gente, iuratus orientis, occidentisque solis inimicus, noctes, diesque vno somni vinculo colligabat? sed duas etiam noctes, ait, præclarè Hieronymus, Iupiter copulauit, vt magnæ fortitudinis Hercules nasceretur. Ita ne verò? Eò im-

pu^dentia^e, infania^eque processimus, vt sceleribus è coelo & patrocinium petatur, & concilietur auctoritas? tua tibi crimina satis execranda non sunt, nisi Deos ipsos in eorum societatem voces? flagitiosus esse non potes nisi tecum sit scelerata diuinitas? ita ne sceditates tuas Deorum exemplo consecras, vt Deorum sanctimoniam tuis moribus scedes? innocentiam tibi tueri non licet, nisi detegas numinum turpitudines? hoc vno humana probitas nititur testimonio, si diuina accusetur improbitas? an nouo atque illo immani crimine reliquorum constabit impunitas criminum? an scdam nominis labem infamia numinis redimes? hoc vnum ergo decrat, ad acuendas mortalium cupiditates, vt Deorum exemplo erudirentur ad scelus? non satis in hominum membris libidines æstuabant, nisi noua, & quidem è cælo delapsa vis flammæ exaggeraret incendium? nulla criminum scditate in terris laborabat. genus humanum, nisi cæli etiam sentinam penitus exhausissent? Verùm hac super re non neminem mihi audire videor arguantem, quid tam multa, & quidem cum stomacho aduersus mortalium excusationes, superuacaneo religionis studio congeruntur, si diuinitatem iocularem illam, atque factitiã, non veram, sanctamque traducunt? licuerit olim

minicum verè cælum contumelijs onerare; quando Deorum plerique emptam flagitio diuinitatem, flagitio distrahebant: & ne per inanem apothecosim cælo donati, feriari à vitijs cogerentur, inhumanas humanorum scelerum colonias in cælum prouidè transcripsere: ne autem solitariè, atque ab hominum conspectu subduti verecundiùs, sanctiùsque peccarent, in extremo celi ambitu, Aquarios, Vrsas, Aurigas, Aquilas, Olores, & mille huiusmodi fœdissimarum monumenta libidinum, sidereo scilicet charactere descripta voluerunt: vt inde tanquam è pensili, ad artis professionem, argumento, proflare in cælo vitia omnia, mortalium imitatione venalia disceremus; cælumque nihil aliud esse, quàm turpitudinum officinam. At nos puram, & illibatam veri numinis maiestatem omni sanctimonia sanctiorem adoramus: si quid autem humani accidat, vt homines sumus, à virorum virtute præstantium moribus vitæ documenta mutuamur. Audio; nam & olim in hanc sententiam tibi præiuit Ambrosius: *Et de scripturis diuinis frequenter ponit exempla, quibus iustos in culpam perhibet incidisse dicens, si forte in stupris fuerit deprehensus, Et Abraham cum ancilla concubuit, Et David alienam admauit, Et sibi adsciuit uxorem: Quis ergo ani-*

num iracundia tumentem, & vindictæ cupiditate præferocem, salutari admonitionis suauitate compescet, dum sub Achillis clypeo delirescens, Achillis hastam furiosè contorquet? Nimirum Homericus ille Græcorum Heros, ad Asiæ conflagrationem vltimam educatus impatiens contumeliæ, atque Agamemnoni iuueniliter infensus, & de Ilio exciso victoriam toto decennio distulit, & Græcorum Principum legationes elusit; & gentis suæ calamitates irrisit, donec iracundiæ suæ multo populorum sanguine, & regis ipsius pœnitentia litaretur: ego vero vilissimi capitis iniurias non vlciscar? Ebriosum hominem, & cadum merum, hesternas semper vini fæces inhalantem ad frugalitatem reuocare quî possis, si cum Macedonum rege discumbit, & Alexandro maioribus poculis propinat? an non inclytus ille Regum domitor, terrorque populorum, bibulo quocumque bibacior, vini dulcedine tam sitienter abusus est, vt quem tot itinera, tot prælia, tot hyemes, per quas victa temporum locorumque difficultate transierat, tot flumina ex ignoto cadentia, tot denique maria tutum dimiserant, ad Herculaneum, & fatalem scyphum tanquam ad intemperantiæ scopulos naufragum alliserit temulentia? testis hospitalis mensa carissimi paulo ante capitis cruore.

resperta; cuius sceleris (postquam crapulam edormisset) sibi conscius Rex, mori fortasse voluit, profecto debuerat. quid multa? perfidiam tuetur Annibal, Sylla crudelitatem excusat, ambitioni patrocinator Cæsar, fraudes Lysander defendit, imprudentiæ Crassus adulatur, nulli denique sceleri patronus, & quidem magni nominis deest.

*Fertur Prometheus addere principi
Limo coactus particulam undique
Defectam,*

& vulpis calliditatem, & canis rabiem, & asini tarditatem, & sævitiam tigridis, & pavonis ambitionem,

— & insani leonis

Vim stomacho apposuisse nostro;

atque ita excusationis argumenta mortalibus suppeditasse, ut quoties prolapsus quis in rabiem contumaciùs efferuesceret, canem accusaret inditum sibi: quoties fraudibus circumveniret innocentiam, innatam vulpis astutiam causaretur: in pavonem superbiam, crudelitatem in tigridem, stuporem in asinum; bestias nempe à Prometheus immistas sibi, opportunè reijceret; ipse interim innocens, purusque sceleris haberetur. O simulachrum totius improbitatis collatium! ô ingeniosam in excusationibus concinnandis

infaniam! Vides ne paulatim te à Dijs, decremen-
to mirabili, delapsum ad homines, sat citò ad
bestias degeneri traiectione descendisse? Acci-
pio tamen conditionem, vt libet; vnumque in-
terea paciscor, de quo vbi conuenerit inter nos,
ex condicto transacta res erit. Ais magnorum
virorum exemplis si quid nobis humanæ labis
adhærescit, purgari, atque excusari posse. bene
est: hinc ergo incipe fodes: oculos tibi effodien-
dos præbe: Homerus scilicet oculis captus arca-
na philosophiæ atque pœseos acutiùs vidit om-
nia, quàm vaccam suam centum oculis Argus.
nasum malleolo introrsus deprimi sine, ne ad di-
mensum vultus emineat: Socrates enim præcla-
rus ille Sophistarum arbiter, ac magister, retru-
sa sapientiæ cubilia finis naribus sagaciùs odo-
ratus est, quàm nasutus ille, apud Martialem,
omni Rhinocerote prolixior. Patere ceruicem in
sinistrum humerum ita distorqueri, vt cælum
velis, nolis, aspicias: nam Magnus ille Macedo
obtorto in læuum humerum collo, in cælum
diuinitatis cupiditate violentiùs trahebatur,
quàm Atlas illud irretorta ceruice sustentans.
Linguam exere, si non radicitus extirpandam,
præcidendam saltem ex parte, vt balbus fias:
quoniam naturæ dæmonium Aristoteles inter
frequentes linguæ offensiones elegantius loque-

batur, quàm quiuis è foro rabula sermone humido, ac lapfabundo audientes exurdat. Atque vt omnia vno ictu celerrinè conficias, fabriles aduoca lacertos, qui magno nisu securim in caput impingant: neque enim è Iouis capite, nisi à Vulcano strenuè vulnerato, Pallas emicuit sapientiæ Dea. Intelligis ne peritissimè excusationum fabricator, quàm duros ad imperitiæ lapides vitreum offendant artificium? Intelligis quas veritatis exuuias obiecta impudentiæ nube complectaris, dum veritatem amas Ixion infelix? Virorum exempla præstantium mortalibus diuinitus concessa non nego; sed quæ industriam exacuant, non retundant; amoliantur vitia non excusent. illa ergo vt aliena, curiosè; vt in rem nostram, diligenter; vt admiranda religiosè scrutari decet. Vbi autem tam multa suppetunt argumenta virtutum, ijs per incogitantiam posthabitis, nescio quas famæ labes, ad excusationem criminum, in veterum annalibus contemplari, hominis est cæcitatem suam nuperis solis maculis excusantis: quas tamen maculas tam alta luminis caligine sol obduxit, vt illarum sine tubi præsidio, oculatus quòd aiunt, testis esse non possis.

At nulla in posterum à maioribus excusatio repetatur; an non temporum culpa tam multa peccantur

peccantur in dies, vt plerosque videas non suo, sed sæculi scelere nobilitatos? hinc Hesiodi lacrimæ ferrea se natum ætate, quam ipse sibi finxerat conquerentis: hinc Homerici Nestoris, tunc maxime id agentis, vt Agamemnoni Achillem conciliaret, exacti retro temporis luculenta laudatio, qua Pirithoum, Dryantem, Cæneum, cæterosque duces bello inclytos supra omnem ætatis suæ virtutem extulit; ne Achille quidem, quo cum loquebatur, excepto. hinc senile apud Virgilium Euandri votum, toties repetitum, toties repetendum:

O mihi prateritos referat si Iupiter annos!

Virgil. 8.
Æneid.

Fuit scilicet ætas illa, quam verè heroicam dixeris, tam vberi virtutum omnium prouentu felix, vt vniuscuiusque vita morum disciplina vocari posset; inde præclara illa non tam hominum, quàm sapientiæ nomina, Socrates, Cato, Traſea, in tanta sæculorum vicissitudine hætenus immortalia. Nunc autem, siue quòd effæta iam natura rerum abortire potius, quàm parere consuevit; siue quòd hominum natio corporis viribus iam defecta, senium etiam virtutis admisit, ita plerique viuunt, vt communi, receptaque socordia, omnem aliter viuere cupientis diligentia aditum intercludant. Quî enim solitariam virtutis insistas viam, duum te alio temporum li-

centia nolentem, obnitentemque compellit?
an solus extra turbam inuidiosè sepositus, obso-
letos priscorum mores, atque ipsa dissuetudine
peregrinos infundes in patriam?

*Qui quarit Tatios veteres, durosque Sabinos,
Hic posuit nostram nuper in urbe pedem.*

Romanorum laticlauum, Græcorum palliolum,
purpureas Persarum tunicas, Medorum stolas,
abollas Ægyptiorum ex Taprobana symmata,
nostris hisce temporibus reuocare si velis, ægrè
admodum iridentis conuicia plebeculæ decli-
nabis; & mores tamen priscos tutiùs induere te
posse confidis? Vitam ad sæculi genium, gustum-
que prudenter attemperandam esse, vel indeli-
quido constat, quòd si gloria virtutis eximium
laudare velimus, tanquam ætatis prodigium, &
à nobis penitus alienum, hominem dicimus pro-
bitatis antiquæ, non nostræ. Satin ne sanus es,
qui nugaces has temporum excusationes, errore
publico, ac tralatitio, inter recentia ætatis tuæ
meditamenta connumerat? at si Hesiodi, ac Ho-
meri, ne dum Virgilij sæculo paulò ante adhi-
bitas fatebaris, an non in tempora, quæ ab histo-
ricis heroica nuncupantur, inciderunt, hoc est
sub ipsum Troiani belli exitum, omni græcæ
literaturæ vetustate vetustiore? Quid ergo no-
bis carmen inertissimum, & vanis tot sæculo-

rum vocibus recantatum toties, atque protritum è cortina desidiæ, è tripode leuitatis, nouitium præteritarum rerum oraculum effundis? Verùm cominus quando licet congregiamur. Socratem, Catonem, Traſeam, terreſtria quædam numina, ad cauſæ tuæ firmamentum nominasti. bonum factum: neque enim ab omnibus antiquitatis fastis eximes in rem tuam nomina sanctiora, quibus erudita posteritas reuerenter assurgat. Sed tuo te gladio iugulaſti proterue. In ea siquidem tempora Socratis virtus impegit, in quibus, & Aristophanis petulantiam in theatro, & Xantippes contumelias domi, & Meliti calumnias in foro, & tyrannorum sæuitiam vbi-que; & Atheniensium crudelitatem in carcere, & cicutæ violentiam in poculo, admirabili excelsi, infractique animi constantia testaretur. Egregius autem Cato, certius sapientis viri exemplar, quàm Vlyſſes, & Hercules Pompeium, Cæsarem, Crassumque habuit, quos pro Reipublicæ incolumitate laceſſeret; Lentulum sortitus est, cuius ore improbo inter orandum publicè conſpueretur; cum Vatinius contendit, cui in præturæ petitione poſthabitus, Comitiorum flagitium repulſa probaret; populum paſſus est, cuius furore ſibi detrahi togam, caputque cerneret oris purgamentis aſpergi; pu-

blicos patriæ hostes de Republica iam euerſa triumphantes vidit, è quorum tyrannide, vt ingenuus auolaret, animam ſibi manibus extraxit in libertatem. Et ad Catoniana tamen, aut Socratica tempora prouocas infane? ſed nondum conſectares eſt: neque enim prætereundus eſt Traſea. Fuit in rerum adminiſtratione tam iuſtus, tenaxque propoſiti, vt elogium admiratione virtutis extorſerit à Nerone: aſſentationibus tam inſenſus, vt inhumani Principis rabiem prouocare maluerit libertate, quàm beneuolentiam blanditijs emercari: tam generoſè amicis obnoxijs, vt Ruſticum Arulenum Tribunum plebis, interceſſionem magno ſpiritu pollicentem, contempto mortis periculo cohibuerit, ne exitium immerenti iuueni maturaret: conſtantia tam ſingulari, vt infame de morte ſua ſenatuſconſultum, in horto inter amicos, cum Demetrio de animæ natura familiariter diſſerens expectarit: vitæ contemptor tam egregius, vt vtriuſque brachij venis ad vulnus abiectis, ſanguinem Ioui liberatori, ſpectante, imo aduocato Quæſtore, libauerit. Hæc autem virtus tam generoſa, tam maſcula, in quæ tempora incidit? Neroniana: cum videlicet nefaria, omniſque caligine tetrior morum colluies ita mortalium animos inundaauerat, vt Nero princeps, neque ſuæ, neque

alienæ pudicitiaë parceret ; & amictus nubentium Virginum specie, palam conuocato senatu, dote dicta impudentissime nuberet. cum publicus Romanæ nobilitatis carnifex, qui tandem sui, curiam, quam libertate spoliauerat pridem, senatoribus exhauriret. Cum in alienos thoros, dotali maritorum nobilium sanguine contaminatus inuolaret. cum è sicario citharædus, è Cæfare mimus, veras orbi terrarum vniuerso in amplissimo Romæ theatro tragædias daret, non Euripidis, Æschylisque, sed suas, cum aurum non è terræ, sed è populorum visceribus effossum in retia ad piscationem efformaret ; nulla vt esset vspiam insanæ voluptatis illecebra, quam pretioso gentium dolore non emeret. cum vrbe Roma ad inane ardentis Troiæ spectaculum inflammata, ipse mali ominis præfica, rogo adfiscens funestissimo, næniæ caneret, vt extinctæ, quam tamen contemplabatur accensam. cum humani generis contumelias ferro vltus, viscera materna transfoderet, nefanda monstrosi filij fœcunditate nocentia. cum denique vicarias impuri spadonis manus imploraret ad cædem ; vt qui omnes vitæ actus muliebri fœditate corrumperat, ipsum etiam titulum mortis effœminaret. Et tu interea mihi ad excusationem scelerum, malignitatem non animi, sed ætatis obtrudis? tu

ad antiqua priscorum sæcula intempestiuè me reijcis , vt aliquam saltem speciem virtutis intuear ? quin ego te , diutiùs insanire si pergas , ad Æsopi fabulatoris etatem reuocabo , in qua cum bestijs familiariter inter se colloquentibus transigas ; & quod sapientum calculo non posses , belluarum suffragio ex voto conficias. At video quid agat ludio versipellis. de spe , quam in temporis excusatione collocauerat , paulò ante deiectus , ad publicam Urbis , Aulæque viuendi consuetudinem prouocat. Verùm vlcus attingit non leuiter , oscitanterque tractandum. Erit argumento tam necessario locus , post dies aliquot peridoneus ; ne cum proluxa humanitate vestra certare pergat prolixitas orationis meæ. Hæc autem pauca de multis , quæ in vniuersum de excusationum futilitate delibauì , eò referenda sunt , si nescitis , vt dissertationum mearum expeditior in posterum materia sit , istiusmodi , quasi vinculis absoluta. De causis nimirum perturbationum animi pro instituti mei ratione quærendum est ; quas cum alias alij pro ingenio comminiscantur , tam longe peregrinantur à veritate , vt excusationum potius nomina , quàm perturbationum causas afferre videantur , fatum videlicet , sidera , cæli temperiem , climata , corporis constitutionem , aliaque sexcenta , quæ singillatim de-

tracta larua in bono lumine collocabimus. Si quid autem hactenus in suscepta causa vobis non approbaui, nã ego aduersarijs præuaticatus sum, qui excusationes accusare, sine aliqua excusationis necessitate non potui.

*Omni reducto excusationum velo, quanta
quanta est hominum improbitas in aperto
collocatur.*

PROLVSIÒ DECIMA.



DEcennium illud non magis Poëtarum carminibus inclytum, quàm Troiæ calamitatibus luctuosum, tam prodigiosa rerum admirabilitate transactum est, vt posteriorum animos, posthuma quidẽ, sed magna tamen admiratione percellat. Siue enim Deorum altercationes in cœlo, siue Græcorum ad Ilium prælia contempleris, theatrum patet vtrobique actoribus fortasse par, omni certè tragædia maius, atque funestius. Verùm ego qui excusationes accusandas altera iam dissertatione suscepi, præuaticari non videbor in causa, si cæteris omnibus prætermisissis sola aduersus excusationes argumenta, ab ipsa Troianæ vrbis obsidione depromam. Anceps igitur, per me, toto decennio æstauerit fa-

tum; dum florentissimum Asiæ regnum contrarijs numinum votis aut stat, aut cadit: de Græcorum victoria delibauerit per me fortuna diutius, nunc Achillis iracundiæ subinfensa, nunc Hæctoris virtute deterrita: excusationes ego ad inertię patrociniū excogitatas in concione traducens, prima Deorum capita in ius vocanda, Homero teste pronuncio. Et Iupiter quidem, ne quis è huminum plebe, studio partium, aut Græcos foueret, aut Troianos, edixerat; cū præceps è cœlo in Idæ latebras se coniecit: hoc est cū neglecta diuinitatis prouidentia, ad inertissimas voluptatis illecebras spontè prolapsus est. Tiberium dices incestuosum senem, ab necessarijs Imperij Romani curis, vt in infames Caprearum libidines auersum. Vsa igitur mariti socordia Iuno, Troianorum iam pridem exitio imminens; otiosè feriantem somno adoritur, mox Veneris cæsto turpiter implicatum, omni humani generis sollicitudine, & dormituriētem, & vxorium prorsus absoluit. Neptunus interea maturandum ratus, dum Iouis oculus conuiueret in somnum, Græcorum fortunam iam præcipitem; labantemque restituit; & Troianorum res Aiæcis præsertim Locris virtute pessūdat. Expergiscitur tandē bonus ille Iupiter, rerum humanarum procurator egregius, bellumque videt Iunonis, atque

atque Neptuni artibus, inclinata propemodum
re Troiana, recrudescent. Hic enimvero, vt
æquum erat, excanduit: quid autem ageret ini-
qua Troianorum clade, atque adeò Hectoris
ipsius cessatione perculsus? Amores opinor suos
odisse iam cæpit, quòd in vltimum penè Phry-
gum exitium Neptuni odium, atque Iunonis ar-
mauerint. voluptates suas detestatur, quarum
pretio tanta immerentum perniciēs empta est.
Somnum exhorrescit, cuius deceptus lenocinio,
extremis Troiæ calamitatibus indormiuit. Cre-
ditis? nugæ sunt: in excusationes plus nimio pro-
nus (inquit doctissimus Homeri scholiastes Eu-
sthatius) aliò culpam deriuat suam; & Iunonem
acerbè increpans, verbera illi, suspendium, in-
cudes iam penè obrigenti minatur: hæc autem
vt se collegit, animumque ferali denuntiatione
peregrinatum reuocauit, ne suas fateri fraudes
videatur, ipsa etiam Iouis exemplo, excusatio-
nes adornat, omnemque admissi sceleris inui-
diam regerit in Neptunum: atque ita Troiæ pe-
riculo mutuis numinum excusationibus illu-
sum est. Nimirum ingeniosa res est amor sui, qui
tum maximè industriam explicat, cùm aliquid
culpæ prætexendum, ad tuendam innocentiae
famam vel necessitas persuadet, vel vtilitas do-
cet. tunc enimvero omnibus artis suæ machina-

mentis abutitur, atque vbi vel exempli vim, vel temporum iniquitatem, sine conscij obiurgatione animi, causari non potest; ad loci saltem conditionem excusatione delabitur. Atque hoc caput erat, quod mihi è veteri argumento sepositum, explicare nunc demum hodierna dissertatione decreui.

Vide Senec.
Epist. 50.

Non ego ambitiosus sum, inquit ad Lucilium Seneca, *sed nemo aliter Roma potest vivere: non ego sumptuosus sum, sed vrbs ipsa magnas impensas exigit*: adde si libet, impurus ego non sum, sed Romani cæli haustus, & spiritus animalis nescio quid in viscera peregrini caloris insinuat, quod pudicos esse non sinit. Quid enim? ea in vrbe, quæ originem reuocat ad Æneam, Veneris ex meritorio cum Anchise concubitu filium; quæ creuit beneficio Romuli. inter furtiuos Martis, cum Vestali quondam Virgine complexus procreati; quæ ciuium frequentiam Sabinarum stupris acceptam refert; quæ matrimonia scelere quæsiuit; flagitio contraxit affinitates; libidine soceros asciiuit; sponsalia rapinis obsignauit; vxores adulterijs traduxit veriùs, quàm duxit, castimonix partes aliquæ relinquentur? locorum vitia sunt ista non hominum. neque enim idem terris omnibus genius, idem ingenium est. nam quemadmodum agricolæ so-

Vide locum
S. Cypri.

lertia factum videmus, vt non eadem cuique solo semina cum fœnore repetenda credamus (quoniam *in omni parte cultura*, ait Plinius, *valet oraculum illud quid queque regio patiatur*) ita in excolendis variarum gentium animis vsu comprobatum est, alios alibi fructus feri, nec eundem morum, virtutumque prouentum, ab diuersis terrarum orbis regionibus expectandum. vtrobiq; videlicet varietatis argumenta, perpetuo naturæ miraculo depromuntur. Quis igitur morum censor tam vultuosus, ac minax, dum à Romano cœlo vel originem vitæ, vel animale pabulum haurio, mihi vitam ad Romanas leges exigenti iure succenseat? aut enim Veios migrandum Quiritibus est, aut è Quiritum consuetudine, quali quali Urbis, Aulæque ingenio mores attemperandi. Vidit hoc olim fastidioso supercilio Vir Vinbricius, qui Romanarum viuendi artium pertæsus, & vrbis tamen vim, ad animi constantiam labefactandam pertimescens, maturè solum vertit, & Cumis quantumuis vacuis, sedem fixit, Sybillæ contubernalis.

*Quid Roma faciam? mentiri nescio; librum,
Si malus est, nequeolaudare, & poscere; motus
Astrorum ignoro; funus promittere Patris
Nec volo, nec possum; ranarū viscera nunquam*

*Inspexi; ferre ad nuptam qua mittit adulter,
Qua mandat, norunt alij, &c.*

necessariò fortasse, nedum prudenter Vmbri-
cius, qui vrbani induendis moribus impar, vr-
banas saltem curas exuit; & Romanæ multitudi-
nis vitia sua ipsius deportatione proscripsit. ea
enim quia ablegare ab se, atque aliter in exilium
mittere non potuit, exulauit. Ast ego indolis mi-
tioris homuncio, aliam mihi semitam insisten-
dam reor. ego ne truci quadam toruitate natu-
ræ, à communi viuendi ratione in priuatas curas
abductus, tacita morum obiurgatione expro-
brantis speciem induam, vt me inauspicatum
planè animal, obuia Aulicorum turba vel sum-
moueat, vel declinet? ego tot procerum, tot
amicorum, imo totius Aulæ vultum, vano mo-
destiæ obiectu verberabo, vt iustissimis vapu-
lem plebis imperitæ conuicijs? ego in media vr-
bis frequentia solitarius virtutis cultor, præter-
euntium digito ad ludibrium designabor, intem-
pestiuæ scilicet innocentie prodigium, Romanis
oculis. insuetum? Apage præcoccem hanc, im-
prudentemque prudentiam, humanæ societatis
inimicam. egregiè. Tu tamen interea lapides à
Cælimontanis, aut Transtiberinis Saxellionibus
non pertimescis! vsque adeò ne in omnem im-
probitatem Roma degenerauit, vt sine illius.

contumelia probus esse non possis? tua ne pudorem Romanis virtus incutiet, quorum exemplis stetit quidquid vbiq; terrarū gloriosum, atque inclytum floruit? Ibi ne virtutis solitudinem timeas, vbi virorum virtute præstantium non magnitudo tantum, sed multitudo te obruit? tam lippus es in exaggeratæ gloriæ lumine, in quo magnæ illæ priscorum animæ caligarent? O deplorandam Reginae Urbium mendicitatem, si vnico nititur tuæ virtutis ærario! ô despiciatum virtutis imperium, si vñismorum tuorum legibus temperatur! Sed ô impudentissimam tuæ frontis temeritatem, si à via virtutis exorbitas, quia infrequentiam times, & fœdo opinionis errore, turpis maus esse quàm solus. Verùm ne urbis vnus, aut Aulæ causam agere videamur, latiùs oro vos, nostra sese effundat oratio; vt omnibus, quando licet, telis improbitatem exarremus. Locorum ais vitia esse non hominum. Vetulam Harpastem narrat in Epistolis Seneca, ridiculam paternæ hæreditatis appendicem, postquam vel ætatis, vel fortunæ vitio intelligentiæ lumen amisisset, oculis etiam corporis captam esse: quid enim oculis indigeret, cui iam occiderat sol? hæc autem fatua, cùm in cubiculo deambulans, viam non tam pedibus iniret, quàm manibus prensaret, ac quæreret, suæ tamen

cæcitatignara, cubiculi tenebras calumniabatur; & pedagogum suum subinde, vt migraret, orabat, domus scilicet, non suæ frontis caliginem auersata. O quoties densam, quam circumferimus animo, vitiorū noctem, vt accersitis ad excusationem loci vmbris extenuemus, intendimus! neque enim mentis caligo loci obscuritate discutitur, sed augetur. animus verò illustribus verè virtutis radijs imbutus, vel inter Cimmerios lucem, quam semel imbibit, retinebit. Præclare apud Plutarchum Thales Milesium Alexidem tyranni filium tum maximè ferocientem, oratione comescuit. Cùm enim is è cænaculo se furiosè proriperet, quòd locum non satis, vt opinabatur honestum, in conuiuio iussus esset occupare; hominem à turba seductum comiter obiurgauit Thales, quòd indignitatem loci ad se pertinere stultissimè iudicasset. generosè siquidem, ac sapienter Laconem iuuenem choriagi contumeliam declinasse, qui postremo in chori loco constitutus, non modò iniquitatem iudicij agrè non tulit, sed præfecto potius bonam mentem serio gratulatus est, quòd eam potissimum abiectioni cohonestandi loci rationem inijsset. Nimirum nulla nos ad virtutem loci dignitas trahit; nulla ab virtute loci turpitudine nos reuocat. Hoc vnum nobis, sed luculentum in-

ter fortunæ deliria solatium est, quòd benè constitutus animus, quamlibet in partem versari se, nullo negotio sinit, erectus tamen, solidus, alacer, sibi constans, & semper excelsus. Quod ergo ancipiti rerum humanarum turbine circumactus, atque humili depositus loco, in lubrico Aulæ culmine suspicit immerentes, hoc ille non more vulgi, alienæ fortis ludibrium putat, sed suæ tyrocinium constantiæ, sed diuinæ consilium prouidentia. Quis enim cum paupertate rediret in gratiam, nisi sapientiam raro trabeatam, sæpius pannosam in sordibus coluisset? Quis Virorum principum aulas, humanæ diuinitatis augustale, Persicis non adoraret obsequijs, nisi animus virtutis ingenio ad omnem magnitudinem effectus, vel Diogenis dolio, vel Anacharsis turguriolo litandum potius esse didicisset? Quis pretiosa ambitionis pericula, periculis, angoribusque non emeret, nisi sapientiam intellexisset expositam omnibus, morum innocentia, atque animi demissione venalem? Quis denique humanæ gloriæ currum, temerarius aulicæ vitæ Phaëton non optaret, nisi prudentiæ monitu, alieno doctus infortunio (quæ omnium beatissima disciplina est) plus timeret calamitatis in lapsu, quàm speraret felicitatis in cursu? Nec in Phaëtonis rotas imprudenter impegit: insanus

siquidem adolescens, quam inter mortales diutius traduxisset vitam, in ipso immortalitatis regno immaturè proiecit: & quasi longè positas vitæ metas attingere, nisi sero ætatis beneficio non posset, ipsos solis equos votorum importunitate conduxit, quorum pernicitate properaret ad mortem; vectura sanè miserabili, quæ aurgante luce incurrit in tenebras: vt hoc etiam casu erudita mortalitas, non locorum, sed animi vicia fateatur. Et sane ita se res habet, Auditores, immanes illæ Gigantum statux in profundam vallis planiciem depressæ, à magnitudine non degenerant, quam in ipso Olympi, aut Caucafi vertice superbiùs ostentarent. Stirpium sint fata ista, non hominum; vt ex telluris ingenio vel frondeant, vel arescant; virtus propriæ tantum culturæ patiens, fœcunditatem, quam in alieno solo non inuenit, non desiderabit in suo: excoli modò se animus patiat, nec peregrinos imbibat succos. Quid quod ne arboribus soli genius semper fatalis est? regionem narrat in geographicis Strabo, quam combustam appellant, exanguem, exsuccam, torridis semper vaporibus æstuantem.

*At licet infestus terram decoxerit ardor,
Vastaritque amplos pestis Lipareia tractus;
Vinea combusta se subtrahit vna ruina,*

Et

*Et lato gravidos extollens vertice ramos
Frigat ardentes lenao neclare rupes.*

Vt mirandum non sit, si sterili etiam loco, & contumaci, virtutis germina sobolescant, dum in ea terræ macie, folique proteruia, vitis tamen ramos feliciter explicat. Solem vides, opinor; (quid autem videas si cæcutis in sole?) sol ergo utcumque radijs cloacas, cænumque perlustrer, nunquam tamen è sterquilinio sordidus, è cæno lutulentus emergit. maior est diuinitas solis, quàm vt purgamentis istiusmodi contabescat. Et ne solis exemplum declines, quia solus est, illum ego incomitatum ire non patiar. Alphæus Arcadiæ fluuius, & Arethusæ amoribus, & Poëtarum carminibus nobilitatus, cum admirabilior prodigijs fluat, quàm auro suo Ganges, in eo tamen vim omnem stuporis extorquet, quòd Adriatico, Siculoque immistus pelago, natiuam aquæ dulcedinem nec inficit, nec amittit, vt Philostratus autor est, sui videlicet compos animus, & virtutis tenax, quocumque tandem loco, illum fortunæ deliramenta constituent, nocentibus vitiorum auris afflari fortasse potest, corrumpi non potest: nam sancto sapientiæ beneficio solidatus, nullis patet vel loci contumelijs, vel voluptatis illecebris, vel hostium fraudibus, vel fortis iniurijs. egrediamur tantis-

per, si libet, vt Athenas ipsas cogitatione profisciscamur; non in Pyrao tamen, aut in Arcopago vos sistam, sed ad publicam flagitiosorum custodiam rectà contendam; meque in deuotum fontibus ergastulum vobis comitantibus penetra-
bo: quos autem in omnis turpitudinis receptaculo reperiemus? sicarios, opinor, parricidas, adulteros, perduelles, morum pestes, virtutis euer-
sores. Apage. Seniculum contemplabimur seminudum, simis naribus, rugosum, sine succo, & sanguine, recaluastrum; vno verbo Socratem. Socratem dixi? oraculum appellare debueram, cuius ore diuinitatis arcana sapientia mortalibus propinauit: cuius moribus sanctitatis leges humano generi virtus edixit: cuius doctrina rectè philosophantium ingenia ad studium veritatis exarsere: cuius institutione, præclara iuuenum indoles ad omnis laudem honestatis effloruit. hunc autem Socratem mortis expectatione gestientem potius, quàm attonitum, compellare si liceat, vt tanti nos infortunij causas edoceat; quid non tam illum, quàm pro illo sapientiam responsuram putatis? bene est, ô Iuvenes, à recta virtutis semita, dum Socratem quaeritis non aberrastis. Fateor impegistis in carcerem, sed in quo Socratis animus immensa naturæ spatia per-
uagatus, supremam asseritur in libertatem, huc

illum non ad popularium odia exsaturanda Aniti, Melitique calumniæ compulerunt, sed volentem traxerunt fata, vt carceri detraheret ignominiam: vbi enim virtus est, carcer esse non potest; excelsus siquidem animus, ac sui plenus, vbicumque libertatem non inuenit, facit, & ergastuli tenebras sole suo virtus illustrat. Infame hoc flagitiosorum hominum antrum potius, quàm domicilium, Socratis consecrat sanctimonia, vt templum exinde possit esse virtutis, quod bustum iam pridem fuerat improbitatis. in hoc magnæ mentis sacrario edificet rerum opinionibus delusa mortalitas, nullibi amplum exaggeratæ virtuti theatrum deesse, quando interim imminentis meditamenta supplicij gestum facit, omni Roscio maior, atque venustior.

Sed quid ego Socratem diutiùs interpello, cùm in sui me admirationem rapiat Theodora? illa inquam Theodora, quæ, quàm à nuperrimo theatro lucem accepit amplissimam, eadem theatro reddidit cumulata? Et tu quidem Virginum fortissima, vel in carceris squalore, contabescens; vel inter ferarum sæuitiam, Faunorumque demerentiam interrita, vel diuitiarum, otij, voluptatis blandimentis inuicta, in tui obsequium mortalium animos miraculo virtutis accendis: at in turpissima ista impuritatis officina quid ages? ec-

ce tibi ex aduerso nescio quis, & miles, & adole-
scens, & in lupanari: quò te deprehensa pudici-
tiae conuerteret? audi Virgo iam loquitur,
Parce metu Theodora; trucis tibi militat oris
Asperitas mollem quando auersaris amantem.
Cypria si faciles coqueret mihi flamma medullas,
Non ego terrifico durassem pectora ferro;
Ferrum horrescit amor, ferrum indignatur amorẽ.
Nunc quia virginici custos inuicta pudoris;
Effer blanditijs, sauos miscuis adenses,
Vota sequor, qua virgo prais: tibi miles amorẽ
Denoueo, castoque Venus cadit hostia Marti.
Sponsor ego nõ spõsus ero: Theodora quid haeres?
Nec tamen armatos in colla pudica furores
Exercere iuuat; procul hinc absistite dire.
Communis me religio, me numinis ardor,
Me tua virginitas in lustra infanda volentem
Traxit, ut in Ventos cadat ars delusa Tyranni.
Quid tibi cū titulis? tibi quid cū fornice Virgo?
Ah fuge pollutas maculosi carceris auras,
Atque hostẽ validũ illecebris & fraude potentẽ
Vince dolis, prosterne fuga: fuga vincit amorẽ.
Nec tamen imbelli generosi pectoris astus
Frango gelu; sume arma tuis non equa lacertis,
Virtuti tamen aequa tua: sume arma, necemque
Quam non expectat fugiens molire Tyranno.
Hinc galea bene tuta, nefas mentire subacta

*Virginis, obtutu semper defixa cadente:
 Ipse pudor tibi iura dabit, quem conscia virtus
 Adsciscit socium, non quem scelus ore colorat.
 Obliquos sic falle oculos, fallentur; & ore
 Spectantū victrix iuuenum excipere procaci.
 Interea fugies Veneris prada irrita; tecum
 Candida purpureis veniet victoria pennis.
 Ast ego non sceleri, sed inertio obnoxius ira
 In me fata voco: veniant modo fata, cruore
 Fortunam absoluā. sacrisque operatus, ad aras
 Victima seruati dicar cecidisse pudoris.*

Inter hæc anxia, vt oportuit, nec satis militi fidens Theodora, vnde quaque circumspicit. Iuuenem videt, ætate florentem, atque adeò si voluptas suadeat, amoribus opportunum: si autem paranda sit vis, robore præferocem gladium in expedito. Locus ipse omnem libidinis scenam obijcit meditati. Theodora ergo superis, atque conscientia adhibitis in consilium, & ad morum sanctimoniam nihil officere loci turpitudinem gnara, mori certior, quàm peccare, Didimo in hæc verba responderet.

*Quicumque impuris succedis sedibus hospēs,
 Es geris audaci tela vibranda manu:
 Site virginei sitis ambitiosa cruoris
 Torquet, & emeritus prouocat arma pudor;
 Non moror immanes metuendi militis ausus;*

Obuia vulneribus pectora prado feri.
Prado feri, sãguisq; trucẽ mens imbuat ensem,
Purpura nobilior nulla pudoris erit;
At me terret amor, si te Venus urget amãtem,
Iam concretæ rigent ossa perusta gelu:
Viscera iam caco saliant labefacta tumultu,
Iam tremit, inuictus, qui fuit ante, pudor.
Ah tua degeneres non carpant viscera flamma,
Turpis erit duro in milite mollis amor.
Ah ne bellaces mala fax effaminet astus,
Vince cupidineum pectoris igne rogam.
Quod si forte meas optas torrere medullas.
Non tibi me timidus conciliabit amor;
Res odijs peragenda; meos mercaberis ignes,
Si furor iratas pellet in arma manus.
Non amo blãditias sed amarũ in milite vultũ;
Forma placet studijs apta placere suis.
Non qui cõplexus, sed qui ferus expedit ensem,
Qui vomit indomitas ore flagrante faces,
Gratior ille mihi est. Ferrum ergo in pectus ada-
Si quid amas, primũ pignus amoris erit [ctũ,
Ergo feri, nostramque fidem iam sanciat ensis,
Munera transfixo in pectore conde tua.
Aut si non fallax nostras vox impulit aures;
Si pia concepto numine corda calent;
Aduoluo genibus Virgo, promissa reposcens
Arma, quibus, possit tutior esse fuga;

*Non humilis, sed casta fugam meditabor, eunti
Non timor insternet, sed pudor ipse viam.
Dedecus effugio, mortem non deprecor; hostis
Suiat, expecto vulnera, non abeo.
Ad cadem si fata vocant, inopinare uertar,
Necte sponforem funeris esse volo.
Sanguine te redimā, redimet mihi vitā pudorē;
Sanguine gaudebit erubuisse pudor.*

Has autem masculæ virtutis voces; egregia hæc documenta castitatis, ex Vestæ penetralibus, è conclauī Lucretiæ, ex adytis pudicitæ, an potius è Floræ sterquilinio, è Thaidis cloaca, ex officina libidinum accepimus, Auditores; & ad excusandam tamen morum intemperantiam causamur fœditatem loci, & Cumas discedit Vmbrius, ciuemque Sybillæ donat, quòd in Vrbe sine vrbis contumelia probus esse non potest. Infelix. Hominum animus natura immortalis, & sanctus, cognatione etiam diuinus, in hoc corporis ergastulum Dei consilio detrusus, an ideo sordidi contagione diuersorij corruptus obsolescit? Illis fortasse, qui proni in ventrem, mera voluptatis mancipia in vitiorum cæno voluntantur; non vobis, quorum virtus, atque sapientia suo inuoluta lumine alienis tenebris insultat.

*De eruditione per somnia ad somnium
Scipionis.*

PROLVVSIO VNDECIMA.

Hominum vita vigilię ne an somno potius comparanda videretur, ambigüe hactenus disputatum est, Viri sapientia, & dignitate clarissimi. Et perpetuum sanę curarum examen quibus exedimur: mens inquires, omnisque tranquillitatis impatiens: cogitationum non tam vicissitudo, quàm æstus: inconstans perturbationum reciprocatio: cupiditatum curipus, argumenta sunt animi nullam vnquam quietis partem delibantis, & prorsus exsomnia. Contra verò desidiosum vitę genus, atque iners, quo mortalium plerique torpescunt: inania rerum simulachra ambitionis artificio in animis fabrefacta: ingeniosa phantasie deliramenta, quibus non sine prudentię opinione desipimus: in conquisitione virtutis negligentia, cuius culturę altum quodammodo indormimus, an non hominem arguunt somniculosum, & continuis somniorum ludibrijs opportunum? Vsq; adeò natura rerum in hanc nos scenam mortalitatis incogitanter abiecit, vt vigilantes ne an dormitantes

turientes gestum in vitæ fabula faciamus, per disputationum ambages anquirendum sit. Hinc præclara illa somniorum ciuitas, per proteruam irridendi libidinem à Luciano descripta nobis incurrit in oculos: quam ego veris tantummodo ingeniosi nebulonis historijs dignissimam arbitrarer, nisi me Dauidis auctoritas in eam sententiam abduceret, vt in Vrbe somniorum, hoc est in Principum Aulis, imaginem ipsorum ad nihilum redigendam esse statuerem. Verùm vtcumque se res habeat bene est. Illa eadem natura rerum, quam paulò ante, veluti mortalium incuriosam calumniabar, rebus humanis tam prouidè, tam amanter, vno verbo, tam maternè consuluit, vt ne somnia quidem nostra sine fructu, eoque vberissimo euanescere patiatur. mentem quæso vos diligenter aduertite. Mortales, ærumnosum, & deuotum laboribus genus, necessariam collabentis iamjam corporis quietem, diurnæ defatigationis pretio mercantur à somno. Tunc enim uerò molestias in loco seponunt, quando illas omnino deponere, humanitatis iure non licet: & quoniam omnes vitæ calamitates exuere frustra conantur, obliuionem è somni penetralibus accersunt, cuius beneficio si non mœror, acrior certè mœroris sensus hebetatur, atque retunditur. Hominem ergo vobis somno

resolutum fingite (quid autem fingatis? si circumspicitis inuenistis; ego neminem ne oculis quidem designabo) fingite tamen, vt libet, ne aliquis orationem meam in crimen vocet. Videbitis laruam hominis desidiosè proiectam; explicatis temerè brachijs, & collabentibus; ore patulo, hiantique, inertibus oculis, & penè rigentibus; atque, vt semel dicam, resupinarum hominis cadauer, cui nescioquid halitus indultum sit, vt spirabili hoc indicio, & maximè fugitiuo, abstrusa in visceribus vita deprehendi posset. Huic autem simulachro verius quàm homini, tunc potissimum per somnia eruditio sese celestis insinuat, cùm lubrico leuis halitus discrimine vix distat à morte. Sapiētia nimirum capaces, quibus sese ingerat, nacta mentes, tàm profusè se prodigit, vt etiàm per somni furtum iucundissimè obrepat incautis; & ne arduam, ac longè positam illius conquisitionem causari quis possit, ipsa vltro excubat dormientibus, vt inertissimam tunc erudiat vitæ partem, cùm erudiri se somniare fortasse potest, optare certè non potest. Atque hoc demum erit hodiernæ dissertationis argumentum. Cùm enim siue casu, siue consilio in magni Viri somnium, hoc est Scipionis, offenderim, atque illius explicationem proposuerim laboribus meis, illud veluti prolusio-

nis loco indagandum puto, ecquid tandem lucis haurire animus ab umbris possit: nisi si veritatem à laruis doceri velit, nec illudi se à nocturnis mentis ludionibus intelligat, sed institui. Facebant hinc igitur proluxæ de somnijs disputationes, ambitiosis philosophantium vocibus agitatae: nec portas suas (corneam velis, an eburneam tu videris) patere nobis iubeat Homerus; nec præstigiator Artemidorus ludicra somniorum interpretamenta nobis obtrudat. In solido labor est noster, & ne somnum quidem, quantumvis à curis vacuum, à vitæ tamen institutione feriatum volumus.

Et sane vsque adeò constans de somniorum diuinitate, exactis retro sæculis, inoleuit opinio, vt oraculis etiam locum fecerit, quibus, vt cum Tertulliano loquar, stipatus est orbis; Amphiarai scilicet ad Oropum; Amphilochi apud Malum; Sarpedonis in Troade; Trophonij in Bœotia; Mopsi in Cilicia; Hermiones in Macedonia; Phasiphaë in Laconica. apud hæc nimirum, somnia, vt alibi responsa, petebantur; quorum monitu quid persequendum sibi, quid fugiendum vnusquisque statueret; eosdemque haberet, & vitæ magistros, & somni arbitros, & artifices somniorum. Iam verò in captandis somnijs quàm multiplex siue religio, siue consuetudo, quàm

varia? alicubi siquidem Amphiarao, cæso ariete facientes, vt testatur Pausanias, stratis in ipso templo hostiarum pellibus incubabant; ibique per somnum obijciendas sibi diuinitus rerum imagines præstolabantur: quem deinde morem ad Fauni oraculum, in Albunæ lucis Virgilius sapientissimè transtulit;

Vid. 7. lib.
Æncid.

—huc dona sacerdos

*Cùm tulit, & casarum ouium sub nocte silenti
Pellibus incubuit stratis, somnosque petiuit,
Multa modis simulacra videt volitãtia miris,
Et varias audit voces, fruiturque Deorum
Colloquio.*

Cùm enim Tibur ab Amphiarai filijs domo profugis, & conditum fuerit, & nomen acceperit, prudenter omnino Virgilius commentus est, paternos sacrificandi ritus eodem à Tiburno meo fuisse traductos. Alibi verò Nasamones apud parentum sepulchra; Celtas apud virorum mortuum busta, somnia captare solitos docet Terullianus: Daunios verò, Calabrosque ad Podalirij tumulum dormire consueuisse tradit Zetzes. Quid quòd vario morborum genere diu multumque vexati, vbi desperata Medicorum opè, precariam non traherent animam, sed agerent, in Æsculapij fanum delati, prænuntia, vt Hieronymus loquitur, quærebant somnia; quibus

de Medicinæ viribus edocti, certa sibi, cæterisque ad morbos abigendos remedia compararent? Et vniuersam quidem medendi artem somniorum beneficio coaluisse primùm, non Iamblicus modo; sed apud Artemidorum permulti, atque adeò iustis curationum libris, quas per somnium acceperè, Geminius Tirus, Demetrius Phaleræus, & Milesius Artemon ostendunt. Quod ego explicatiùs aliquanto pro argumenti necessitate declararem, nisi mentem ea subiret cogitatio, ne traduci se Medici oratione mea suspicarentur. Obuersantur adhuc animo ex præteritis dissertationibus offensiones, cum valetudinem diligenter curandam non esse contenderem. neque is ego sum, qui adamantina corporis firmitate solidatus, Medicæ nationis iracundiam formidare non debeam. quid si ergo illorum curationes mera somnia esse, vel iplis Medicorum tabulis conficerem? an non verendum mihi esset, ne si levis motiuncula, ut homines sumus, febris suspicionem moueret, explorata per dissimulationem arteria, elleboro cerebrum peteret Medicus, dum purgandam potiùs bilem morbi ratio suaderet? procul igitur insana hæc auiditas offensionum; modò illud à Medicorum humanitate mihi licet impetrare, ut meo etiam nomine somniare tantisper velint. Aco-

liam quippe in visceribus rugientem circumfero, cuius fremitu, ac violentia eò sæpe deducor, vt extremum vitæ naufragium, mente non minus æstuante, quàm corpore, perhorrescam: nec vllus adhuc Neptunus repertus est, qui tumidas præcordiorum iras placare potuerit. Sed ad institutum redeo, nec à Medicis tamen longius aberrabo. eorum siquidem princeps Hippocrates, somniorum (de ijs loquor, quæ cum veritate consentiunt) efformationem vel in Deum, vel in Naturam reijciens, Dæmonum ingenium ab hoc artificio semouit: at Gregorius, & doctrina, & dignitate, & vitæ sanctimonia Magnus, Dæmones etiam inter somniorum architectos enumerat. Hinc celebris extitit apud illustres Catholicæ religionis Theologos de somniorum veritate sententia; quorum alia diuina, quædam naturalia, multa dæmoniaca, tripertita, eaque aptissima diuisione nuncuparunt. Nos verò naturalibus, ac dæmoniaccis consultò posthabitis, sola diuinorum peruestigatione, ita definiemus orationem, vt exordiri potius tractationem rei, quàm conficere in præsentia videamur. Verùm etiam in argumento, quantumuis obuiò, opinionum diuortia cæca mortalium ingenia somniantur. Ex Epicureorum siquidem grege nonnulli, subitarij diuinæ dignitatis assertores, è vo-

luptatum cæno profiliunt, & cæli patrocinium ore impurissimo profitentur, dum quæcumque somnia diuinitatis possessione deiiciunt. An Deorum immortalium imperturbata tranquillitas, (sic philosophicè delirant) omnique celsior fastigio maiestas, eò se humilitatis, laborisque deiiciet, vt otiosè dormientium lectulos obeat; foedè stertentium segnitiei munerum suborum diuinitate sollicitet; animis contagione corporis consopitis sapientiæ thesauros obtrudat? Vsq̃ue adeò ne natiuæ beatitatis impatiens aberrationem sibi diuinitas quærit, vt præclaras rerum imagines somnifulosis mortalium mentibus inscribat? Tantum illi à felicissima sui contemplatione vacat, vt non cum homine, sed cum inestissimo hominis simulachro, per quietem velit ociari? O proteruam insanissimè philosophantium disciplinam! ò capitula inanitate plenissima! ò turpia voluptatis mancipia, luctuosè ridicula! Sed bene est AA. ijdem nunc aduersus somniorum diuinitatem grunniunt, qui semper Dei protudentiam calumniantur, & rerum humanarum incuriosum illud Nūmen effingunt, ne tam impudentibus interessè delirijs videatur; quibus dum Deum actuosum negant, stipitem faciunt; dum interminabilem illam atque vbique diffusam diuinæ naturæ am-

plitudinem, vno cæli ambitu circumscribunt; cum Diogene in dolioli angustias furiosè detru-
dunt. Ingeniosius fortasse decipiunt, qui alios sa-
pere plerumque docuerunt, Plato, atque Ari-
stoteles; quorum vterque nequaquam à Deo
somnia mortalibus immitti disertè pronūcians,
in eam curam Dæmonum solertiam, artificium-
que transcribit. Sed alijs atque alijs argumentis,
pro insita opinionum varietate, rem sibi confi-
ciendam vterque desumit. Et Aristoteles qui-
dem, cū perditissimos etiam nebulones inter
somnia multa didicisse compertum habe-
ret; indecorum videlicet, & ab incomprehensa
Dei bonitate alienissimum existimabat, si nigras
illas animas, omnique scelerum impuritate ma-
culosas, puræ candorē diuinitatis aspergeret.
Plato verò cū nullam inter Deum, atque ho-
mines intercedere posse consuetudinem opina-
retur, per Dæmones, quasi per internuntios,
Deum se rebus mortalibus immiscere, illorum-
que ministerio, quæ diuinitus euentura sunt ho-
minibus significare statuebat; quæ sententia an-
te Platonem Empedocli, atque Pythagoræ tri-
buitur à sapientissimis viris; post Platonem verò
placuit Apuleio, inter Platonis asseclas non po-
stremo. Verū Aristotelis ratio ipsa rerum ex-
perientia facile refellitur; vt in loco dicemus:

Platonis

Platonis verò commentum egregiè ab Augustino conuellitur; hoc est ab eo, cuius ingenium, atque doctrina naturam rerum adeò oneravit, vt tot iam sæculis anxie secum ipsa luctata sit, nec parem tamen Augustino dare potuerit.

Illud igitur certò statuendū est, quædam somnia mortalium animis diuinitus immitti, sine vlllo probitatis, scelerisque discrimine. Docere id apertissimè potest apud antiquæ superstitionis cultores, oraculorū multitudo ad somnia petentibus immittenda (vt sub dissertationis initium diximus) cōparata. Quorsum enim tot precibus, ac sacrificijs poscerētur à Deo, si Morphei nescio cuius arbitrio, per hominum cubilia cum Phantaso temerè volitarent? neque hîc ego, aut aniles Philostrati de Thianæo narrationes, aut ridicula Iamblici mysteria, aut fabulosum Sinesijs vehiculum, aut denique Stoicorum commentationes, & placita commemorabo: cū enim, Dauide nobis verba præeunte, *omnes Dÿgentium Dæmonia* sint, quæcumque somnia ab ethnicis diuinitate donantur, ea nos in Dæmonum astum, ingeniumque transferimus. Solidiora ergo ex diuini Codicis tabulario testimonia repetamus. Et in Numerorum quidem libro Deus proteruam Aaronis, & Mariæ aduersus Mosē petulantiam retundens: *si quis* inquit, Psalm. 95.
vers. 5.

Num. cap.
11. vers. 6.

fuert inter vos propheta Domini, in visione apparebo ei, vel per somnia loquar ad illum: quod diuinitatis oraculum vfu ipſo comprobatum fuiſſe, Abrahami, Abimelechi, Iacobi, Labani, Pharaonis, & ſexcenta alia, tum veteris, tum noui teſtamenti ſomnia, manifeſtè déclarant. Quoniam verò, & vfu multiplex, & varietate mirabilis æternæ prouidentię viſ eò ſemper collineat, vt vndequaque humani generis felicitas erumpat, hinc factum cum Viriſ ſapientiffimis opinor, vt ſomniorum etiam non idem proſus finis, nec eiufdem generis fructus videatur; quædam enim ad homines à ſcleribus abſterrendos in mentibus excitantur, quòd Abimelecho, Regi Geraræ, & Labano contigiſſe in ſacris literis legimus; alia vt ad præclarum aliquod facinus perpetrandum adhortentur, vt Gedeoni, ac Iudæ, eiufque copijs accidit; nonnulla ad arcana rerum aperienda, ſeu quæ in lucido illo, humaniſque oculis imperuio diuinitatis latibulo deliteſcunt, ſeu quæ magnas Imperiorum conuerſiones, & Rerum publicarum viciffitudines parturiunt, vt Iſraëliſ, Ægypti, Nabuchodonofor. Multa denique vt ſomniantes erudiant, quòd felicibus B. Ioseph, & Magorum exemplis liquidò diſcimus. Atque poſtremum hoc eſt ſomniorum genus, de quo

multa in posterum dicturi sumus.

Quomodo Rhetorica Dialectica altera ex parte respondeat.

Ad primum caput Rhetoricorum Aristotelis.

PROLVSIO DECIMASECVNDA.

AThenienses Athenis non indifertè, vel ab ab indiferto laudari, vox est eius, qui cùm omnia ad normam veritatis exigeret, nihil ad voluntatem, mortalium sapientissimus, Apollinis ipsius testimonio dictus est. Cùm enim apud Platonem Menexenus de ijs laudationibus mentionem iniecisset, quæ militibus pro patria fortiter occumbentibus exhibebantur, satis vnumquemque præsidij ad eloquentiam allaturum, eo potissimum nomine Socrates iudicabat, quòd Athenienses in Atheniensium panegyri essent ab Oratore laudandi; hoc est apud eos, qui pronis auribus egregia suorum facinora, atque in ijs propriæ commendationem virtutis acciperent. Præclarum viri prope diuini documentum in rem meam transferre sedulò cogitanti, illud veniebat in mentem facile me, quantum uis hebetem, & infantem; in ea vrbe de laudi-

Plin. l. 7. c. 34. & l. 34. c. 6.

Plat. in Menex.

bus eloquentiæ copiosè atque illuminatè dicturum, in qua ea non tanquam peregrina diuersorium, ad breuis vsuram temporis collocauit, sed primò domicilium quasi vernacula, mox etiam imperium veluti dominatrix instituit. Verùm dum negotium spei plenus aggredior, sensi tandem malo meo doctus, quàm inalignè vires animo, in ipsa operis aggressionè, respondeant: vt Socratis demum repudiato consilio, illud apud me seriò, constanterque statuerim, eloquentiam Romæ, hoc est in ipso eloquentiæ regno laudare, laboriosum in paucis, alexque plenissimum opus esse censendum. Quis enim, per Deum immortalem, quis, inquam, tam strenuè, ac nauiter impudens reperiatur, qui si modò velit præteritorum memoriam temporum refricare, aut cogitationem in disiecta passim, & collabentia antiquæ Urbis monumenta conuertat, hiscere audeat de laudibus eloquentiæ, non vno dicam, aut altero spectante Roscio, sed spectantibus illis præciæ facundiæ quasi luminibus in oculos incurrentibus; quorum vel sola recordatione cuiuscumque tandem Oratoris alacritas retardatur, deterretur audacia, latera debilitantur, vox deficit, verba denique in ipso dicentis ore moriuntur: Equidem quoties in veteris Capitolij rudicibus recidiuæ maiestatis argumenta contem-

Cic. 2. de
Orat.

plor; quoties inter tot ruinas officij moderatricem curiam accuratè requiro; quoties extra pomerium in Tarquiniorum campo Marti consecrato, Comitiorum reliquias curiosè perlustro; quoties rostra illa ab Antiatum nauibus auulsa, & iuxta curiam prope Comitia collocata recordor, Quirites, continuò ingentes illæ animæ oculis obuersantur, quæ tam luculentum Vobis eloquentiæ patrimonium pepererunt, vt scientiarum omnium procreatrices Athenas de auito viderimus benedicendi principatu deiectas. Illas ego mecum tacitus admiror, illas quasi quædam diuinitatis simulachra contemplor, illas mutire si velim, habere mihi videor non tam infantiaë testes, quàm vindices temeritatis. Ego videlicet nouitius declamator, & si vnquam aliàs, nunc certè post tam diuturna in literarum studijs interualla in Oratorum exedris peregrinus, ab omnibus ingenij, doctrinæque præsidij destitutus, nulla vique adhuc latinè dicendi exercitatione limatus, illud mihi ambitiosius, an arrogantiùs sumam, vt in hac luce populi Quiritium, in hoc amplissimo sapientiæ theatro, vobis videlicet Viris amplissimis audientibus, de laudibus eloquentiæ verba faciam? hoc est, nisi me fallit animus, tam illiberaliter agam, ac rusticè, vt illius ornamenta dicendi simplicitate corrumpam; il-

Cic. pro
Flacc.

De quo Li-
uius l. 2. &
6.

Liuius De-
cad. 1. l. 8.
Plin. l. 16.
c. 4.

lius copiam orationis ieiunitate conficiam; illius splendorem obscuritate sermonis obducam; amplitudinem angustijs circumscribam; lepôres asperitate contaminem; vires elidam tenuitate, acrimoniam stupore retundam; tarditate impetum frangam, maiestatem humilitate debilitem, omnia susque deque permisceam; atque ibi demum exhibendam omnibus exponam ingenij mei sterilitatem, vbi triumphare non inepti Oratoris debuisset oratio? Non vsque adeò iratos superos habeo, Quirites, mihi credite, non habeo. Quoniam verò dum V R B A N I doctissimi simul, atque sanctissimi Principis imperio, non tam ab Aula detrudor in Academiam, quàm ipsam Academiam iubeor in Aulam traducere, labores meos auspicari ab eloquentia statui, ne aut turpiter aberremus à ianua, aut laudationibus, quod aiebat Horatius, merces extrudere velle videamur, age, ac nouo prorsus exemplo, quid potius in eloquentia reprehendi meritò possit, ipso Aristotele duce, prolusionis loco breuiter attingamus: atque ita fiet, vt ego paulò ante commemoratum inscitiae, impudentiaeque periculum modestè declinem; nec tamen ab instituti mei rationibus, in prima statim congressione discedam.

Epist. l. 1. ep.
2.

1. Rhet. c. 1.

Dialecticæ ἀντιστροφὴν Rhetoricam Aristoteles

appellauit, idest, vt M. Tullius interpretatur, ex altera parte respondentem, finitimam, atque cognatam. Verè mea quidem sententia, atque præclarè. Communis siquidem vtrique facultati campus excurritur; vtraque de rebus omnibus in contrarias partes communiter differit; idem genus vtramque complectitur; ab eodem quasi trunco ambæ proficiuntur. Non libet hic in singulis immorari: illud tamen animaduerto, Quirites, eodem planè loco Dialecticam, ac Rhetoricam ea potissimùm de causa habendas esse, quòd ex vtraque Sophistæ infelicitèr orti sunt, genus hominum turbulentum, ac fallax, ad perdendam veritatem, atque animos prauis opinionibus imbuendos, infelici fidere profeminatum. Neque aliter hæc accipiantur à vobis, atque à me dicuntur, Auditores. Intelligo siquidem Sophistæ nomen dignitatis olim, honorisque plenissimum fuisse; nam & apud Athenæum artis Musicæ moderatores, & apud Suidam Medici, & in Clemente Alexandrino Poëtæ singulæ hac Sophistæ appellatione censentur. Scio celebres illos Aeolum, Sisyphum, Herculem, Protheum, omnes demum, qui ex Platonis definitione Heroës dici meritò possunt, eosdem etiam Sophistas honoris gratia, nuncupari: vt taceam interim, quòd de Solone sapientissimo

Themist.
oraz. 4. Pla-
to in Prota-
gora Phi-
lostr. l. 1.
Sophist. A-
then. l. 14.
Clem. Alex.
in Protrep.
& alibi.
Lucian in
Rhet. præ-
cept.
Plato in
Cratyl.

Isocr. orat.
 de permut.
 Themist.
 orat. 4.
 Tertull. lib.
 de anim. c.
 24. in apo-
 loget. c. 47.
 Chrylost. in
 Ep. Apost.
 ad Ephes.
 Philost. in
 Hippias.
 Lucian. in
 Bisacc.
 Dio 1. 11.
 Philostr. in
 Scopeliano.
 Declamat.
 29. Philostr.
 in Aristid.
 Eunap. in
 Proenctio
 Aristid. ora-
 tione 2.
 Plat.

sene Isocrates, atque Themistius; de Pythago-
 ra terrestri illo oraculo, Tertullianus memoriae
 prodidit. Noui Sophistas, ut viros ex cœlo dela-
 psos admirabili hominum concursu, & pompa
 exceptos; publicè ciuitate donatos, tribus
 in scriptis, legationibus honestatos: eorum ima-
 gines in priuatis Bibliothecis asseruari solitas le-
 gi: illos tanquam genios, & formæ angustioris
 Indigites vbique gentium cultos apud Liba-
 nium obseruavi: illis statuas colossæas, ne homi-
 num præstantissimorum memoria interiret, ce-
 leberrimo in loco positas cum magnificentissi-
 mis elogijs didici: apud Platonem denique Deos
 ipsos, & quidem maiorum gentium Deos, Io-
 uem in Minoë, Plutonem in Cratylo, Amorem
 in Conuiuio, Sophistas dictos esse comperio. At-
 qui ego non de excellentibus illis viris hodie-
 nam disputationem instituo, Quirites. Sophi-
 stam cum dico, hominem intelligo ita omnibus
 instructum dolis, ut siue tortuoso disputandi
 genere mentes adoriatur, & pungat; siue fuso,
 explicatoque sermone ad animos suauiter af-
 fluat, atque illabatur, semper tamen, vel diale-
 cticis captionibus eludat hominum intelligen-
 tiam, vel perturbationibus animi auditorum
 sollicitet voluntates. Neque id à me temerè ex-
 cogitari, testis erit satis opinor locuples Græco-
 rum

rum Patrum disertissimus Clemens Alexandri-
 nus, qui vniuersam Sophistarum disciplinam
 duplici hoc fallendi artificio potissimum conti-
 neri, & quodammodo coalescere affirmatè pro-
 nuntiat: quod fortasse hauserat à Platone in ex-
 trema illa dissertatione, quæ Sophista inscribitur,
 siue de Ente. Cui ergo mira videri iam debeat
 Rhetorices, ac Dialecticæ affinitas, atque con-
 sensio, ab Aristotele initio operis indicata, cum
 vtraque ad labefactandum genus humanum
 studiosè conspiret, licet vnaquæque diuersa graf-
 setur via; in Sophistam vtraque artis suæ thesau-
 ros non tam liberaliter conferat, quàm prodigat
 impudenter, quibus ad communem omnium
 perniciem infelicitè abutatur? Neque ille se de-
 ferit, Auditores, sed strenuè, atque constanter
 demandatas sibi partes stolidè ingeniosus exe-
 quitur. Hinc illæ insidiosi, vibratique sermonis
 argutiæ ad simpliciorum animos implicandos;
 hinc genus illud præstigiarum cauillationibus,
 versutijsque conflatū; hinc verborum aucupia,
 & tendiculæ literarum; hinc labyrinthi, nexus,
 effugia, ludificationes; hinc contorta, & acu-
 leata sophismata; hinc denique, vt cum Seneca
 loquar, solertissimæ nugæ, quibus rusticorum,
 aut iuuenum mentibus, callidissimi ineptiarum
 artifices imponant. Quorum aliquem si lubrica

Stromat. l. 1.
 Item docet
 3 August. l.
 2. de doctr.
 Christi.

Nissen con.
 Ennom. lib.
 12. Iulian. in
 Cæsar. Eu-
 nap. in Ma-
 ximo Lu-
 cian. in fu-
 gitiu. Epist.
 117.

Plato in Eu-
tidemo.

Lib. de ani-
ma cap. 18.

Laërt. in
Chryſip.
Sen. ep. 45.
& 49. Argel.
lib. 18. cap. 2.
Sext. Em-
pir. Pyrron.
hyporipof.
lib. 2. ca. 22.

Sueton. in
Domit.

huiusmodi , atque implicata argumentatione
deceperint , tum demum quaſi cum Perſarum
Rege manus conſeruerint , aut de Mithridate
triumpharint , ſtatuum ſibi è pario credo marmo-
re , aut ex ære Corinthio ponendam in Curia po-
ſtulabunt. Huccine tandem recidit egregius ille
calor animorum hauſtus è cœlo ? huccine inge-
nij vigor à Deo conditore mortalibus inditus ?
huccine volucres intelligentiæ motus , ipſa na-
turæ deſtinatione felices ? An tanti eſt tormenta
quædam cruciandæ ſimplicitatis , & ſuspenden-
dæ veritatis excogitare , quòd alicubi dixit Ter-
tullianus , vt eorum inſolentia victus neſcio quis
de triuiο bardus frontem manibus tentet ſuam ;
exploraturus ſcilicet vtrum cornua fruticentur ,
quæ non illi natura rerum procreatrix inſeuit , ſed
in eius caput ſcurrilis Sophiſtæ garrulitas impe-
git ? Ita enim apud Laërtium & Senecam iſto-
rum de grege feſtius , & dicax , ingenioſè nuga-
tur , vt vnumquemque primò dicat habere , quod
non amiſit , mox neſcio quē habere cornua , quod
ea non amiſerit planè conficiat. O ſubtilem non
inſaceti nebulonis collectionem ! ô prædicanda
operoſè delirantium meditata ! Flauium
Domitianum , portentum illud Cæſarum de-
mentiſſimum , contumelijs veterum monu-
menta proſcindunt , quòd ſumpto ſibi horario

secretò muscas summo studio captaret, captas muscarius carnifex acuto stilo configeret. Cæsaream planè curam, cladem imperatoria virtute dignissimam. At oro vos, Quirites, quid tandem grauius, quid seuerius, quid sanctius agitant ingenia Sophistarum, dum plagas nescioquas verborum perplexitate contexunt, inde fallacibus conclusiunculis, quasi punctim feriunt imprudentes? Scepticorum sane princeps Aristo, ignauum, atque iners hoc disputandi genus aranearum telis ait esse persimile, quæ licet artificiosum quid indicare videantur, inutiles tamen eas, & ad solam muscarum venationem opportunas experimur.

Ica Cic. 4.
Academ.

Cic. l. 4. de
finibus ita
Cic. lib. de
fato. Diog.
Laërt.

Atqui si leuia sunt, si vana, si despicata hæc ludicra philosophantium somnia; si dum sapienter, & cogitatè desipiunt, nihil afferunt præter ludibria ingeniorum, & nugatorium gloriæ cito contabescentis aucupium, næ tu dum illos prolixius insectaris (inquit non nemo) umbras sequeris fugientes, & vanescentia rerum simulachra complecteris. Audio. Non abiectum tamen atque humile apud vos erit, opinor, Platonis nomen. at ille nihil habet antiquius, quàm versipelle hoc philosophiæ monstrum Socratis manibus iugulare. hinc omnes differendi formas pari felicitate persequitur, vt veteratorum ani-

malè eleganter in Gorgia, ingeniosè in Eutidemo, facerè in vtroque Hippià, acutè in Sophista, in Protagora artificiosè confodiat. Atque vtinam, Quirites, nihil esset nobis magnopere formidandum ab ijs, præter fallaces importunæ loquacitatis illecebras; esset cur nobis iure gratularemur, quicumque bonarum artium studia, morum institutione, cultuque animi definimus.

De hac re
viden. Sen-
nec. ep. 45.
49. 82. 83.
85. & 111.

At est aliquid maius, quod bonorum animos vehementer commoueat, est quod in improbissimos cauillatores disertorum hominum doctrinam extimulet, prouocet eloquentiam, irritet ingenia; est quod viri sapientissimi, hoc est vestri similes, auersentur, oderint, perhorrescant. Postquam enim capitula illa luctuosè ridicula, malè in veritatem animata, leuioribus versutijs, quasi quadam velitatione proluserint, & prima mendacij rudimenta posuerint, tum demum veluti tentatis viribus, exactoque tyrocinio ferociores, infestius insurgunt, impressionem faciunt, arcem ipsam probitatis inuadunt. Tunc enim uero quæ cernuntur passim vulnera simplicitatis? quæ sapientiæ clades? quæ strages animorum? quæ funera veritatis? quæ busta virtutis? Nec iam indoctas gregariorum animas artibus dignantur suis, superbissimi ludiones, sed in ipsa consularia, & prætoria sapientum capita debacchantur.

Lucian. in
loue con-
sultato Ari-
stoph. in
nubibus.

3. August. l.
2. de doctr.
Christ. Ari-

Vidit hoc Stoicæ disciplinæ antesignanus Epictetus, dum æquè hominum ingenia contra Sophistarum temeritatem præmunienda, atque custodiendum animum aduersus fortunæ licentiam dixit. Vidit Aristoteles illud naturæ miraculum, qui vim ab istiusmodi pestibus etiam sapientioribus imminentem, doctissimis editis libris anteuertit, debilitauit, infregit. Vidit Socrates, qui, Plutarcho teste, eam disputandi inijt rationem, sibi vnice propriam, quam *ὡς αὖτε φάρμακον* adhiberet, ad inutiles Sophistarum contentiones, & sordes eluendas. Viderunt inter Christianæ religionis antistites longè doctissimi Nazianzenus Basilii, & Rupertus, qui malum dæmonem, vāferrium primorum Parentum deceptorem, Sophistam per contumeliam nuncuparunt. At nullus opinor hoc vidit, siue ad intelligentiam acutiùs, siue ad experimentum efficaciùs, siue ad vtilitatem opportuniùs, siue ad opportunitatem fructuosius Catone Censorio; cuius ego sententiæ dum recordor, si non animus alienatur à sensibus, diuturna saltem rei admiratione defigitur. Audite quæso diligenter Quirites. Romam Carneades ab Atheniensibus missus est, de mulcta deprecanda legatus. Is ad redarguendas Chrysippi subtilitates, elletoro caput iam pridem solitus præparare, tunc

Stor. lib. 1.
Elench. c. 2.
Arrian. l. 3.
c. 3. initio
Vide etiam
Clem. Alex.
Strom. lib. 1.
Plotin. En-
nead. 1. lib.
3. videndus
omnino.

In quæst.
Platon.

Nazianz.
orat. 14. Ba-
sil. Homil.
12. Rupert.
l. 3. in Gen.
cap. 7.

Gell. lib. 17.
cap. 28.
Plin. lib. 25.
cap. 35.

Val. Max.
l. 3. cap. 6.

Plutarch. in
Catone.

Flor. l. 1. c.
18. Plutarc.
in Pyrrho
Lilius l. 9.
Cic. 1. Tus-
cul. quæst.
initio & s.
de finibus.

totus ad pompam fictus, nescio quos famæ rum-
musculos, inani sapientiæ ostentatione nundi-
nabatur. Eò igitur deuentum est, vt de iustitia
primò, inde contra iustitiam pari animi conten-
tione differeret. Hæsit nimirū Cato veritatis cul-
tor, & custos eximius; alióque male feriatī So-
phistæ versutiam transferens, de legatione ab
Vrbepellenda retulit ad Senatum: veritus scili-
cet, ne Romana Respublica, quantumuis, vt cum
Plauto loquar, oculata, in argumento tam gra-
ui, versatilis ingenij laqueis caperetur, & præpo-
sterum aliquid, atque peruersum de iustitia no-
lens, volens, aut statueret, aut sentiret. Proh
tuam, Cato, nimis humilem, nimis abiectam de
Populo Romano sententiam! Quid enim? semi-
græculi nesciocuius loquacitatem Senatus, Po-
pulusque Romanus sibi timendam putaret? ne-
farij, & propè insanientis declamatoris callidita-
tem non depræhenderet Senatus? Populusque
Romanus? ille ille Senatus, qui terrarum orbem
vniuersum incredibili sapientiæ suæ admiratio-
ne compleuit: ille qui remotissimis dissitas inter-
uallis, & toto diuisas orbe regiones doctrinæ fa-
ma copulauit: ille qui amplissimorum Regum
confessus legatis hostium visus, imminensem
Reipublicæ iugulo superbissimum Principem
prudentiæ opinione deterruit: ille qui victrici-

bus armis intima Græciæ peruagatus, non tam Capitolium victarum gentium manubijs, quàm Vibem doctrinarum spolijs locupletauit: ille qui non rariùs de vitijs, quàm de hostibus triumphator, & arma repressit armis, copias copijs fudit, victorias victorijs obscurauit, & audaciam consilio, sapientia temeritatem, fraudes prudentia, constantia leuitatem, fide perfidiam profligauit; ille qui tanquam cæleste oraculum iura gentibus, populis sanctiones, leges imperijs, decreta Principibus scripsit: ille cuius penè lactentis incunabula latinæ eloquentiæ communia rerum natura constituit; cuius adolescentis in sinu ipsa etiam adoleuit; quo iam ætate integro ipsa maturuit; quo senescente consenuit; quo decumbente decubuit: ille qui vt fines Imperij sola orientis, & occidentis solis peregrinatione definiuit, ita cælo animos, sideribus gloriam, rectè factorum commemorationem immensis prope voluminibus circumscripsit: ille inquam Carneadis nesciocuius delirantis insidias pertimesceret? mali aliquid sibi ab impuri Sophistæ declamatione metueret? Reipublicę salutem istiusmodi præstigijs in discrimen adducendam crederet? Potuit armatus Annibal, & sæpe victor, & Urbis ipsius mœnibus applicitus, ad portam Collinam licenter obequitans à Populo Roma-

Valer. Max.
l. 7. c. 1 & l.
6. c. 6. Li-
uius lib. 15.
Florus l. 2.
c. 2. Valer.
l. 2. c. 3. Liu.
lib. 42. c. 8.
Claudian.
in Stilic.
paneg. 3.
Rutil. Num-
mat. in Iti-
nerar. lib. 1.
Hor. carm.
lib. 3. od. 3.

Dionys.
Halicarn.
Præfat. an-
tiq. Rom.

Liu. lib. 26.

no contemni; & inermis in media vrbe Carneades otiosè declamitans, à Populo Romano timebitur? Post Trasimenum, post Alliam, post Cannas, execrata Quiritibus nomina, toties funestis populorum cladibus impetitum Romanum stetit imperium, & vnus eiusdemque mendacissimi nugatoris voce labefactatum semel Romanum cadet Imperium? Vidit Roma iam ciuibus propemodum exhausta ad Anienem fluuium posita hostium castra, nec timuit; imò tunc potissimum milites sub vexillis in Hispaniam transmisit; & ad inania Græculi cauillatoris mendacia exterrebitur Roma? Nimirum ita est AA. si per otium libet annalium monumenta reuolucere, atque pacatas, & liberas ciuitates cogitatione metiri, quos concionum fluctus, quas insanæ multitudinis tempestates, quæ naufragia Rerum publicarum nō reperiemus Sophistarum artibus excitata? Vt enim parum syllogysinis, atque argumentatione aliquando profecerint, concitato certè, ac vehementi dicendi genere (quod alterum erat caput prolusionis meæ) tumultu, ac trepidatione in animis excitata, cò apertis Rhetoricæ viribus Auditores sæpiùs impulerunt, quo latentibus Dialecticæ cuniculis non potuissent fortasse protrahere. Quod ne mirum alicui videatur, huius ego victoriæ causas,

Claudian.
in Scilic. l. 1.
Florus lib.
1. cap. 6.
Liuus l. 26.

causas, Vobis, vti spero, non improbantibus, breuissimo orationis ambitu comprehendam.

Hominum animis, ab ipso statim humani generis exortu, affectiones quasdam à Deo inditas fuisse, nemo ex sapientioribus ambigit, si modò Stoicorum nationem excipias, qui eas arbitrantur voluntate susceptas. Harum verò affectionum ea vis est, atque præstantia, vt si ad rectam vitæ institutionem cum Ratione conspirent, perfecta tranquillæ Reipublicæ forma in nobis existat. Ratio siquidem à Deo mortalibus tanquam legumatrix imposita, intelligentiæ, ac voluntatis veluti consulum ministerio, in aristocratico vititur principatu: affectiones autem animi, ac sensus corporis, plebem videlicet imperitam, habet in potestate. Verùm si forte imperanti facultati sentientis animæ satellitium obstrepat, & incalescente affectionum seditione, populari libidini seruire miserandum in modum Ratio cogatur; tunc enim uerò intoleranda rerum peruerlitate (quod Tyrius Maximus Platoniorum elegantissimus dixit) Pericles abit, exulat Aristides, moritur Socrates, Nicias amandatur, prouincias cupiditatibus suis destinant Sphaeteriam Cleo, Trasillus Ioniam, Siciliam Alcibiades: hoc est animus legitimo Rationis imperio subductus, in voluptatibus discinctus, in iracundia præceps,

Dissert. 15.

in ambiendis honoribus immodicus, impotens in gerendis, in secunda fortuna elatus sine modo, in aduersa deiectus sine spe; tyrannidem inuehit virtutum omnium exilio deplorandam. Atque hæc est illa tyrannis, quam in Platonis Gorgia Oratoribus adscripsit Polus. Cùm enim imperium in animi perturbationes, & in Philæbo Plato, & in Rhetoricis Aristoteles Oratoribus adiudicarint, viribus illi tribunitiæ potestatis abutentes, cæcam affectionum multitudinem versant, atque agunt arbitrio suo. Quoniam autem huiusmodi motiones eorum sententiam mutant, vt docuit Aristoteles, quorum in animis commouentur, hinc tandem fit, vt Oratores perturbatos semel, atque effeuescentes auditores, vel adducant quò velint, vel vnde velint abducant, & in sua vota, libera parendi necessitate compellant. Vos ego testes disputationis meæ, vos ad stipulatores appello Athenienses, Argiui, Romani, Megarenenses, Oratorum artibus de imperio deturbati, libertate spoliati, mutua ciuium strage confossi, vltima penè internecione deleti. Vos Pisistrati, Pericles, Alcibiades, Gracchi, magna utique procerum nomina, magna eloquentiæ numina, sed funesta Patriæ, sed ciuibus luctuosa. Vos Egeiæ, Cineiæ, & quocumque tandem nomine dictus es, Bizantiæ declamator

2. Rhet.

Plutarch in
Gracch.

Diod. l. i.
Plut. in
quæst. Gre-
cæ & in So-
lone.

Iust. lib. 2.
Cic. 3. de
Orat. & in
Bruto.

legum hostes, Virbium euersores, ofores vitæ, Plur. in Pericle Laert. in Aristip. Cic. i. Tusc. quæst. Sext. Empir. aduers. Mathem. c. 18.
 vos inquam exemplo opportunè docebitis, Orationum vi mortalium corda percelli, constantiam labefactari, ingenia præstringi, voluntates illigari; vbi præsertim non per aures tantum, sed etiam per oculos trajectæ rerum imagines, audientes stolidam quadam admiratione defigunt.

Quis enim animus ita ferreus est, quæ viscera Val. Max. lib. 8. cap. 10.
 tam lapidea, vt illa non expugnet acerrimus vigor oculorum, terribile vultus pondus, accommodatus singulis verbis vocis sonus, efficacissimus corporis motus, cum oratio pronuntiantis affectibus exardescens, tanquam amentata vehementius intorquetur? Adeste quæso animis, Quirites; quotquot adestis corporibus, adeste diligenter, vt humanitas vestra postulat; rei que præstantia: narrabo facinus, non à maiorum annalibus, monumētisque petitur, sed nouum omnino admiratione plenum, expectatione maius, paucis admodum cognitum, multis fortasse penitus inauditum.

Fuit superioribus annis in ipso Italiæ corde non nemo (cuius nomini parcitur, vt pudori parcat) religiosus in paucis, & rebus & diuini nominis cultum spectantibus mirificè addictus. Verum is, vt fert humanarum rerum vicissitudo, sanctimonix calore paulatim intepefcente,

illatam domesticis suis cladem vlturus, in apertum penè latrocinium descendit. Coacta siquidem desperatorum exulum manu, noua quotidie incredibilis edebat documenta feritatis: atque vt est vberima fœcunditas scelerum, eò improbitatis, dementiaeque processit, vt non raro dira, ac detestanda impuri capitis flagitia ipsi etiam scelerum administri obstinatissimè auersarentur. Hoc perditæ crudelitatis impedimentum, vt qua posset arte remoueret, contaminatos latrocinij sui socios dissimulato consilio conuocabat: atque ex editiori collis clementer assurgentis cliuo totus ad modestiam, pietatemque compositus, oculis lacrymis tumescentibus, de Christi Domini cruciatibus disputationem instituebat. Et quamuis ad ferrea etiam pectora confringenda, sufficere potuisset qualis qualis atrocitatis tantæ commemoratio, dolores tamen illos omni cogitatione diriores non solum singillatim enumerare, sed acri etiam, & queribunda oratione amplificare: discissum verberibus corpus, rigida spinarum corona traiectum caput, manus, pedesque acuminato ferro confixos, prodigiosos imbres sanguinis, nouercae fellis, & aceti poculum, omnia denique ad sensum commiserationis exprimendum, lacrimis profusè manantibus, admirabili animi ardore,

acerrimo gestu corporis recensere; donec ingens sociorum consecuta collacrimatio emollos iam animos, atque flexibiles lamentabili testificatione patefaceret. Verūmenimvero quid expectatis, Quirites? ut homines profligatos, ac truces in Christi Domini commiserationem inflammet? ut vitam per omne nefariorum facinorum dedecus decurrētem aliò deflectendam maturè commoneat? ut ætatis antea ctæ picula lacrimis eluenda proponat? ut sanguinem pro sanguine reddendum prædicet? nimis religiosa sunt hæc, atque ab immanissimo omnis sceleris architecto prorsus aliena. at effusam erga nos Seruatoris munificentiam simulatis lacrimis deridebat? charitatem eleuabat? pietatem eludebat? Dei hominis mortem acerbissimam misericordię simulatione inhumanè facetus excipiebat? Vulgaria ista sunt, atque impijs vsitata. Atroxnefarij declamatoris ingenium, funesta infamissimi prædonis eloquentia nihil nisi nouum, inauditum, turbulentum, impium meditatur. Quid igitur, dicat aliquis, quid interpuncta gemitibus verba, quid oratio crebris agitata fustpirijs agebat? fingite vobis quàm vultis terrorem, execrandumque facinus, Quirites, horribilius erit quod dicam, si tamen dicam, atque omnium opinione funestius. Animos nactus mi-

ferabili dolorum commemoratione delinitos, ac faciles, quique iam quamlibet in partem versari possent; tum demum totis eloquentiæ viribus effusis, quò inexpiabilis libido suaderet, cæcos, ac perturbatos impellebat. Vidisses in oculis ardere sæuitiam, tumultuari in pectore crudelitatis incendia, quorum vestigia in truci quodam frontis horrore legisses. Frendebat dementissima sicariorum manus, & arcanis quodammodo furijs agitata, in quodlibet inausum, ac paulo ante votis omnibus detestatum facinus ferebatur. Ita ne verò? cruor ille delicatus, ac regius, qui de innocentis Agni corpore lacero, fixoque scaturijt, ad hominum voluntates in omnem improbitatem compellendas fuit adhibendus? Tu ne inquam purpura salutaris, ac sancta, quæ vt mortalium animos, quotidiana criminum contagione decolores in pristinam lucem reuocares, è diuini pectoris concha vulneris atrocitate confracta, die illo funestissimo emicasti, ac scena rerum, hac fæce temporum in memoriam reuocari debuisti, vt flagitiosi latrones tuis facibus inflammati manus extremis sceleribus inquinarent? Tu ne augustum Dei hominis caput sacrarium Diuinitatis, sed sanguine, spinis, crinibusque conuulsis delonorum, in humani generis salutem Deo parenti deuotum,

proponendum fuisti mentibus posterorum, ut in tui commemoratione nominis nefariorum hominum feritas recrudesceret, & desperati declamatoris exultaret oratio? Tantum peruersitatis, tantum dementiæ, tantum temeritatis? O tempora portentis istiusmodi planè funesta! ô mores terribilissimis istis pestibus planè corruptos!

Atque hæc ferè sunt, quæ de duplici Sophistarum artificio dicenda susceperam, ad Rhetorices cum Dialectica cognationem, ex Aristotelis opinione cognoscendam; quæ licet exaggerata, ac propè tragicè ferali oratione incogitanter amplificarim, non eò tamen consilia retuli mea, ut nobilissimas disciplinas, veræ sapientiæ suis artibus ancillantes malignè traducerem. Verùm quemadmodum in Gorgia Socrates, facultatibus, quæ tum ad corporis valetudinem, cum ad institutionem animi à Viris sapientibus adhibentur, enumeratis, earum statim assentatrices copiosè declarat, ita ego monstra hæc disciplinarum, humanæ inertiae vitio, ad germanæ doctrinæ simulationem efficta, ipso statim initio in bono lumine collocavi; ne quorundam ingemalubrico artium confinio, & indiffereto, quod aiunt, rerum colore fallantur. Quam in sententiam cum me non amor partium, sed studium veritatis impulerit, ne quum facere prudentis-

Plut. in
Gorg. vide
Quintil. 1.
2. cap. 16.

Idem præ-
stat Max.
Tyrus dis-
sert. 10.

simis iudicibus videar, ex Arcopagi legibus sine
peroratione perorabo.

Dē memoria præstantia simul ac fragilitate.

PROLVSIO DECIMATERTIA.

NEscio quonam hominum generis infor-
tunio factum sit, vt quæ mortalibus, vel
ad ornamentum præclara, vel ad præsidium ne-
cessaria diuinitus obtigere, ea incertis obiecta
casibus, certis iniurijs opportuna nobilitatem
imbecillitate compensent; fructum fragilitate
corrumpant. Non immorabor in singulis, ne
ambitiōsè videar mœroris alimenta conquirere.
Verùm (vt de vitæ breuitate cum Hippocrate,
ac Teophrasto non querar) eximia illa humanæ
pulchritudinis dignitas, atque maiestas, nonne
tanta humanæ infirmitatis humilitate deprimi-
tur, vt non tam de illius præstantia gloriari,
quàm lugere pro huius debilitate possimus? illu-
stris planè res est, singularis, ac propè diuina be-
ne compacti corporis pulchritudo, & quæ non
solemnia tantum in Græcorum ludis certami-
na, quod legimus in Athenæo; sed (si Poëtarum
more fabulari licet) iustissima Deorum quoque
iurgia prouocarit, regij pastoris, eiusdemque iu-
diciis

dicis arbitrio dirimenda. Atque vtrinam semina illa offensionum, atque rixarum, in Idæ vertice Paridis sententia præfocata, in cæli hortos infelici satione translata non essent; non haberet cur tantopere in libris de Republica Plato Homericas Deorum pugnas exagitarer, styloque confoderet. Verum ita contigit Auditores, Æterna illa numina, admirabili semper animorum consensione, in terrarum orbis administratione constantia, vbi semel Græci de pulchritudine repetenda litem Troianis contestati sunt, (quæ integro decennio vtrimque ferociter agitata, Troiani tandem imperij excidio perorata est) illico distracta partium studijs exarsere: iidemque cælestis Reipublicæ Senatores, qui, vt in Chandidemo Lucianus animaduertit, in Titanum temeritatem consentientibus animis, armisque sæuierant, mox Helenæ pulchritudine de mentis sanitate deiecti, odijs inter se plusquam ciuilibus transgere: & quamuis in pertinaci illa, & maxime luctuosa Troianæ yrbis obsidione, filios suos certò perituros, Deorum plerique cognoscerent, tanti tamen fuit vnus sibi, sæminæ pulchritudinem vindicare. Marti simul, ac Veneri vulnere stetit Helenæ forma, vt Homerus est auctor. Sed delirantium sunt hæc somnia, vocibus fusa Poëtarum atque ipsa suauitate nocen-

tia, vt alicubi queritur Tullius. Non inficior. Sapientum tamen, somnia imperitorum vigilijs prudentiora esse non ambigo. licet enim veritas à Poëtis tanquam à testibus exigenda non sit, eam tamen Fabularum inuolucris doctrinæ speciem præferunt, atque sapientiæ, vt morum, vitæque magistri à prudentioribus audiant. Neque aliud vel Paridis iudicio, vel Deorum digladiatione voluerunt, quàm vt ingenio, diuitijs, imperio, cæterisque fortunæ bonis vnam corporis pulchritudinem, eorum exemplo anteferendam intelligamus. Hinc minùs iam eorum admiratione, seu potius stupore commoueor, qui apud Pausaniam præstantissima Medusæ forma prope dixerim exanimati, decantatæ sæpius fabulæ locum fecere, vt Gorgonis aspectu in lapides degenerasse credantur. Qui enim auspiciatissima inter omnia formosorum occursum retulere, nã illi diuini vultus siue radium, siue simulachrum in elegantia formæ quodammodo coruscare, cum Platonicorum elegantissimis opinabantur, cuius illicio hominum animi violenter abrepti, corporisque diuersorum perosi, in extraria, vt ita dicam, pulchritudine conquiescerent. Et meritò quidem animos aucupatur formæ venustas, quæ ab animis oritur, eorumque beneficio, Plutarcho teste, in corpora deriuatur. Cum sint er-

go munera pulchritudinis, & genere maxima, & numero infinita, & specie præclara, & efficacia mirifica, & ipsa commemoratione iucundissima; an non eadem esse oportuit, & stabilitate, constantia, & viriditate florentia, & soliditate perpetua, & viribus incorrupta, & diuturnitate immortalia? si pulchritudo ad ornatum, & pompam corporis diuinitus est oblata mortalibus, an non eam saltem decuit simul interire cum corpore? & sibi tamen, heu quàm celeriter infelix immoritur! momento temporis elegans illud, non iam ludentis, aut sese tentantis, sed serio suis honoribus blandientis naturæ machinamentum, ipsa dixerim natura nouercante, dissipatur, dissoluitur, euanescit, Nimirum flos est corporis pulchritudo, flos sanitatis indelibatæ, flos animæ pulchro innatus corpori, futuræ flos virtutis, & maioris præludium pulchritudinis: ita disertè Græcorum disertissimi docuerunt; vt genus humanum dum sapientissima floris appellatione venustatem sibi fingit in animo, simul tamen formæ fragilitatem, pulchritudinis fugam, oris speciem deflorescentis intelligat. Lubrica quippe res est, Auditores, caduca, prope diurna, atque adeò continuò contabescens, vno verbo, florea elegancia vultus humani; vt appositè impavidus sacrarum literarum philosophus Iobus pronun-

Iob. cap. 14.

ciarit aliquando de homine, *qui quasi flos egreditur, & conteritur, & fugit velut umbra.*

Auream quamdam virgam mirabilium operum molitricem, Mineruæ suæ affinxit Poëtarum Plato: qua cum Vlyssæm leuiter attigisset, omnium opinione celerius ora pulcherrimi principis occupauit situs; honestissimi capitis crines effluxere; nitida cutis exaruit, elanguit vigor oculorum, flos masculæ, atque, vt ita dicam, heroicæ pulchritudinis prorsus extabuit. Nimis operosè diuina se Mineruæ virtus exeruit in re leuissima, & quæ numen, quod aiunt, è machina non requireret: satis erat, vt existimat Phauorinus, inclyti Ducis corpus vel triduum fame conficere; vel si libebat febricula pertentare, aut rem arbitrio temporis permittere, aut animum importuni spiritu mœroris afflari: tam obuia, tam parata, tam multiplex pulchritudinis iactura est. Hinc non minus verè, quàm tragicè, in ea fabula, quæ ab Hippolyto nomen accepit, consenescentem formam Seneca lamentatur.

Senec. in
Hipp. act. 1.

*Anceps forma bonum mortalibus,
Exigui donum breue temporis,
Vt velox celeri pede laberis.*

Et si liceret per parodiam Poëtarum maximi versus vsurpare, an in formam, quæ ille de fama cecinit, opportunè non caderent?

*Forma bonum, quo non aliud velocius ullum
Mobilitate perit, viresque amittit eundo.*

Vide Virg.
4. Æncid.

Vt ignoscendum propemodum impijs Petronij
vocibus dixerim, qui pulchritudinis vitream,
hoc est in ipso splendore percuntem maiestatem
deplorans ait,

*O fallax natura Deum, qua prima dedisti
Ætati nostræ gaudia, prima rapis.*

Petron. 3a-
tyr. p. 6j.

Hæc omnia cum apud me senio meditarer, non
ideò facturum me operæpretium existimaui, si
mortalium quærimonijs intermiscens meas, mo-
rienti pulchritudini communi veluti funere pa-
rentarē. Verum id vnum potius ago diligenter,
vt æquioribus animis me de memoria dissen-
tem audire, pro vestra facilitate velit. Quod vt
confidentissimè sperem facit humanitas vestra,
argumenti magnitudini par, atque in dicentis
ingenium omnium opinione prolixior. Si enim
detrimenta pulchritudinis, (quod caducum
summæ cutis integumentum, ad implendam
præcipuè adolescentiæ scenam concessum est)
vsque adeò moleste ferunt plerique mortalium,
vt quotidiano penè conuicio cum rerum natu-
rarixentur; an non æquiùs ego illius malignita-
tem in honestissima concione traducam, quæ
cum inter præclaras animæ dotes, memoriam
hominum generi largita sit (quo præsidio nihil

bonarum artium studijs præstabilius accidit) illam tamen ijs periculis obiecit, seu intemperijs potius agendam permisit, vt vel odisse muneris sui dignitatem, vel inuidia humanæ foelicitatis laborare videatur? Quod vt probaturum me non longa dissertatione recipio, ita fidem meam facile liberabo, si primo loco memoriæ laudibus cursim enumeratis, illius imbecillitatem, qua par est animi commotione defleuero: mox quid à maioribus acceptum, per manus nobis posteritas, ad iacturam fariendam tradiderit, continenti quodam tractu orationis aperuero.

Et argumentum sanè ad dicendum nactus amplissimum, non tamen Poëtarum more, ad Musas in ipso dissertationis exordio prouocabo, vt per eas mihi liceat in earum sacraria pedem inferre; sed Critiæ apud Platonem monitis excitatus, ipsam potius Mnemosynem obsecrabo, vt abditos, ac retrusos imperij sui thesauros; vobis in oratione mea per otium contemplandos exponat: atque ita fiet, vt luculentum apud vos extet pignus diuinitatis, qua memoriam olim à priscis sapientibus decoratam scriptorum monumenta testantur. Multa quondam, & potestate disparia, & munere dissimilia, & appellatione diuersa, & forma contraria numina fuisse comperio. Prisca siquidem mortalium gens, in decer-

nenda hominibus immortalitate vsque ad prodigium liberalis, Deorum magis, quàm hominum censum auxit; pluresque cœlo mortales intulit, quàm peregrinos ciuitate donauit. Nec Ægypti portenta commemoro, hortensia videlicet numina, serenis, vt ille ait, Nili imbribus irrigata; latrantes item Deos hoc loco prætereo: illorum potius rationem habendam Deorum, sine vlla veræ religionis iniuria statuo, quæ cùm à virtutibus & appellationem simul, & munus acceperint, tanquam admirabile mortalium bonum, specie diuinitatis à sapientibus iure coluntur. Hos autem cùm dico, Mentem intelligo, Amorem, Fidem, Concordiam, Honorem, Virtutem, & huiusmodi multa Augustini viri sanctissimi æternis literis consignata; eleganti M. Tullij stilo posteritati transmissa. Inter quæ nomina, dignitatis, venerationisque plenissima, cùm Memoria Mnemosynes vocabulo, apud antiquissimos designata meritò veniat, nonne illa satis ad immortalitatem, ac laudem præsidij à tam illustri notione mutuabitur? Et decuit omnino, si augustissimum Dei templum à Demosthene mortalium pectus appellatur, eas potissimum humani animi dotes diuinitatis elogio cohonestare, quæ cùm sint nobis diuinitus datæ, multum de cælesti cognatione trahunt, atque

originem suam cum dignitate repræsentant. Verùm vt hoc de reliquis animi quasi numinibus dicatur idoneè; Memoria sanè quemadmodum reliqua dignitate, ac viribus antecellit, ita loco, atque honorifica sedis appellatione, à cæteris quasi à minorum numinum plebe, secernitur: nec in homine templi adyta, in quibus colatur, vt reliqua, sed cæli prætorium, in quo cum Ratione imperet, occupauit: quod vt planissimè intelligatis aduertite.

Humani corporis formam, & quandam quasi structuram distributè dispartiens in Timæo Platō, medullam capitis globosam, ac teretem, quam cerebrum nominamus; agrum foeliciter excultum, atque subactum, ad diuinum semen, hoc est Rationem, excipiendum dixit. Appositè, vt ego quidem arbitror, atque sapienter. At non minus aptè, & procul dubio magnificè magis Homerus eundem cerebrum cæli nomine definiuit: in quo videlicet præclara illa numina, de quibus paulò ante differebam, Ratio, atque Memoria, tanquam in diuinitatis augustali, communicatis vtrinque fascibus dominantur. Quod aut excogitatum temerè, aut stultè pronunciatum affirmabit nemo, qui calamitosus sponte non sit, & ambitiosè infelicitatem aduletur suam. Si enim hominum corpora animorum

carcerem

carcerem esse tenebricosum, ac fœdum opinabantur philosophantium antiquissimi, in quem illa omnia confluxissent, quæ apud inferos Poëtarum excogitauit ingenium, Cocytus, Acheron, Styx, Prometheæ volucres, Tantali epulæ famelices, & huiusmodi deliramenta quamplurima; cur tam miseri consultò simus, vt cæli etiam beatitatem, atque delicias non agnoscamus in nobis, & lethæo obliuionis fluuio Memorix diuinitatem non opponamus? In Trophonij certè templum ad vota nuncupanda, & oraculum consulendum descensuri, epotis primò obliuionis liquoribus, statim Memorix vndas hauriebant; vtriusque siquidem fontem propè templum Pausanias in Bœoticis collocauit. At video, nisi me fallit animus, quid negotium facessat ijs, qui cùm eruditos Mythologorum libros accuratè peruolutarint, ægrè admodum ferunt, in cerebro à me constitutam esse memoriam, quæ in auribus sedem fixit. cùm enim frontem Genio, Iunoni brachia, pectus Neptuno, cingulum Marti, Veneri renes, Mercurio pedes, Mineruæ digitos dicata fuisse annalium monumenta tradiderint, aures easdem Mnemosync, siue Memorix consecratas prodidere. hinc illud elegantissimi pastoris

—*Cinthius aurem*

Vellit, & admonuit.

Ec

Hinc Plinij verba, *est in aure ima memoria locus*: immo (vt qui sapientiam profitentur aliquando desipiant) in Citharædi digitis emicare Memoriam quidam putant: dum aliud agens, & audientibus obuersus, ad numerum tamen, atque concinnè citharam pulsat; erunt etiam si Deo placet, qui memoriosos, vt cum Frontone loquar, pedes existimabunt, dum incogitantes reuertimur domum. Verùm facessant hæc somnia. Humana Anima, immortalis, indiuidua, simplex, nec in singulorū partes distracta membrorum, nec vniuersa corporis mole confusa, semper sibi præsens, nunquam non actiuosa, suis vndique potestatibus, quasi satellitio circumsepta, & videt in oculo, & mouetur in pedibus, & ratiocinatur in capite, & tangit in manibus, & recordatur in cerebro: eadem tamen recordaretur in pedibus, si memoriæ conditoria, quæ in cerebro illi rerum natura composuit, in pedibus inueniret. Nimirum instrumentis, ijsque corporatis operatio animæ definitur, dum adhuc peregrinatur in corpore. Fixum igitur apud nos sit, Quirites, memoriæ numen in cerebro, hoc est in Homérico cœlo, amplitudinis suæ regiam collocasse. Et quoniam semper foeta, nunquam est effœta fecunditas diuinitatis, Memoria non solitarium, ac desidiosum numen, vt Epicureo-

rum Deus, feriat, aut torpet; sed cum multa humani generis bono molitur ipsa per sese, tum partus enititur, vel ipso nomine venerabiles. Musarum mater ab Hesiodo, sapientiæ parens ab Afranio, Poëtis non minus eruditione, quàm vetustate nobilibus audit. O familiam integro populo multitudine penè parem, virtute maiorem! ô stirpem cœlo dignam, mortalibus admirandam, inuidiosam regibus, atque Cæsaribus! ô tuam mater Memoria gloriosam, ex natarum indole felicitatem! Nunc demum amo sororium Musarum cum sapientia nexum, à Platónico Tyrio integra dissertatione coactum: nunc philosophicam Empedoclis poëticam ab Alexandrino Clemente memoratam exosculor, & admiror: nunc eorum consilium vehementer probo, qui aras Musis simul, ac Mineruæ in eadem Academia posuerunt: nunc inimicitias, & iurgia, quæ inter Sapientiam, ac Musas Boëtius olim seuit, auersor penitus, atque detestor. Sorores sunt Sapientia, & Musæ, Quirites; vno Memoriae ventre profeminatæ, vno Mnemosynes pastæ lacte, communia sibi incunabula recognoscunt, eodem genere, licet diuersa temporibus. Quid enim aliud est poëticè, vt Tyrius arbitratur, quàm philosophia vetustate nobilis, argumento fabulosa, numeris implicata? quid philosophia

nisi poetica ætate vegetior, argumento perspicua, numeris expedita? Præclarum omnino eruditæ cognationis vinculum, atque omnibus salutare: quo coniunctis vtrinque viribus Memoria pignora in humani generis beneficium, mutua charitate, necessaria consociatione conspiciunt. Sapientia siquidem hærentem in biuio Herculem ad præruptas virtutis rupes impellit, Musæ laboriosi comites itineris sub pondere fatigantem recreant, atque confirmant: illa perpetua belluarum venatione, ac sanguine Achillem adhuc impuberem exercet, vt iræ præludat Troiano imperio fatali; hæ reuertenti citharam adornant, sudoremque detergunt; illa ne diffuat voluptatibus animus, seueritate lasciuiantem coercet; hæ curis defatigatū, & calamitatibus obrutum demulcent: illa perturbationes tanquam bruta ratione carentia flagello domat; hæ Pythagoræorum more easdem cantus suauitate componunt: mortalibus illa vitiorum contagione tabescentibus absynthio medetur; amarissimum hæ, ac tetrum poculum melle contingunt: fortunæ illa secundæ moderatrix iniicit felicitàti frænum, ne animus efferatur; aduersantem hæ deliniunt, ne succumbat: pugnat illa contra vitiorum monstra felicitàter, epinicia hæ triumphantis modulantur: immortalitatem illa mere-

tur; hæ donant: informat illa animos; hæ oblectant: illa munit, hæ ornant; sanitatem illa, hæ pulchritudinem curant: illa cœlo inhiat, in cœlum hæ inuehunt. quid multa? Quidquid vel ad animorum oblectationem eruditione iucundum, vel ad mentis alacritatem hilaritate conditum, vel ad acumen ingenij solertia perpolitum, vel ad exercitationem stili diligentia excultum: quidquid ad mores componendos excogitatur idoneè, ad virtutem consequendam perficitur studiosè; ad ægritudines persanandas conquiratur opportunè, ad eternitatem nominis gloriosè confertur, id demum quantum quantum est, Memorix filijs Musis, atque Sapientiæ debet natio literatorum. Habent ne aliquod monumenta Poëtarum ingeniosum in fabula, in Episodijs multiplex, in descriptionibus accuratum, accommodatum in moribus, in perturbationibus vehemens, in cogitatis acutum, in elocutione magnificum, splendidum in figuris? inuenis ne apud veræ philosophiæ sectatores in iudicando constantiam, prudentiam in agendo; in loquendo moderationem, soliditatem in docendo, in consulendo maturitatem, in inuestigando iudicium, in omni denique vitæ ratione absolutam virtutis imaginem? id omne, velis, nolis, acceptum referas necesse est Memorix.

filijs Musis, atque Sapientiæ. Et quæ in Romana Republica Gracchorum parens Cornelia; quæ inter lacænarum præstantissimas Mater tam fortunata, de natorum virtute, atque indole gloriata est, quæ si cum Memoria componatur, aut sterilem se non optet, aut fœcunditatem suam, filiorum numero magis, quàm pretio commendatam, non auersetur, ac defleat? Verùm sentio me vsque adhuc in Memorix laudibus ita fuisse versatum, vt omnia potius alia prædicauerim præter ipsam. Licet enim, quæ de filijs honorifica dicuntur, in parentes soleant iustè transferri, vbi tamen vnusquisque censu suo diues est, alienæ suffragium commendationis præstolari non debet. Age igitur, & quid ipsa Memoria sit, quibusque viribus polleat, persequamur. Animam hominis, quæ rerum simulachra recipit, per corporis sensus in se, veluti per traduces deriuata, tabulæ ceræ, in Teætheto Plato aiebat esse persimilem. In hanc autem ceram (quam ex Socratis interpretatione cor animi Homerus appellauit) dum rerum imagines, quasi quædam annulorum sigilla, altius imprimuntur, pro ceræ temperatione, ac modo, vel perturbata, vel illustria simulachra nobis occurrunt. Nec à Platonis sententia discedit Aristoteles, dum in libello de Memoria, eandem signatorij annuli comparatio-

nem non ineleganter usurpat. Verùm quia plausibiliter magis hæc dicuntur, ac splendide, quàm ad rerum naturas religiosius indagandas acomodatè; videamus, oro vos, vtrum ex eiusdem Aristotelis documentis eruere aliquid in rem nostram, ac delibare possimus. Hominis anima corporis adstricta vinculis, ita illius utitur ministerio, vt ne intelligere quidem possit, quin ab ipso rerum notiones accipiat. Traiectæ igitur per sensus ad animam rerum imagines, in eam primò facultatem incurrunt, quæ ab sensibus nominata, communis dicitur; qua de re differit etiam Plato tum in Teætheto, tum alibi, Galenus existimat. Hæc autem rerum simulachra ab imaginatrice (quam recepto iam à Græcis vocabulo Phantasiâ philosophantes appellarunt) collecta, atque in ordinem digesta, Memorix in thesauris asseruanda traduntur: quæ bonæ fidei custos, quotiescumque leuiter icta, animo iubente percellitur, vniuersa statim habet in numero. Hinc rerum omnium thesaurus à Marco Tullio dicta est. Et sanè dum illius sinus, ac latebras, in quibus tota rerum vniuersitas delitescit, admiror, Iliadas illas Homericas nucleo conclusas; Myrmecidis, ac Theodori quadrigas muscæ alis obtectas, atque alia artis prodigia, ideo maxima, quia minima confidenter irrideo.

Quid enim, Deus immortalis! hæc omnia ad immensam Memoriae capacitatem? Hæc interminatam Oceani vastitatem; hæc indefinitam magnitudinem regionum; hæc minacem montium altitudinem; hæc latissimum æquor agrorum; hæc cælestium orbium ambitum; hæc naturæ miracula; hæc artis machinamenta; hæc mysteria doctrinarum; hæc diuinitatis arcana exiguo loculamento complectitur. Nihil est in Historicorum monumentis tam reconditum; nihil in Poëtarum fabulis tam nouum; nihil in officinis Rhetorum tam sepositum; nihil in Philosophantium exedris tam retrusum; nihil in gymnasijs Theologorum tam inuolutum, quod hæc per otium in sinu suo non complectatur, ac videat. Qui gentium ritus, quæ prouinciarum consuetudines, quæ præcepta regnandi, quæ iura regnorum, quæ sacrorum ceremoniæ, quæ priuilegia sacerdotum, quæ insignia Magistratuum, quæ scita populorum, qui bellorum euentus, quæ documenta bellandi, quæ decora triumphorum, quæ facinora triumphantium ab huius conditorijs excluduntur? Est ne natio aliqua, vel origine barbara, vel moribus efferata, vel longinquitate dissita, vel legibus inculta, vel superstitione impia, quæ huius amplexus effugiat? est ne aliquis terræ tractus, cuius fœcunditas cum amenitate

amœnitate contendat, salubritas cum opulencia certet, situs cum munitione confligat, emporijs nobilis, metallorum fossionibus inclytus, ædificiorum magnificentia prædicandus, admirabilis numero populorum, cuius multitudinem, substructiones, emporia, salubritatem, opulentiam, amœnitatē, illa non teneat? Hæc autem omnia quàm celeriter, quàm subitò, quàm sine mora, vnico veluti obtutu videt? Nunc terræ visceribus excepta, in scaturientium vndis fluminum, aut natat, aut nauigat; euersis auri fodinis inauratur; lapidibus turgescit; quibus auaricia mortalium precium fecit; spiritu, quo terra concutitur, agitur; nunc eodem veluti abrepta spiritu, in cælum vsque conscendit, sistitur ad solium diuinitatis, beatarum mentium ordines enumerat, orbium conuersiones, atque verrigines, stellarum lapsus, exortus, & occasus speculatur; nunc ad orientem solem conuersa, nunc ad occidentem regressa, alieni cæli sidera, nouas telluris fruges, inusitatas populorum consuetudines, peregrina gentium sacra, incredibilia ignotarum artium inuenta nobis ostentat; nunc per sepulchreta licenter oberrans eruta è cadaueribus inter mortua penè facinora, iacentia Principum nomina; squalentes doctorum hominum lucubrationes immortalitati redonat;

nunc in se ipsam conuersa, ac familiam suam, abdita in thesauris simulachra, vel vnumquodque separatim, vel vniuersa confertim, vel ordinatim singula vocat in lucem: lacescita protinus adsunt, illa veluti imperatrix militiam in insidijs collocatam educit in aciem, vniuscuiusque nomen, vt olim Cyrus, vsurpat, mox vt agmina circūspexit, admirabili celeritate colligit dissipata, distracta consociat, remota pertingit, propinqua disponit, vasta contrahit, diuisa coniungit; præterita reprehendit; integrat oblitterata; infinita metitur; comprehendit æterna. Et quæ nam fuit vel naturæ fauientis iniquitas, vel miseræ mortalitatis iniuria, quæ tam luculentum, tam efficax, tam diuinum nobis patrimonium extenuauit, diripuit, exhaustit? quæ pestis adeo nefaria, atque atrox, nobilissimam animæ partem infecit, debilitauit, infregit? Vsq̃ue adeo ne suæ dignitatis rerum naturam pœnituit, vt in se ipsam ferox, maximè actuosam, atque omnium stupore dignissimam in homine partem sui, spontè omnibus iniurijs exposuerit? An tanti erat eiectionamenta terrarum gemmas, ea duritie solidare, vt earum aliqua nec vsu deteratur, nec ferro dometur, nec igne corrumpatur, nec vetustate deficiat, vt memoria interjūn, necessarium generis humani bonum, in mollissima capitis medul-

la nobis nec sentientibus contabescat: ferendum quodammodo videretur, si ætatis tantum vitio laboraret, quod sibi contigisse Seneca quærebatur; licet enim muta, nedum tacita temporis fuga sit, non inusitata tamen nobis memoriæ senectus accideret, qui oculos, aures cogitationes, cupiditates, omnia denique in nobis confescentia experimur in dies. Nunc autem quot, quantisque præter ætatem periculis patet? Curioni incantationes, ac veneficia; Messalæ Coruino morbus; Maximino Cæsari vini haustus paulò liberalior; lapidis ictus alijs; alijs è recto, vel ex asino casus; metus quamplurimis, & quod commemorare sine ingenti animi dolore non possum, labor ipse, atque vigilæ in studijs literarum Memoriam labefactarunt. Adeo vias omnes, quibus interire, ac profligari Memoria posset, malus quidam naturæ genius aut inuenit, aut reperit. Et mirabitur quispiam, si dum multi leuissimam pulchritudinis iacturam accersito quodammodo, ac studioso dolore quærantur, natiuis nos, ac spontè erumpentibus quærimonijs, literatæ Reipublicæ calamitatem, ac funestum literarum iustitium, in tot Memoriarum cladibus prosequemur.

Sed animos vestros non exulcerabo tam luctuosa commemoratione diutiùs. Bene habet,

Quirites, etiam naturæ vitijs alacriter vir fortis obfistit; quæ vt nulla aliquando arte vincantur, maxima tamen ex parte leniuntur. in rebus arduis, ac vires humanas supergressis, vt nos euentus destituat, summam tamen laudem in ipso conatu viri sapientes posuere. Ad reparandas igitur Memorix ruinas multa legimus à priscis adhibita siue consilio, siue casu, quæ singillatim libenter enumerarem, & fortasse cum fructu, nisi me opinione mea longius præteruectum, alteram hanc dissertationis partem obuoluere potius, quàm explicare, & audientium auctoritas cogeret, & modestiæ in dicente ratio suaderet. Prætereo igitur pharmaca, venarum sectiones, aliàsque corporis exercitationes, seu veriùs cruciatus, ex Medicorum placitis repetitos, quorum ego comparatione Memoriam tanti non facio, vt longè acerbiora obliuionis remedia, quàm malum non existimem. Omitto singulare apud Petrarcham fortunæ ludentis, & illudentis inuentum, quo factum est vt admirabilis Clementis Sexti Pontificis memoria, ex vulnere capiti altè impresso, tanquam armata ex Iouis cerebro Pallas exilierit: neque enim Memorix debilitatem capite luendam censeo, aut præsidia à supplicijs expecto. Sileo stolidam Caluissij Sabini diligentiam à Seneca otiosè descriptam, qui

seruis, & quidem magno coëmptis, Homerum huic, illi Hesiodum, Lyricos nouem reliquis assignauit, vt vnusquisque Poëtæ sui versus (quoties eum venditandæ eruditionis libido cepisset) cum fide repræsentaret; nam & Memoriam insitiuam nunquam putauit, nec ideo multa scire me arbitror, quod ea familiares mei probè didicerunt. Prætermitto memoratricem Simonidis artem, quæ tantopere apud dicendi Magistros inualuit, vt præceptiones de ea luculentas Quintilianus, & M. Tullius summa cum laude tradiderint; nam ego qui meoptè ingenio tardus, ac bardus sum, ex multiplici locorum designatione exoriri in me multiplicis etiam Memorix necessitatem sentio, ridiculo sanè artis inusitatæ compendio. Vnum igitur candidè, atque simpliciter more Romano in medium assero, illudque præsentissimum vacillantis Memorix præsidium, hæc videlicet folia, non vtique Sybillina; quorum artificio satis hætenus explorato, ac fido, quicquid memoriam præteruolat incurrit in oculos, & quod cæca rapiebat obliuio; oculata sagacitas repetit. Videtis, opinor, Auditores, quorsum euadat oratio mea, quæ tota quanta est (quid enim dissimulem diutius?) non ad Memorix siue laudes amplificandas, siue fragilitatem deplorandam à me est instituta cùm

cœpi ; sed pro domo mea , hoc est ad tuendam
eam recitandi consuetudinem , quam huc à me ,
vt aiunt , inuectam indignè ferunt , qui nodum in
scirpo quærunt . Vellem equidem fecisset Deus
immortalis , vt Cyros , Hortensios , Themistocles ,
Mithridates , Senecas , Portios Latrones , aut iu-
uenem illum ex insula Corsica à Mureto lauda-
tum , memoria superarem , Oratorem haberetis ,
Quirites , non paulò disertiozem . Sed quoniam
ita natura comparatus sum , vt lubrica semper
fide apud se depositas rerum imagines memoria
mihi restituat , ignoscet mihi genius humanita-
tis vestræ , si commentarios identidem intuebor ,
tanquam oracula , ex quibus anxie , timideque
numinum responsa petuntur . Scio memoria de-
ficiente , personam me , vt quidam putant , Ora-
toris absoluti sustinere non posse . Verùm cum
& ab alijs ad munus amplissimum præsidij de-
stituar , quoniam primas eloquentiæ partes oc-
cupare non licet , hæere saltem per vos liceat in
secundis . Expeditam illam , ac subitariam lima-
tè loquendi copiam , nec ars mihi , quod sciam ,
nec natura suppeditat . neque enim in medio La-
tio natus , aureis Romanæ Reipublicæ temporibus
ad elegantiam sermonis adoleui ; vt etiam si
dicere ex tempore vehementer cupiam , vt vel-
lem profecto non possum , vt possim iustissime

nolim. Non tam abiectè de eruditissimis auditoribus sentio; nec me, ac mea tam arroganter, ac temerè circumspicio. Dicam igitur in posterum ex commentario, & si vsus ita postulauerit, legam. Præstitere hoc olim florentibus eloquentiæ sæculis Poëtæ, Historici, Oratores omnes: ex quo tam crebra apud Martialem, Iuvenalem, Persium, iuniorem Plinium de recitatoribus mentio. Præstitit Seuerus Cassius, qui habiturus orationem, non commisit, vt commentarius sibi extorqueretur è manibus. Præstitere Cæsarum multi, atque inter eos, vt rerum gestarum gloria, ita doctrinæ opinione clarissimus Augustus, qui non orationes modò ad Populum, in Senatu, ad milites ex scripto habuit; sed priuata etiam cum Liuia vxore colloquia retulit in commentarios. Præstitit ipse M. Tullius, qui P. Sextij defensionem ex libello recitauit. Hinc Oratores Quintilianus, causarum Patronos Ægineta læua manu libellos habuisse commemorant. Quæ res licet Memorix diffidentiam, vt ait idem, bene dicendi artifex profiteretur, consuetudinem tamen recitandi per ea tempora inoleuisse testatur. Causam igitur, si vobis ita videtur, perorauis; sed quoniam hodiernam dissertationem à pulchritudine auspicatus, in Memorix mentionem sensim delapsus sum, vt primis extrema respōdeant,

illud vnum coronidis loco addo. Græcus nescio quis ad petulantiam adolescentis, quam ex formæ conscientia collegerat, infringendam, senectutem, morbum, dolores, inscripturum se tabulæ deieravit; vt ea de superbissimi iuuenuli collo tanquam amulera suspenderet, aut illius ianux, monimentum lubricæ, ac fugientis felicitàs affigeret. Grauitèr ille, & in rem suam ingeniosè. Ego vero Memorix obsequijs mancipatus, commentarios hosce meos, tanquam profligatæ opinionis manubias, in amplissimo hoc Mnemosynes templo suspendo; cum Iudithæ viduæ sanctissimæ, ac tum præsertim obtruncati Holophernis spolijs ferculum adornantis, Epigrammate, Anathema obliuionis.

FINIS.



I N D E X R E R V M

memorabilium quæ in his Prolu-
sionibus Ethicis continentur.

A



- Chilless amoris atq;
iræ mancipium fa-
ctus est. 17
Achilles non minus
religione quàm bel-
lica virtute insi-
gnis. 130
Adamitas verè esse eos omnes qui
excusationes quarunt in peccatis. 146
Adriani musæum, seu mensa Ægy-
ptia. 42
Ægritudinem corporis æquo animo
tolerandam. 120
Æthiopes aduersus omnes animi af-
fectus obduratos fuisse. 54
Aleander eruditissimus criticus. 135
Alexander Seuerus doctos viros
mensæ suæ adhibebat. 42
Alphæi fluuij miraculum. 169
Amorem sui ingeniosam rem esse. 161
Animi bene constituti cursum ad
virtutem nihil impedire posse. 167.
175
Animam corpore tanquam manci-
pio vti debere. 101
Animi laborem corporis vires ex-
haurire. 99
Anima humana qualis sit. 218. cerea
tabula dicta. 122
Animus humanus à veteribus Phi-
losophis plerisque pro Deo habi-
tus. 9
Animos hominum è cera fictos à
Philonc. 10
Animæ facultas æstimatrix quan-
tam vim habeat. 10
Animam sine ministerio corporis
vim suam exercere non posse. 114
Animam vnionem esse. 115
Animæ damno corporis valetudi-
nem emi non debere. 104
Animi & corporis imbecillitas. 52
Animos hominum studiis mansues-
cere. 38
Arbores pro numinibus coli solitas. 16
Arborem vetustam Christo puero,
adhuc in Ægyptum fugienti se in-
flexisse. 27
Aristotelem linguæ offensionibus
obnoxium fuisse. 151
Artemonis inepta valetudinis cu-
randæ ratio. 75
Astarte Syrorum numen. 16
Athenienses misericordiam, pudor-
em atque impetum, pro diis ha-
buisse. P. 7

Gg

I N D E X.

Aulici cuiusdam imperitia, epi-
gramma tanquam edulij quod-
dam genus in culina quærentis.

43.44

Auicennæ opinio de imaginatione.

102

B

Bacchanalia celebrantium de-
scriptio.

91.92

Barbam primam quinam Apollini
dicarint.

138

Bellonam Iunio mense sanguine
humano placari solitam à sacer-
dotibus.

131

Bernardi opinio de perturbationi-
bus expurgandis.

18

C

Caldæos ignem pro Deo ado-
rassæ.

29

Caldaicum numen ab Ægyptio vi-
ctum.

30

Caldeorum natio fugienda.

123

Cælestis delubrum Christianis sa-
cris expiatum. 25. huius idoli de-
scriptio.

ibid.

Cælestis statua quid significet.

151

Cato ætatis suæ virtutis exemplar.

155

Celtæ quomodo somnia captarint.

180

Cerebrum diuini seminis recepta-
culum. 216. cælum appellatum ab
Homero.

ibid.

Charidæmi elogium.

39

Christus vtrum perturbationibus
animi caruerit.

62.63

Christum certo consilio, non con-
ditionis necessitate perturbatio-

nes animi suscepisse.

64.65.66

Christianos plerisque falsa religio-
nis sacris operari.

6

Clementis Alexandrini dictum de
corpore.

116

Climæum Adonidis templum.

38

Color vultus qualis sapientiæ stu-
diosis contineat.

119

Concordiæ ædem à Liuiâ conditam.

132

Conuiuiorum hilaritas eruditione
temperanda.

41

Cornelius Celsus Medicorum lati-
nissimus.

80

Corporis valetudinem animi gra-
tiâ curandam esse.

106. 107

Corporis quærimonia de anima.

117. 118

Corporis valetudinis detrimento
virtutem comparandam esse.

121

Corporis languorem non raro ani-
mo prodesse.

103. 119

Corporis sanitatem per animi vul-
nera procurare, stolidum esse.

87

Corpus animæ mancipium esse. 101.
diuersorium.

106

Cosrois Persarum regis machina.

61

D

DAnielis venti quid significant.

61

Deorum ritæ & contentiones.

109

Deorum suorum exemplo idolola-
tras ad scelus incitatos esse.

147

Diuinandi artem proficentes credu-
lis hominibus imponere.

124

Doctrinæ litterarumque patrocini-
um.

36. 37

Dolorem numinis artificem fuisse.

2

Dolores ac morbos, homines con-
ditionis suæ aduocare.

52

E

Epicurei quid de somniis senserint. [183](#). Dei providentiam calumniati sunt. *ibid.*
 Epimetheus quas statuas sinxerit. [142](#)
 Epictetus Stoicæ disciplinæ antesignanus. [127](#)
 Erus miles qui mortuus reuixit. [67](#)
 Eumenius nobilis Rhetor. [135](#)
 Excusationem à primis parentibus ortum duxisse. [143](#). Frondem ficulneam esse. [144](#)
 Excusationem imprudentiæ prolem esse. [142](#). Virtutum pestem. [143](#)
 Exempla magnorum virorum amoliri debere vitia non excusare. [152](#)

F

Febrem vulturi similem esse. [138](#)
 Finnos solitos ventos vendere. [60](#)
 Fortunæ subdolum ingenium. [40](#)
 Francisci Gallorum Regis elogium. [42](#)
 Fumotristitiam discuti apud quosdam populos. [87](#)

G

Ganeonum descriptio. [72. 73](#)
 Gedeoni quænam somnia immissa fuerint. [86](#)
 Gnosticorum opinio de Christi corpore. [63](#)
 Gratis non litasse quid mali afferat. [39](#)
 Gregorij Magni sententia de somniis. [138](#)
 Gulam omnium morborum causam esse. [93](#)

H

Harmodicus Medicus Hippocratis præceptor. [74](#)
 Helenæ potio, quam Telemacho propinavit, quid significet. [47](#)
 Helvidius præcis quonam consilio litteris operam dederit. [48](#)
 Herculi quid commune cum Musis. [134. 135](#)
 Herculeum ab Euandro litteras edoctum fuisse. [135](#)
 Herculi simul & Musis idem templum Romæ consecratum. [114](#)
 Hippocratis opinio de somniis. [182](#)
 Homo cur à Deo conditus. [115](#)
 Homines cupiditatis suis blandiri. [51](#)
 Hominis à morbo conualescentis, ac varia remedia, votaque ab aliis accipientis status. [67. 70](#)
 Homines vitiis suis excusationes obtendere. [137. 138. 139](#)
 Horatius Epicuri sectator. [126](#)

I

Idolorum cultus umbra picturæ dicitur. [11](#)
 Ieiunij nomine audito helluones percelli. [25](#)
 Imaginatricis facultatis vis. [107. 108. 110](#)
 Imaginatricem facultatem diuina potestate à quibusdam donatam. [109](#)
 Indos dolia ventis pluuiisque referata habuisse. [69](#)
 Indicæ merces quænam sint. [138](#)
 Indorum sacerdotum oraculi reddenditatio. [86](#)
 Inertis hominis descriptio. [96](#)
 Gg ij

I N D E X.

Inuidians à Romanis & Græcis ple-
risque cultam.
Ioannis Lusitani eximia virtus. 103

L

Lacedæmonios timorem coluisse.
Læconis cuiusdam generosus ani-
mus.
Libertatem optimum esse aduersus
ægritudines pharmacum.
Litterarum bonarumque artium
commendatio.
Loci conditionem ad virtutem aut
vitiū nihil facere.

M

Mala ab hominibus per impru-
dentiam præueniri.
Manichæorum opinio de corpore
Christi.
Martem in Senatu Arcopagitico
causam dixisse.
Martem appetitum irascibilem de-
notare.
Medicæ artis in partes distributio.
Medicos, salute animæ neglectâ, to-
tos corpori intentos esse.
Medicorum curationes mera som-
nia.
Medicorum imperitiæ exagitatio.
Memoriæ laus.
Memoria in cerebro
residet.
Memoria sapientiæ parens di-
citur.
Memoria quantum ei debeatur.
Memoria rerum omnium thesaurus di-
cta.
Memoria quod modis labefacte-
tur.
Menti delubrum extractum fuisse

à Romanis.
Mercurij Caduceus quid innuat.
Mezentius hastam suam adorasse di-
citur.
Morbos ab hominibus sibi blan-
dientibus ali.
Morbos mortalitatis suæ homines
admonere.
Mortui semper proximos esse homi-
nes.
Mortis causas innumeras homines
circumstare.
Mortis formidinem miseros homi-
nes efficere.
Musas Cupidinis sagittis non esse
obnoxias.

N

Nasamones qua ratione somnia
captarint.

O

Odia mortalium immortalia ef-
se non debere.
Oratorum artibus quantamala ciui-
tatibus inuecta.
Otium vigorem excitare.

P

Pantheon Deorum omnium do-
lubrum Romæ conditum.
Pausus Latij genius.
Pecunia pro deo culta.
Perturbationes non esse penitus ex-
tirpandas, sed ad normam virtu-
tis dirigendas.
Perturbationes animi diuinitatis
in hominum animis obtinere.

- Perturbationum causæ in quasnam
 res ab hominibus reiciantur. 158
 Perturbationis definitio. 158
 Phaëton quid significet. 23
 Phantasie vis in corpus & animum.
 110. 111
 Phantasia morbo laborantium
 exempla. 111. 112
 Pietatis atque eruditionis rara socie-
 tas. 2
 Plato quid senserit de somniis. 184.
 Item Pythagoras & Empedocles.
ibid.
 Platonem Sophistas exagitasse. 195.
196
 Platonis sententia de valetudine
 corporis. 89
 Platonis sententia de mutua corpo-
 ris & animæ temperatione. 116
 Poetas morum magistros à pruden-
 tioribus appellatos. 210
 Poëtarum fabulis humanis vitij
 alimenta suppeditata fuisse. 145.
146.
 Poëtica quid sit. 219
 Principibus viris parçè dormien-
 dum. 96. 97
 Pulchritudinis corporis quanta vis.
 210. quàm caduca sit. 211. 212
- R
- Rationis imperium in reliquas
 animi facultates. 201. ubi non
 imperat quanta rerum confusio
 oriatur. *ibid.* & 202
 Regionis cuiusque suum genium
 esse. 163
 Religiosi primùm, deinde crudelli-
 simi cuiusdam hominis historia.
203. 204. & c.
 Rerum excellentiæ imbecillitatem
 adiunctam esse. 208
- Respectum hominum multum ob-
 esse ad virtutem. 164
 Rhetoricæ cum Dialectica omnia
 communia. 191
 Rhetoricæ vim maiorem esse Dialec-
 ticæ vi. 200
 Romanam eloquentiam Athenien-
 sem superasse. 189
 Romanum nomen posteritatis dis-
 ciplina. 3
 Romam plura quàm cæteras vrbes
 simul virtutis exempla habuisse.
 3. generis humani capacem fuisse.
ibid.
 Romam, ubi veram religionem am-
 plexa est, à marmoribus ad aurum
 traductam. 4
- S
- Sanitatis tuendæ nimia cura. 80.
81
 Sanitati animæ & corporis studen-
 dum. 116
 Sapientem sibi semper parem esse.
55
 Sapiens quid quotidie dicere debeat.
125
 Sapientum somnia stultorum vi-
 giliis meliora. 210
 Sapientia capaces sui mentes subit.
178
 Sapientiam rarè trabeatam sæpe
 pannosam visam esse. 167
 Sceleribus humanis petitem olim à
 falsis diis patrocinium. 147
 Sceleratos homines exempla è diui-
 nis litteris petita suis flagitiis ob-
 tendere. 148. Magnarum viro-
 rum factis sua excusare. 149. 150.
ibid. Vrbis mores corruptos suis
 vitij prætexere. 164.

I N D E X.

Scythæ acinaces suos adorabant. p. 16
 Seculi cuiusque certa esse vitia quibus homines obstringantur. 153.
 162
 Seculi sui moribus vnumquemque vivere. 13. 154
 Senatus populi que Rom. elogium. 108. 109. 100
 Simulachrorum multitudinem dedecori fuisse Romæ. 4
 Simulachra Deorum quo tempore disiecta fuerint. 21
 Sinesij fabulosum vehiculum. 185
 Sirenes quondam aduersus Musas certasse. 50
 Socrates seculi sui constantiæ exemplar. 155. oraculum. 170
 Somnus quid boni hominibus afferrat. 177
 Somno sopiti hominis status. 178
 Somniorum captandorum ratio. 180
 Somnia quædam diuinis immitti probis & improbis. 181
 Somniorum non idem finis. 186
 Somniorum beneficio medendi artem comparatam fuisse. 181
 Sophistæ, genus hominum fallax, unde orti. 191. nomen dignitatis olim & honoris. 191. eorum imagines in priuatis bibliothecis asseruata. 192. statua posita. *ibid.* eorum disciplina qua se potissimum contineatur. *ibid.* & 193.
 Simplicibus & imperitis imponunt. 194. eorum disputandi genus aranearum telis simile. 195
 Sophistæ nomine à quibusdam primorum parentum deceptor appellatus fuit. 197
 Spem obstinatos aduersus infortunia reddere. 67
 Stoici in inuidiam à cæteris Philosophis adducti. 53. naturæ iura per-

turbant. 11
 Stoicos cum Peripateticis idem sentire. 12
 Stoicos perturbationes interimere. 22
 Stoici in quo à cæteris Philosophis discrepent. 19
 Studiorum quis finis. 196
 Superstitione falsæ diuinitatis duabus rationibus euersam. 10

T

T Abacci herbæ Indicæ vsus. 84.
 86
 Tagæ lampasinextinguibilis. 66
 Thales Cretensis excantator. 125
 Theologorum de somniis sententia. 181
 Theodoræ virginis fortissimæ elogium. 171. 172
 Thomas Aquinas Christianæ reipublicæ lumen. 65
 Tiberium Cæsarem Concordiæ ædem à Liuiæ Augusta positam dedicasse. 132
 Timor sæuissimus animorum tortor. 8. primum inter homines nomen timorem habitum fuisse. *ibi.*
 Trascam ob virtutem admirationi Neroni fuisse. 156
 Tristitiæ discutiendæ ratio à quibusdam populis obseruata. 87
 Trophonij templum adituri quid agebant. 217

V

V Acuna otij numen. 137
 Valetudinis cura cur suscipienda. 72
 Valetudinariorum misera sollicitudo. 76. 77. 78. 79
 Vanitas hominum studij, dedico-

INDEX.

236

| | | | |
|---|----------|--|---------|
| rum describitur. | 34.35 | Virgæ aureæ Mineræ vis. | 212 |
| Venus concupiscibilem facultatem designat. | 16 | Virtutem in omni loco coli posse. | 168 |
| Venti à Persis in deorum numerum relati. | 12 | Vitam hominibus à natura commo- datò concessam. | 52 |
| Vita mortalium conuiuio & carceri comparata. | 39 | Vmbriunt Româ ob mores cor- ruptos cecidisse. | 163 |
| Vitiosos cæcis similes esse, qui non suam, sed loci caliginem accusant. | 165.166. | Voluptati & socordix deditum esse, quàm periculosum sit. | 160.161 |
| Vitia temperari non debere, sed penitus euelli. | 59 | Voluptas & dolor separari à se inuicem non possunt. | 46 |
| Vitia ab hominibus dissimulari. | 141 | | |
| Vitæ in conuiuio excogitatæ ad leniendos capitis dolores. | 41 | | |

Z

Z Enonem naturæ asperitatem violentè temperasse. 57

FINIS.

APPROBATIO HVIVS OPERIS.



Visu Reuerendissimi, Domini Fratris Nicolai Riccardi sacri Palatij Apostolici Magistri legi Prolusiones Ethicas Illustrissimi Domini Augustini Mascardi, easque publica luce dignissimas iudico, sperans propter argumenti varietatem & præstantiam, eruditionis doctrinæ, atque eloquentiæ copiam allaturas non mediocrem utilitatem, & oblectationem lectoribus, Autori verò gloriam non vulgarem.

Imprimatur,

LEO SANCTIVS Societatis IESV.

P. NICOLAUS RICCARDIVS, Sacri Palatij Apostolici Magister.

SVMMA PRIVILEGII CHRISTIANISSIMI
REGIS.



VDOVICI XIII. Galliz & Nauarræ Regis autoritate cautum est, ne quis in Regno suo, alijsve locis ditioni suæ subiectis, intra proximos annos decem, à die impressionis primæ inchoandos excudat, vendat, excudendum, vendendumque quouis modo, ac ratione librum qui inscribitur, *Augustini Mascardi Prolusiones Ethica*, præter SEBASTIANVM GRAMOISY Bibliopolam Iuratam, Typographum Regium, & Ciuem Parisiensem, aut illos, quibus concesserit sub penis originali diplomate contra delinquentes expressis. Datum Parisijs 6. Decembr. 1638.

De mandato Regis,

CEBERET.